

蘭芷庵滇南本草



陸士諤主編

基 本 醫 書 集 成

蘭芷庵 著

滇 南 本 草

世界書局印行

中華民國二十六年五月初版

蘭芷庵滇南本草 (全一册)

實價國幣二角五分

(外埠酌加運費匯費)

版權所有
不准翻印

主編者 陸士諤

發行者 陸高誼

出版者 世界書局
上海大連灣路

發行所 世界書局
上海及各省

序一

上古神農氏嘗百草而知藥性。軒轅氏訪岐伯伯高少俞而知脈理。後世始有生生之術矣。夫人之五臟六腑。氣脈週流。而陰陽血脈。上按天道。下詳地理。非冥心聚精。博攷沉思。不能入其奧妙。而况粗浮之氣。疎略之見哉。余幼酷好本草。考其性味。辨地理之情形。察脈絡之往來。獨滇南則不同也。蓋滇南乃崑崙之總脈也。而又近於西天之地。故有逆水繞之。往往奇花異草。產於滇域。而人不識。余留心數年。審辨數品仙草。合滇中蔬菜草木種種性情。著滇南本草三卷。特救民病以傳後世。爲永遠濟世之策。後有學者。以誠求之。切不可心矢大利。而泯救病之心。若能刻存善念。利吾救人。自有神天默佑。獲福非淺。凡行醫者。合脈理參悟。其應如響。然凡奇花異草。切勿輕傳匪人。慎之慎之。

明滇南楊林和光道人止菴蘭茂撰並識

序二

古有英雄豪傑之士。抱濟人利物之懷。幸而兼善天下。出其經綸。燮理陰陽。安懷老少。不幸而獨善其身。本其惻怛格物之性。救民之疾。雖窮達不

倫。而濟人利物之心則一也。以故神農嘗草。軒轅訪脈。岐伯工診。下此如雷公煎製。仲景傷寒。是皆不忍民之疾苦。解醫。各挾濟物利人之心。以求盡其在己者也。矧以窮達異哉。然九州所產之藥。辨自黃帝。晰於漢唐。備於宋元。已屬無美不臻。卽六詔所產。本草綱目亦載之悉備。豈彼是書出而滇南之草木始著耶。然綱目所載者有限。滇南所產者極多。使無人以表章之。造物之精英。不且湮沒未宣乎。况滇稟崑崙正氣。其間五金並產。奇草異葩。靈藥瓌木。恆補中州所弗及。明蘭芷菴先生功深好古。志切濟人。研心草木數十年。味其甘辛酸苦。明其溫燥涼熱。圖其柯葉形狀。著滇南本草三卷。於是滇南之一草一木。悉有功於人世。而流傳不朽矣。洎明鼎革。遺編燔於兵燹。國朝二百年來。是書益不可考。本堂主人王君級三。利濟樓懷。不忍是書之失。蒐羅搜輯。丁亥仲冬。乃得管文明昆季劫灰撥存家藏善本。不吝重資。重加剞劂。正其帝虎亥豕。釐其條目篇什。越一載而書成。爲巧數言。弁諸簡端。予喜其利物濟人之心摯。而善其章句字畫之辨精。且嘉其以獨善之身。擴兼善之志。均樂爲之序。並識其崖略如此云。

光緒戊子大雪後五日點蒼郁堂李文煥撰並書

序二

昔神農嘗百草以辨藥性。而醫家始有所宗。此神靈首出。功高當世。利及來茲也。古今人每不相及。而其事則隱有於字考。滇南楊林蘭先生者。自幼閉戶潛脩。讀書好道。不求聞達於當時。惟心存利濟於來世。因於滇中所產之靈藥百草。無不備極精神。區類辨性。繪爲圖形。註爲書集。聖經所謂格物者也。先生著作甚多。明末兵燹。殘缺無存。其或存者。傳寫多訛。如滇南本草。先前未經刊刻。故所存者鮮。延及於今二百餘年。猶多遺失。良可慨也。余承先代遺澤。竊幸家有殘篇。奈年遠代湮。不無廢壞。余長兄暄於癸酉年春。向里人中尋訪舊存。互相校對。親爲抄補。此書乃爲之全備。但私之於己。其獲益有限。不如公之於世。其爲利甚溥也。余念及此。因重訂之。卽捐家藏遺本一部。刊刻流傳。俾得者朝夕披覽。識見廣資。庶不貽誤於醫藥。而先生濟世之心。與神農嘗藥之功。亦後先媲美。永垂萬世於不朽云。

光緒丁亥年仲冬月上浣鄉後學文明管濬重訂題敘并書

序四

自來醫書所載。甚是不一。惟我鄉先達止庵夫子手著滇南本草。其間辨藥性之周詳。明脈理之精微。審見症之確切。附湯方之合宜。種種悉備。有益濟世。莫可名言。醫家各置一卷。藥石之奉。誠何愧哉。原喜友人管兄所捐藏本。刊刻流傳。願公諸君子同其所好焉。是以爲序。

光緒丁亥年仲冬月上浣鄉後學關渠周源清謹識

滇南本草目次

卷上

藥草參

人參	一	還元參	一〇
白雲參	二	青霞草	〇
飛仙藤	二	石龍草	一
雙尾草	三	龍蛋草	一
蘭花雙葉草	三	石梅	二
如意草	四	地竹	二
大楓草	四	貼地金	三
獨葉一枝花	五	百葉尖	三
石膽草	五	掃天晴明草	四
地精草	六	南蘇	四
迎風不動草	六	三仙菜	五
無風自動草	七	南薄荷	五
繡球藤	七	樓台草	六
龍竹草	八	假蘇	六
		金剛杵	八
		劍草	九
		鹿含草	九

土練子	一七	白地骨	二七
鐵刺枝	一七	無花菓	二七
靈芝草	一八	鳳尾草	二八
地纓子	一九	粳粟米	二八
青花黃葉草	一九	胡麻飯	二九
龍吟草	二〇	金纏菜	二九
汞草	二〇	白龍參	三〇
紫葉草	二一	水芭蕉	三〇
黃毛金絲草	二一	水毛花	三一
毛竹葉	二二	菊花參	三一
地捲草	二二	水朝陽草	三一
金錢草	二三	鹿竹	三一
筋骨草	二三	拐棗	三三
黃花子	二四	粟米	三三
落花參	二四	石葡萄	三四
萬年松	二五	土餘瓜	三四
紫背天葵草	二五	山藥	三五
鐵連子	二六	白雲參	三五
七星草	二六		

卷上之下

菓品類

梨	三七
桃	三七
杏	三七
赤小棗	三八
甜石榴	三八
蘋菓	三八
花紅菓	三八
白菓	三九
葡萄	三九
紅梅	三九
槐	三九
柳	四〇
櫻桃	四〇
栗子	四〇
枇杷	四〇
李子	四〇
橄欖	四〇
酸餃	四一

黑食子

黑食子	四一
烏飯子	四一
柿花	四一
金柿	四一
甘蔗	四一
松筆	四一
菱角	四一
藕	四一
赤陽子	四二
土瓜	四二
覆盆子	四二
桑椹子	四二
山萆菜	四四
土三七	四四
土牛膝	四四
土血竭	四四
土人參	四四
土大黃	四四

園蔬類

莧菜.....四九

馬齒莧.....四八

苦瓜.....四八

瓠匏.....四九

茱蘭.....四九

茄子.....四九

瓠子.....四九

王瓜.....四九

甜瓜.....四九

灰挑銀粉菜.....四九

西瓜.....四九

南扁豆.....四九

窩笋.....四九

甜菜.....四九

芝麻菜.....四九

毛豆.....四九

南芹菜.....四九

芋頭.....五一

青蒜.....五一

金鍼菜.....四八

菱瓜菜.....四八

水芹菜.....四八

刀豆.....四九

荸薺.....四九

冬瓜.....四九

豇豆.....四九

絲瓜.....四九

鱗介類

烏魚.....四九

鮪魚.....四九

鱒魚.....四九

泥鰱.....四九

南螺.....四九

花魚.....四九

鯽魚.....四九

鯪魚.....四九

青魚.....五一

金線魚.....五
禽畜類.....五

雄鷄.....五

鴨.....五

鵝.....五

豕猪肉.....五

羊肉.....五

黃牛肉.....五

水牛肉.....五

馬肉.....五

狗肉.....五

卷中

沙參.....五

葳參.....五

蘭花參.....五

金錢參.....五

雞腎參.....五

邊陽參.....五

牛尾參.....五

黑陽參.....五

瓶兒參.....五

珠子參.....五

牟肚參.....五

紫參.....五

丹參.....五

月下參.....五

土參.....六

苦參.....六

菲葉芸香草.....六

蛤蟆芸香草.....六

猓獾芸香草.....六

芸香草.....六

竹葉防風.....六

繡花防風.....六

杏葉防風.....六

青牛膝.....六

白牛膝.....六

紅牛膝	六七	白花地丁	七六
牛膝	六九	黃花地丁	七六
地草果	六九	紫花地丁	七六
芋耳朵	七〇	重葷	七七
木賊	七〇	土黃耆	七七
草果藥	七一	土當歸	七七
八仙草	七一	雲芎	七八
夏枯草	七一	大薊小薊	七八
麥夏枯	七一	黃芩	七九
接骨草	七二	仙茅	八〇
半蹄根	七三	地湧金蓮	八〇
瓶兒草	七三	棕樹根	八一
虎掌草	七三	蘭花草	八一
魚腥草	七四	艾葉	八一
大一枝箭	七五	澤蘭	八一
小一枝箭	七五	管仲	八二
細辛	七五	貫衆	八二
野烟	七五	黃龍尾	八二
石椒	七六	土茯苓	八三

大皮蓮	八三	蜜雜雜	八九
小皮蓮	八四	黃鎖梅根	九〇
赤地榆	八四	慈菇	九〇
白地榆	八五	梔子花	九〇
側柏葉	八五	桑白皮	九一
栗子花	八五	天門冬	九一
栗果	八五	響鈴草	九一
土瓜	八六	百部	九一
白土瓜	八六	橘子葉	九一
苦馬菜	八六	枇杷葉	九一
山稗子	八七	香櫟葉	九二
馬屎花	八七	百合花	九二
臭椿皮	八八	冬瓜皮	九三
茅根	八八	大錢麻	九三
紫苑	八八	芙蓉花	九四
石榴皮	八八	神麩	九四
遍地金	八九	大麥毛	九四
響粟壳	八九	山查	九四
牙齒草	八九	杏仁	九五
酸餃草	八九		

稻草.....九五 小年藥.....九九

丁香葉.....九六 小仙草.....九九

苦丁香.....九六 龍膽草.....九九

石葦.....九六 苦龍膽草.....九九

石薺.....九六 珍珠一顆蒿.....九九

石蓮花.....九六 金絲桃.....九九

苦子.....九七 牛奶地丁.....九九

天天茄.....九七 秧草根.....九九

天茄子.....九七 狗屎花.....九九

三葉草.....九七 青竹葉.....九九

李子樹根.....九七 土薺香.....九九

雙果草.....九七 青刺尖.....九九

魚眼草.....九七 九里光.....九九

水芹菜.....九八 透骨草.....九九

水菖蒲.....九八

金鐘茵陳.....九八

扁畜.....九八

燈盞花.....九九

淡竹葉.....九九

卷下

地盤松球.....九五

地石榴.....九五

老虎刺尖.....九五

鐵線草	一〇五	地地藕	一一
瓦松	一〇六	木槿花	一一
白淑氣花	一〇六	蒲地參	一一
鹿脚草	一〇六	葶藶	一一
苦蒿尖	一〇六	石南藤	一一
草菓藥	一〇七	寄生草	一一
浮萍草	一〇七	石蓮參	一一
芭蕉花	一〇七	洒草	一一
鐵線牡丹	一〇七	石筋草	一一
山皮條	一〇八	土千年健	一一
荷葉	一〇八	過山龍	一一
白芍藥	一〇八	大狼毒	一一
赤芍藥	一〇九	土瓜狼毒	一一
牡丹皮	一〇九	雞腸狼毒	一一
甜遠志	一〇九	綿大戟	一一
苦遠志	一一〇	長蘆	一一
千鍼萬線草	一一〇	白龍鬚	一一
虎鬚草	一一一	山胡椒	一一
金鵲花	一一一	金鐵鎖	一一

發落海	一一六	秋木瓜	一一四
玉蘭花	一一六	金櫻子	一一四
茶匙草	一一六	郁李仁	一一四
草血結	一一七	紫薇花	一一四
佛手柑	一一七	破錢草	一一四
薑味草	一一七	水紅花子	一一四
珍珠草	一一〇	甜葶藶子	一一五
苦連翹	一一〇	臭靈丹	一一五
青蒿	一一〇	玉麥鬚	一一五
馬蹄草	一一一	金星鳳尾草	一一六
紫貝草	一一一	旱蓮草	一一六
地骨皮	一一二	松節	一一六
土黃連	一一二	水金鳳	一一六
竹箒子	一一二	覆盆子	一一六
野棉花	一一三	瓦草	一一六
苦楝子	一一三	地不容	一一六
皮哨子	一一三	松箏頭	一一七
松橄欖	一一三	松香	一一七
五加皮	一一三	槐角	一一七

雞冠花	一二七	酸漿草	一三六
青糴子	一一八	蛤蟆草	一三七
升麻	一一八	車前子	一三七
藟本	一一八	天葵	一三七
前胡	一一九	白藥子	一三七
柴胡	一一九	黃藥子	一三八
石斛	一三〇	淫羊霍	一三八
葛根	一三〇	過江龍	一三八
葛花	一三〇	何首烏	一三八
獨活	一三一	山慈菇	一三九
香薷	一三一	白朮	一三九
荆芥穗	一三二	白芨	一四〇
麻黃	一三三	樗子	一四〇
野薄荷	一三三	紫荆皮	一四〇
蘇葉	一三四	烏藥	一四〇
黃果皮	一三四	烏藥花	一四一
白芷	一三四	香附	一四一
豬鬃草	一三五	鐵馬豆	一四一
商陸	一三六	蒲公英	一四二

五葉草	一四二	馬齒莧菜	一五〇
小九古牛	一四三	蘿蔔	一五〇
斑莊根	一四三	萊菔子	一五〇
王不留行	一四三	白蘿蔔	一五一
金銀花	一四三	紅蘿蔔桿葉	一五一
木通	一四三	韭菜	一五一
赤木通	一四四	韭菜子	一五一
天花粉	一四四	葱白	一五三
必提珠	一四五	大蒜	一五三
射干	一四五	青蒜	一五三
漏蘆	一四六	甜菜	一五三
威靈仙	一四六	波菜子	一五四
續斷	一四七	季菜	一五四
鐵線草	一四七	茄子	一五四
六陽草	一四七	葫蘆	一五四
白蜀葵	一四八	青菜	一五四
旋覆花	一四八	黃芽白菜	一五五
莧菜	一四九	白菜	一五五
野莧菜	一四九	同蒿菜	一五五

鵝掌菜	一五五	山螃蟹	一五八
冬瓜	一五六	水牛蓮貼	一五九
苦瓜	一五六	雞肫皮	一五九
麥瓜	一五六	黑老鴉血	一五九
黃瓜	一五六	麻雀糞	一六〇
絲瓜花	一五六	鱘鱖	一六〇
白螺	一五七	土狗	一六〇
旱螺	一五七	外附良方	一六〇
穿山甲	一五七	外附單方	一六一
地龍	一五八	通洽門	一七三
田螺	一五八			

滇南本草卷上

人參 此參莖造成者形枝大小不同堅實明亮滇中有十三種土人參味甘性燥熱傷人無益故此不註

味微溫無毒君藥也。生山谷中。滇南所產者。肥大潤實。春生苗。多在深山



出 參 多 陸
現 光 有 山

陰處。初生時小者三四寸許。

一極五葉。葉細小。至十年生

十數枝。枝上細葉。夜有白光。

長至三十年。其根有變人形

者。故曰人參。主補五臟。安神。

定魄。止驚。除邪。明目。開心。益

智。久服輕身延年。療腹鼓痛。

胸脇逆滿。霍亂調中。止渴。治五癆七傷。虛損疲弱。止吐穢。保中守神。消胸中痰。治肺痿及癰症。冷氣上逆。傷食不下食者。陰陽不足。肺氣虛弱。

白雲參



白雲參

味甘苦。無毒。獨枝綠黑葉。根肥嫩。內有汁。俗呼還陽參。祇可用根。同猪肉煮食。主人大生氣血。補腎添精。又婦人乾血癆食之神效。

飛仙藤



飛仙藤

生石岩上。葉如柳葉。開白花。採服之。延年益壽。其功不小。採花治百病。卽刻神效。此草鹿常食之。蓋鹿多淫。一時還陽。故名還陽草。

草葉雙花蘭



草尾雙



嶺南本草 卷上

草仙品上

雙尾草

味甘辛。此草生水邊。形似蘆柴。葉似蘭。葉生雙尾。尾上黃色。治一切六麻瘋癩疾。諸瘡。無名腫毒。癰疽發背。服之如神。取雙尾草一斤。熬成膏。服之烏鬚黑髮。兼治一切陰虛火盛。婦人乾血癆症。小兒先天不足。取根煮酒。治一切痰火。腳氣手痿軟。或中風不語。半身不遂。早午晚飲三杯。神效。取葉摻銅器如銀。其葉解夷人毒藥。

蘭花雙葉草

味甘。有微毒。此草生山中朝陽處。形似蘭花。雙葉。黃色。冬天開草花。主治一切眼目。雲翳遮睛。服之即愈。昔有夷人以此草摻銅如雪。先生聞之。往看。審其性有白光。服之目視千里。又能救一切水腫氣腫血腫如神。

如意草



如意草

味甘苦。性寒。此草生於滇南融山。形似小芭蕉。四葉無花。根似人形。治一切虛症。陽痿無子。採服之者。雖八旬耄老。亦能生子。以此草酒浸。名坎離酒。服之。輕身耐老。百病不生。神效。根能救吊死。有微氣者。研末調水灌之。即活。或打死淹死。研末吹鼻。即醒。服之如神。

大楓草

大楓草



味甘苦。無毒。此草生川野間。形似車前草。大葉細子。高尺餘。主治一切虛燒發熱。利水。治赤眼如神。金瘡膿血。婦人難產。久服輕身延年。俗呼為大蛤蟆葉。夷人治眼目雲遮。即退。又治女子白帶。又採一二升。敷臍。可煖精生子。又治痢疾。根治大瘡。葉治肺癆。汁治喉風瘡疾。

石膽草

獨一枝花

嶺南本草 卷上



上品仙草

獨葉一枝花

此草夜光如火罩定處即是也能點銅成銀善通靈氣一粒能治危症

味甘辛。此草生山中有水處。綠色者。荷花葉。獨梗。梗上有花。根有二子。服者延年輕身。主治一切諸虛百損。五癆七傷。腰疼腿痛。其效如神。取根二子。用麥麩包好。入火內燒一時。為末。救瘟疫。取葉根煮硫磺成寶丹。能治百病如神。取汁點眼。夜能視物。取花為末。生肌長肉。此草同草葉搗爛。晒乾為末。合丸。每服一錢。以扁柏葉一錢同服之。烏鬚黑髮。入旬之人。亦能生子。久服必效。單服地草葉。治胃氣疼。

石膽草

味甘。無毒。生石山上。貼石而生。蘭花形似車前草。採取用紋蛤為末。烏鬚永不返白。其效如神。採取搗爛。敷瘡神效。

地精草



採此草者。細察其形。

味辣有毒。用火炙過方可用。此草形似板枝。葉上有飛藤。綠色紫梗。五月開小白花。在枝上。採取陰乾為末。治頭風傷目。中風不語。口眼歪斜。傷寒發熱。服之神效。又有一種石出之地。元藤形相似。而地元藤有大毒。毒人。但見開黃花者。切不可採。道家多用開白花者。煮石成粉。粉亦能炙硫磺成寶丹。

地精草

迎風不動草



迎風不動草

生山中。獨莖數枝。開黃花。大風吹不動。採取治一切瞽目復明。其效如神。

無風自動草



上品仙草

無風自動草

味鹹酸。無毒。形似一枝蒿。主治男子精寒。婦人血虛。而子宮久冷。不能受胎。以附子一分。此草一分。共為細末。入於子宮。即可受孕。男子一服而精暖也。亦能治交媾勞乏。虛症脫陽。腎氣崩散。服之即效。

繡球藤

繡球藤



味苦。性微寒。無毒。生山中有水處。其藤貫串。有小細葉一撮。生於藤上。主治一切下部生瘡。腎囊風癢。洗之神效。治天泡瘡。三劑神效。俗呼楊梅結毒。又燒灰治疔瘡。吹入鼻中。或中毒於肺。鼻不能聞。服之鼻竅即通。

龍竹草




龍竹草

味酸。無毒。此草生石上。或大山中有水處。形似竹軟枝。黃葉。治一切腎虛腰疼。大興陽事。灸用延年。取汁服之。還童返少。

金剛杵

金剛杵



味苦。有小毒。主治一切單腹脹。水氣血腫之症。燒灰為末。用冷水送下。一切可消。若生用性同大黃。芒硝之烈。欲止者。雙手放在冷水內。即解也。夷人呼為冷水金丹。用者須審虛實。慎之。

草含鹿

草劍

嶺南本草 卷上



草仙品上

劍草

有大毒。生山野間。葉似草蘭
花。傍生大黃葉。酷似車前草。
而無花。煨爲末。敷惡瘡。致命
欲死者。甚救。採煮銅成銀。非
有仙緣不可。

鹿含草

味甘美。無毒。生山中。葉似蘆
葱。上開小黃花一枝。枝梗極
軟。狐狸食之而成仙。鹿食之
而燐還陽。人食之亦成仙也。

還元參



還元參

味甘而美。無毒。生有水處。形似竹筍。初出包葉而生。出一軟苗。苗上開黃花。其根似人參。有橫直紋。採根久服。令人白胖。延年益壽。勝人參百倍之功。治百病皆效。夷人不識此參。常作菜用。呼爲牛菜。因牛食此草而生牛黃。故曰牛生菜。

青霞草

青霞草



味酸辛。生有水處。向陽地方。有大葉。花似梅花。枝梗有刺。遠視有青霞罩定。採取熬膏服之。延壽百年。

草蛋龍

草龍石

嶺南本草 卷上



石龍草

味苦。無毒。生石上。花似丁香
 花。葉似桃葉。採梗枝煎服。能
 目視百里。治一切眼科神效。
 採根煮鐵成銀。

龍蛋草

入口傷人。味苦。有毒。生山中
 有水處。尖葉。葉上有刺。一本
 數枝。子黑色。採取煮南鉛成
 銀。此草有毒。不可入口。祇可
 熬膏。貼癰疽發背。其效如神。
 有識者切。勿輕傳匪人。

石梅



石梅

味酸。無毒。此草非山梅。家梅也。山梅樹大。石梅樹小。僅高尺餘。葉黃色。梗硬黑色。子甚小。採葉為末。每服三錢。用苦連翹湯下。治一切大麻瘋癩癩疾神效。採子食之。治九種氣疼。採花止血。敷傷處皆效。

地竹

地竹



味苦。無毒。生野地。無花。就地生小軟枝。高一二寸。葉似家竹。亦非淡竹。乃地竹也。又名土餘竹。採取為末。治一切眼科。不拘遠年近日。男婦老幼。眼目昏花。或雲翳遮睛。或疔疾。傷眼。服之其效如神。

金地貼

尖葉百





貼地金

味甘。無毒。形似車前草。生軟苗一枝。枝上有黃絨。細毛數掬。主治楊梅瘡。傷鼻。或鼻上先有細點現出。連服此藥。可救鼻不傷也。又解一切瘡毒神效。



百葉尖

味酸。澀甘。無毒。生山中石上。綠色。一條小葉。俗呼蜈蚣草。治一切跌打損傷。筋骨疼痛。四肢麻木。風濕腳軟。泡酒服之。其效如神。敷傷亦可。



漢人每畜
蠱毒。傷害
幼孩。此草
與小兒佩
之。能除一
切蠱毒。或
研末吹鼻
中。其蠱自
出現形。

掃天晴明草（又名鳳凰尾）

味甘酸苦。無毒。性熱。形似茴香。其葉細小。主治一切跌打損傷。筋骨打斷。敷之即愈。其效如神。受刑不疼。做刀傷藥。敷大毒瘡。痢疾血淋。服之神效。治婦人血鼠。五淋白濁。大腸下血。血淋疼痛。婦人血崩。

南蘇

味辛。性溫。無毒。治傷寒發熱。無汗頭疼。其效如神。此草治一切風寒痰湧。結而霍亂轉筋。咳嗽吐痰。小兒風症。定痛止喘。梗能補中益氣。根能洗瘡去風。子能開胃健脾。同陳皮化痰疎風。作菜久食。令人白胖。

南薄荷

三仙菜

廣南本草 卷上



味甘美。無毒。此草生有水處。形似灰桃菜。有子。子大如天。茄大。青色。連根葉同熬成膏。每日服一二錢。延年益壽。百病不生。治一切瞽目能明。不拘遠年近年。癱瘓痿軟。其效如神。作菜食之。令人胖肥。忌大蒜兒茶。

南薄荷（又名升陽菜）

味辛。性溫。無毒。治一切傷寒頭疼。霍亂吐瀉。癰疽疥癩諸瘡等症。其效如神。滇南處處產薄荷。老人作菜食。返白髮為黑。與別省不同。

三仙菜

草台樓



蘇假



樓台草 (又名玉蓉草)

味酸甘。性熱。無毒。此草生隴山中。形似艾葉。軟枝獨苗。上有蝙蝠。食而化松鼠。此草有變化之能。老年服之。面如少壯。主治一切筋骨痿軟。脫陽脫陰。夜多盜汗。婦人血崩即效。接骨即好。及跌打損傷如神。取葉燒灰。治一切小兒黑豆及頂陷。服之神效。梗治紋腸沙。肚疼。或陰症。研末酒服三錢。如神效。

假蘇

一名荆芥。南方呼為姜芥。花似掃帚。夏未採之。熱嶺南之荆芥。與別省不同。惟南荆芥功效不同。

味辛。性溫。無毒。主治口眼歪斜。通利血脈。化瘀血。死血。治頭風如神。夷人用此治跌打損傷。并敷毒瘡亦效。治吐血。清目疎風。化痰養肌。筋骨疼痛。解酒即醒。目昏效如神。猛籠夷人作菜。令不染瘟疫。兼之男婦老幼。從不落齒。皆呼為穩齒菜。

子練土



此物搗汁。煑銀。成銅。變白。

土練子

味甘。性寒。無毒。其葉似地草菓。葉藏一大子。子內黑。水染鬚髮即黑。內治一切濕氣流痰。瘋癩四肢。小兒大瘡胎毒。取子燒灰酒服。治七十二症。瘋痰。若遇狂瘋亂打人者。服之即愈。根能消食消痞塊。中膈不通。葉敷瘡疽癰發背如神。先生取煮硃砂成寶丹。救一切橫生死胎即下。此砂一分。能治小兒臍風。噉嘴。驚風吐瀉。如神效。

鐵刺枝 (一名刺枝)

鐵刺枝



味苦。無毒。鐵梗。開小白花。冬秋無花。似鐵釘刺。多出石傍。採取晒乾為末。治酒毒冲心。胃中結疼。或酒蟲酒龜在腹內作痛不能忍者。服之效。取楊梅根同此刺根共為末。治癱瘓痿軟。每服三錢。用無灰酒下。神效。忌蘿蔔。

白芝

黃芝

青芝

黑芝

赤芝



此草生山中。分五色。味甘。無毒。俗呼菌子。

靈芝草

白芝味辣無毒。治一切肺痿。癆咳。力能安魂延年。仙品也。
 黑芝味鹹。性平。無毒。補腎通竅。利水黑髮。治百病。人服成仙。

黃芝味甘辛。性平。無毒。治一切百病如神。熬膏久服。輕身延年。

青芝味鹹。無毒。治一切眼目不明。服之目視千里。

赤芝。治胸中有積。補中。強智。慧。服之輕身不老。

草葉黃花青

子纓地

嶺南本草 卷上




地纓子

味苦。性寒。此草形似纓子。一撮貼地。分赤綠二色。赤絲者治脫陽。綠絲者治脫陰。服之如神。

青花黃葉草

味甘。無毒。花似大風子。花綠黃葉。開青花。今隴山甚多。採葉治眼疾。採花點翳眼。兼散腫。採根爲末。治痘封眼神效。

龍吟草




上品仙草

味甘平。無毒。生山中向陽處。斷根有絲。大葉黃子。根大白色。採根服之。延年益壽。齒落重生。烏鬚黑髮。久服目視十里。上品仙草也。採葉服之。治大頭傷寒症神效。採梗治舌上生瘡。名曰重舌。服之即愈。

龍吟草

汞草



汞草

有毒。考滇志。言大汞草。夷人以此草毒。殺人無數。後孟僊識此草。煮銅鐵鉛錫成銀。其形葉有角。中抱一子。鵲鳥誤食。死於草下。

草絲金毛黃

草葉紫

嶺南本草 卷上



草仙品上

紫葉草

味辛。無毒。形似薄荷。黃紫葉。無花。破心看之。如燈草棉軟。採枝葉。熬水洗眼。退內障外障。一切雲翳。洗之如神。

黃毛金絲草

味辛。無毒。生山中。綠葉貼地上。有一枝。枝上開黃花數朵。根上有大菓。其甜如蜜。此上品仙草。採之服久。輕身益壽。百病不生。病者得之奇寶也。

毛竹葉




毛竹葉

味甘苦。無毒。生荒野間。形似竹葉。生一小枝。葉上有毛。俗呼淡竹葉。治婦人血虛發熱。火燒成癆。服之神效。亦能利大小便。熱疾成血淋。

地捲草

味甘。無毒。生石上。或貼地。綠細葉。自捲成蟲形。一名蟲草。一名抓地松。採取曬乾為末。聽用。夷人呼為石上青苔。治鼻血效。俗呼地捲絲。作菜食。治一切跌打損傷。骨碎筋斷。服之神效。不可生用。生則破血。

地捲草



草骨筋



草錢金



草仙品上

金錢草

味酸。無毒。生隴山。滇中甚多。葉似虎掌草。花似粟花。軟枝。三年生葉一臺。分一極。極上生花。採服壽活百十歲。其效如神。

筋骨草

晉濟方治反胃吐食。緩骨草。獨料夷人經驗。治一切腫毒。初起敷之。即消。接骨用酒服。末五錢。三劑。愈忌蛋蒜。

味甘辛。無毒。生田野間。苗生於春。高尺餘。莖圓葉長。有齒。至夏抽三四穗。開黃花。結實三稜。類蓖麻子。五月採取。治風濕。有緩骨。接風之功。故名筋骨。又名緩骨。亦名接骨。以即夷人用接骨。敷傷止血。治一切風濕。筋骨疼痛拘攣。寒濕腳氣。遍身癩瘡。疥癩。泡酒。治一切痿軟。疲氣。五癆七傷。服之如神。入藥苗花并用。

子花黃



草仙品上


黃花子

味甘酸。無毒。生荒野中。大葉黃子。子上黑點。開黃花。可作菜食。治一切陰虛火盛。脫陰脫陽之症。神效。同五味鹽炒焦。下飯。久吃令人白胖。此乃上品仙草也。服之延年益壽。

落花參

味甘熱。無毒。鹽水煮食。治肺癆。生用水瀉。炒用燥火。行血。治一切腹內冷積。肚疼。服之即效。葉枝治跌打損傷。敷傷處。小兒不宜多食。生蟲變為疳疾。忌之。

參花落



草葵天背紫

松年萬

嶺南本草 卷上



萬年松

味苦微寒無毒似松青草又似瓦松佛指甲俗呼筓筓菌一名千年菌採之治一切疔瘡發背無名腫毒敷之神效

紫背天葵草

味辛有小毒形似蒲公英綠葉紫背採取晒乾搗爛爲末敷大惡瘡神效若虛服之汗出不止不知人事速用篆甘草解之此草煮水銀變成鐵然再煮以汞草卽成銀矣俗呼紫背鹿含草

鐵連子




鐵連子

味甘酸。無毒。此草形似烏飯
菓。軟枝無葉。主治一切酒毒
成疾。治中膈存痰。胸中痞塊
食積。週身疼痛。吐酸冷水。或
因酒色成癆。發者腎氣崩疼。
服數劑即愈。

七星草

七星草



味甘。性寒。無毒。此草形似鷄
腳。上有黃點。按宿度而生。或
依根貼土上。或石上。採服治
沙淋血淋。白濁冷淋。又能包
肚臍。治陰症數名瘡大毒。如
神。

無花菓

白地骨

嶺南本草 卷上



白地骨

生山地上。形似蟲窩。亦同白
 森。或敷貼於石上。色白性冷。
 採取敷大惡瘡。無名腫毒。湯
 火傷。調醋搽之。如神效。或為
 末調麻油搽痔瘡。夷人治小
 兒生火。調麻油搽。火即散。又
 治瘰癧如神效。

無花菓

味苦。有小毒。此菓處處皆有。
 鐵梗。綠子。無花。一名天生子。
 敷一切無名腫毒。癰疽疥癩。
 癬瘡。黃水瘡。魚口便毒。乳結。
 痘瘡破爛。調芝麻油搽之。神
 效。切不可食。此外科之聖藥
 也。

鳳尾草



鳳尾草

味辛。無毒。生山中有水處。採枝葉用。忌犯鐵器。然掃天晴明草硬梗。鳳尾草軟梗。主治跌打損傷。筋斷骨碎。敷患處。治脫肛。敷額門。即入。隨後換藥。神效。此草能潰人大瘡。小兒佩之。蠱毒遠去。

粳粟米

米粟粳



味甘平。無毒。分赤白二色。硬者粳也。北人呼為大米。亦呼為稻米。治一切諸虛百損。補中益氣。強陰壯骨。生津明目。長智。梗燒灰。治走馬牙疳。糯者補中和胃。止瀉。生精液。主人面容嬌嫩。敷瘡。亦治額頭瘡。神效。

金纏菜

胡蔴飯

嶺南本草 卷上



胡蔴飯

味甘辛。性平。無毒。軟枝細葉。枝尖上有一撮細子。其根大而肥壯。採取熬服食。能辟穀。神仙多用此。採子治肺癆。採葉治風邪入竅。口不能言。採梗治頭風疼痛。採根能大補元氣。久服輕身延年。烏鬚黑髮。

金纏菜（鐵梗金纏子）

味酸。無毒。生有水處。葉上小有梗。故曰鐵梗。根生一軟枝。枝上有黃子。四月採子。八月採本。九蒸九晒。熬成膏。能辟穀延年。救荒。名救荒菜。作菜鹽炒。久服令人面容不解。百病不生。能補腎添精。大補元氣。穩齒烏鬚。延年益壽。子放於酒內。一時其酒即化為水。即將此水治筋骨疼痛。神效。

參龍白

蕉芭水



白龍參

味甘。無毒。生山中。有藤。藤上有葉。葉下有小黃花。根大而白。採取服之。延年益壽。同猪肉煮食。暖腎添精。同牛肉煮食。消氣。同羊肉煮食。補氣止汗。同雞肉煮食。治癆病。生服令人白胖。婦人食之。止盜汗。治白帶。男子亦可。其效如神。

水芭蕉

有大毒。生水內。短小無花。形似山芭蕉。此蕉祇高尺餘。所以不同。採為末。若逢刀剛瘡。或遇蛇毒。或着夷人之毒。或中見血封喉之毒。箭剛患處。先用此藥搽上。用刀剛之。不疼。此乃麻藥之神也。

參花菊

花毛水

嶺南本草 卷上



水毛花

有毒。形似毛鎗。梅花葉。生水
 中。採取作麻藥。剛瘡不疼。或
 剛尿結。先搽此藥。剛之不疼。

菊花參

味甘。無毒。形似菊花。貼地而
 生。根似魚眼。採取用之。煮鷄
 食。補血。煮猪肉食。補腎。煮羊
 肉食。補氣。單食此參。退虛燒
 熱症。神效。

草陽朝水

竹 鹿



水朝陽草


味甘辛。無毒。生水內。似鼓錘草。包葉初生子。花朝陽。葉尖長大。梗紫綠。綿軟。獨苗採取。煮硫磺成汞。研粉紅色。為丸。不論百病。服此硫磺丸。神效。一名萬寶丹。一名純陽丹。此丹救一切百病。藥到病安。其效如神。

鹿竹（一名兔竹）

味甘。性平。無毒。根如嫩生姜色。俗呼生姜。藥名黃精。洗淨。九蒸九晒。服之甘美。俗亦能救荒。故名救窮草。仙家多用。主補中益氣。除風濕。安五臟。久服輕身延年不飢。治五癆七傷。助筋骨。耐寒暑。益脾胃。開心肺。能辟穀補虛添精。服之神效。

拐棗

粟米



拐棗

味甘。微溫。無毒。一名天藤。一名還陽藤。治一切左癱右瘓。風濕麻木。能解酒毒。或泡酒服之。亦能舒筋絡。久服輕身延年。小兒服之。化蟲養脾。其效如神。俗人不以此棗為然。而又不知用處。

粟米

味鹹。微寒。主滋陰。養腎氣。健脾胃。煖中反胃。服之如神。治小兒肝蟲。或霍亂吐瀉。肚疼變痢疾。或水瀉不止。服之即用草連根。治轉食冷吐。

石葡萄



土餘瓜



石葡萄

味甘。無毒。形似家葡萄。亦非野間所有。乃生於石上。高尺餘。軟枝倒掛。子如小烏飯菓。採食返老還少。烏鬚黑髮之聖藥也。治小兒疽瘡。烏頭頂陷。或爛痘。蠱痘。服之立效。

土餘瓜

味甘。無毒。生山崖。倒掛。綠葉黃花。其花按一年開一朶。結一合。梗藤棉軟。至十二年。根成人形。夜有白光。採取同雲苓熬膏服之。黑髮延年。治百病神效。扶苓夜有白光。陰氣也。土餘瓜夜有白光。陽氣也。陰陽二瓜。方見大功。單用無益。

白雲參

山藥



山藥

味甘溫。無毒。治傷中。補虛羸。除寒熱邪氣。補中益氣。長肌肉。強陰。久服之。耳目聰明。輕身長肌。延年益壽。仙家用此作飯。百病可除。其功不可盡述。

白雲參

味甘甜。無毒。生金沙江邊有水處。梗甚硬。結瓜綠青淡黑。葉開紫花。根下結瓜。生食令人不飢。久服不老。葉治傷寒頭疼。不問陰陽兩感。或陰毒。或陽毒。或有汗。或無汗。或亂語失汗。肺金火盛。鼻血不止。或產後傷寒。服之神效。梗燒灰。治走馬牙疳。瓜熬膏。治中風不語。或痰湧氣結。左癱右瘓。牛身不遂。酒毒流於四肢。不能行動。每服一錢。開水下。神效。花為末。治腦漏。皮為末。調蜜搽鼻槽。

滇南本草卷上之下

菓品類

梨

滇南處處皆有。種類殊別。皮有厚薄。如乳梨。味香治中風。消梨。花梨。桑梨。治吐血。

棠梨。潤肺止咳。禦兒梨。治肝火目痛。茅梨。治胃寒。蜜梨。治小兒吼。赤梨。治火瘡敷患處。雪梨。治熱微。實梨。味甘微酸。

者利也。其性下行流利也。切片治湯火傷處貼之。如神。亦能治中風不語。寒症熱疾。大小便不通。或胃中痞塊食積。霍亂吐瀉。小兒偏墜。疼痛即止。但味甘不可多食。取汁服之。定喘止咳。夷人以青梨治癆傷腰疼。葉敷瘡。皮敷發背疔瘡。

桃

各處俱有。獨滇中生大黃桃。乃西竺種也。食之輕身。又有小金利核桃。

尖嘴桃。治血。金彈子。生治血痢。毛桃。敷湯火傷。實桃。味辛。治蠱積。通月經。潤大腸。消心下積。

仁。治痰。皮燒灰為末。搽黃水瘡。葉洗瘡出風。大黃桃形似香櫞。食之過

目成誦。神清氣爽。延年烏鬚。此桃人多不得食。若能得者。亦仙緣也。

杏

味酸熱。治心中冷熱。止渴定喘。解瘟疫。但人多食損目勞筋。仁治疳蟲。

葉能敷大惡瘡。

赤小棗

味甘平。小而赤色。有刺。四月生葉。五月開小白花七八。摘取肥大甘美。治心腸邪氣。安中。養脾。平胃。通竅。生津液。久服輕身延年。解一切百毒。枝葉敷打傷神效。

甜石榴

味酸澁。治筋骨疼痛。四肢無力。化蟲止痢。或咽喉疼痛。腫脹。齒牀出血。退膽熱。明目。同蚊蛤爲末。亦能烏鬚。葉治跌打損傷。敷患處。皮同馬兜鈴煎。治小兒疳蟲蠱毒。神效。亦洗膀胱。

蘋菓（一名超凡子又名天然子）

味甘香。正品仙菓。上古神仙採以熬膏。甘美。食之生津。久服輕身。延年黑髮。名玉容丹。通五臟六腑。走十二經絡。調營衛而通神明。解瘟疫而止寒熱。採葉敷臍上。治陰症。又治產後血迷。經水不調。蒸熱發燒。服之神效。

花紅菓

味甘酸。治一切冷積痞塊。中氣不足。似瘡非瘡。化一切風痰氣滯。熬食令人延年。葉治小兒瘡疥。梗燒灰。小兒服之。止夜啼。

白菓

味甘平。性寒。乃陰氣而生。故夜間開花。不可多食。若食千枚。其人必死。採葉陰乾。治小兒生火。以棗油調搽皮面上。風血。或大瘡不出頭者。白菓肉同糯米蒸合蜜丸。與核桃搗爛為膏。服之。治噎食反胃。又治白濁冷淋。又白菓肉搗爛。敷太陽穴。止頭風眼疼。用汁點喉內。治咽喉十八症。採菓搗爛。敷無名腫毒。

葡萄

色有綠綠二種綠者佳

味甘平。服之輕身延年。老人大補氣血。舒筋活絡。泡酒服之。治陰陽脫症。又治盜汗虛症。葉治火眼。根治蛇頭瘡。汁治咳嗽。熬膏合蜜。治腦漏百病。每服一錢。開水下。又治小兒急慢驚風。蘇葉湯下。

熬膏服方

葡萄斤 蘋菓六十個 大黃桃二十個 花紅菓十個
去皮 去皮 去皮 去皮 共搗熬成膏。入酒內。埋土地。二十一日。取飲。然須上好穀酒二十斤。忌葷菜同食。

紅梅

味酸寒。治一切瘟疫。暑熱。頭痛發熱。服之神效。

槐

七月採葉陰乾為末。治一切大小便下血。或痔瘡疼痛。膿血不止。燈草

柳

煎湯服。採子服之。止血散疽。但性寒。不可多食。

味苦寒。治一切五淋白濁。血淋沙淋。老幼服之。神效。

櫻桃

味甘酸。微寒。治一切虛症。能大補元氣。滋潤皮膚。久服延年益壽。浸酒服之。治左癱右瘓。四肢不仁。風濕腰腿疼痛。採葉煎服。治吐血。梗燒灰爲末。治寒疼。胃氣疼。九種氣疼。用燒酒下。

栗子

味甘平。治山嵐瘴氣。瘧疾。或水瀉不止。或紅白痢疾。用火煨爲末。每服二三錢。姜湯下。生食。胃中氣橫。葉治喉疔火毒。煎服神效。皮敷打傷。燒灰治癩瘡。子上壳刺燒灰。吹鼻中。治中風不語。吹之卽醒。或中痰邪。亦吹卽應。

杞朮

味甘平。治肺痿癆傷。吐血咳嗽。吐痰哮喘。又治小兒驚風。發熱。神效。

李子

味甘酸。治風濕。氣滯。血凝。葉治金瘡水腫。不可多食。傷損脾胃。

橄欖

味甘酸。性平。治一切喉火上炎。大頭瘟症。能解濕熱。春溫。生津止渴。利痰。解魚毒。酒積滯。神效。

酸餃

味甘酸平。治酒化爲痰。隔於胃中。同白糖煎膏。早晚服一錢。象最喜食。出夷人地者佳。

黑食子

味甘酸。滇南甚多。秋季風吹子落。夷人呼爲噓噓菓。食之元氣不散。多睡。能調心腎交接。久服令人目清延年。其功不可詳述。

烏飯子

味甘酸。採子晒乾聽用。久服能烏鬚黑髮。返老還少。令人齒落重生。昔劉真人食此菓。能純陽。故名純陽子。

柿花

味甘平。種類甚多。其性走脾肺二經。滋潤五臟。治一切嘔吐。吞酸流液。金柿治反胃。米柿治大腸下血。水柿治咳嗽吐痰。或乾柿燒灰存性。滾水下。柿霜治氣隔不通。柿蒂治氣隔反胃。柿皮貼疔瘡無名腫毒。

經丸

葉敷臙瘡。花晒乾爲末。治痘瘡破爛搽之。樹皮入麝香一錢。包腹治陰症。

金柿

味甘。俗呼爲牛心柿。上品仙菓也。採花菓千百枚。晒乾火煨。煉蜜丸如彈子大。每服一丸。開水送下。久服輕身健脾。百病不生。

甘蔗

味甘酸。治一切百毒諸瘡。癰疽發背。搗爛敷之。汁治心中恍惚。神魂不定。中風失音。頭發黑暈。日見鬼神。沖開水下。又熬錫食。和胃更佳。

松筆

即松尖

味辛平。解夷人毒藥。昔一老人。六旬無子。孤身偶入山中。遇雨宿於夷家。夷見老人衣服美麗。至夜半起心不良。尋癩藥。次日暗下於菜內。老人食辭去。行不數里。人事不知。昏迷倒地。夷人趕至。盜其衣服而還。卽有樵者。見老人口吐白沫。知爲中毒。乃採松尖搗爛。以水和而灌之。一時卽醒。問其原由。方知中夷毒。老人傳以救世云。

菱角

味甘。治一切腰腿筋骨疼痛。週身四肢不仁。風濕入竅之症。煮食卽愈。皮燒灰爲末。調菜油。搽瘡瘡神效。葉晒乾爲末。搽小兒走馬牙疳。神效。

藕

味甘平。多服潤腸肺。生津液。痰中帶血。立效。節治婦人血崩冷濁。葉止

血虛火暈。花洽婦人血逆昏迷。子清心解熱之聖藥也。久服輕身延年。

赤陽子

一名救軍糧 一名赤菓 一名純陽子 一名火把菓

味甘酸。治胃中痞塊。食積。消蟲明目。瀉肝經之火。止婦人崩漏。皆效。

土瓜

味甘平。一本數枝。似葫蘆無花。根下結瓜。有赤白二種。赤者治婦人赤白帶下。通經解熱。白者治陰陽不分。婦人子宮久冷。男子精寒。服之年老亦能生子。又健脾胃而生津液。生食。止嘔療飢。產臨安者佳。蓄至二三年。重至二三斤一枚者更佳。

覆盆子

俗呼鎖梅 又名鑽地風 又名疎風草

味甘酸。分黃黑二種。能鎖玉關。故呼鎖梅。得水氣而生。入腎經。益腎。補肝明目。與陽婦人多食。能生子。其功不可盡述。根洗疥癩瘡。

桑椹子

味甘酸。益腎臟而固精。久服黑髮明目。

長壽丹方

同覆盆子共搗成餅。晒乾為末。四兩。共入兩。扶芩乳汁炙。晒乾為末。入兩。山藥乳汁浸。晒乾為末。四兩。共合一處。煉蜜為丸。每丸三錢。清早服一丸。開水送下。此丸治男子精寒。婦人血虛。老年無子。其功不小。或慾

火燒身已成癆症。無不效應。且久服令人成仙。故名長壽丹。又名入聖丹。

山萑菜

名不死草一名野萑一名野麥冬一名書帶草

味甘。生山中。形似家萑。其葉稍大。作菜食。能養血健脾。強筋骨。增氣力。連根搗汁。治跌打損傷。敷患處。根同赤石脂搗爛。曬乾爲末。捻刀斧傷。神效。此刀傷之聖藥也。四時常青。不畏霜雪。不開花。不落葉。作盆景佳。

土三七

味苦。治跌打損傷。生用破血。多用補血。

土牛膝

味酸。治疔瘡癰疽。敷患處。亦能打胎。同猪骨煨食之。能明目。

土血竭

味辛。治一切瘀血作疼。跌打損傷神效。

土人參

味甘寒。補虛損癆疾。婦人服之補血。

土大黃

一名半蹄根

味苦寒。同猪骨髓油拌蒸。搽楊梅結毒。亦能拔皮膚之火。解熱生肌。

以上五味土藥。照方醫治。其效如神。

園蔬類

莧菜

味辛平。有小毒。分二種。上有銀粉。葉微厚者。馬齒莧也。治大小便不通。化蟲。去寒熱。能通血脈。逐瘀血。但不可多食。恐耗散胃氣。忌鱉同食。

馬齒莧

能催生下胎。葉搗汁服。能解鉛毒。

苦瓜

味苦寒平。治一切丹火毒氣。療惡瘡結毒。或遍身已成。芝蔴疔瘡。疼難忍者。服之神效。葉爲末。治楊梅瘡。無灰洒下。又此瓜煨爲末。治胃氣疼。開水下。治眼疼。燈草湯下。

瓠匏

味甘苦。形似西瓜。名匏。腰細頭尖者爲葫蘆。夷人呼爲瓠。用以盛水。性甘者作菜食。又分甜苦二種。苦能下水。令人吐。除面目風邪。四肢浮腫。甜能利水。通淋。除心肺煩熱。葉曬乾搗碎爲末。盛於磁器內。隨身邊或走路口渴。用末一錢。入水飲。不中水毒。或蛇蟲蛤蟆扒過。此末亦可解。加雄黃能解啞瘴山嵐之毒。加松筆解一切大毒。夷人毒藥。但用一二錢。開水送下。

芡蘭

味辛澁。治脾虛火盛。中膈存痰。腹內冷疼。又治小便淋濁。又治大麻風疥癩之疾。生食止渴化痰。煎服治大腸下血。燒灰爲末。能治腦漏鼻痔。吹鼻治中風不語。葉可敷惡瘡。皮能止渴淋。

茄子

味甘寒。治寒熱。五臟癆症。瘟疾尸勞。用醋磨敷大腫毒散血。止乳疼。消腫寬腸。燒灰。米湯飲。治腸內風下血不止。及血痔。根葉治凍瘡。蒸熱治癱瘓。多食損目。肚疼下痢。婦人多食傷子宮。又治偏墜如神。又京墨蚊蛤入茄內三旬。取墨烏鬚。

瓠子

卽葫蘆一名龍蜜瓜一名天瓜

味甘寒。處處皆有。治小兒初生。週身無皮。用瓠燒灰調油搽之。神效。又治左癱右瘓。燒灰酒下。又治痰火腿腳疼痛。烤熱包之卽愈。又治諸瘡膿血流潰。楊梅結毒。橫痃魚口。用蕎麥包患處。以火燒焦。去麥爲末。服之。作菜不可多食。多則腹痛心寒嘔吐。葉治風癩作狂。根治瘡倒靨。子煎湯治啞瘵。夷人治棒瘡跌打。搽之神效。與生薑同服。治咽喉腫疼。

王瓜

味甘平。治咽喉十八症。葉煎服卽愈。多食者吐。根搗爛。敷大惡瘡效。

甜瓜 一名 香瓜

味甘平。治風濕麻木。四肢疼痛。花敷瘡散毒。皮泡水止牙疼。根葉煎湯

洗風癩。

灰挑銀粉菜

味辛。生有水處。綠葉細子。葉上有銀霜。作菜食。令人無噎食反胃。煎湯食。治赤眼腫疼。洗眼去風熱。

西瓜

味甘寒。治一切熱症。痰湧氣滯。根葉煎湯服。治水瀉痢疾。

南扁豆

味平。治脾胃虛弱。反胃冷吐。久瀉不止。食積痞塊。小兒疳疾。婦人吐酸。白帶。燒酒炒黃為末。每服三錢。開水下。葉燒灰。搽金瘡膿血。根治大腸下血。痔漏冷淋。梗治風痰迷竅。癲狂亂語。同硃砂為末。薑湯下。

健脾方

扁豆 四兩 土炒 萊菔子 一兩 末 小黑豆 一兩 酒炒 共為末。每服三錢。開水下。或薑湯下。

窩笋

味苦寒。冷積蟲積。痰火凝結。氣滯不通。常食目痛。素有目疾者切忌。

甜菜

味甘平。治中膈冷痰。胃中食積。不宜多食。

芝蔴菜

味微寒。治中風中寒。併暑熱之症。

毛豆

味平。治脾胃虛弱。小兒疳疾。能開胃健脾。

南芹菜

味甘。治婦人赤白帶下。同南蘇葉煎服。

芋頭

味甘。治中氣不足。久服補肝腎。添精益髓。又能橫氣。

青蒜

味平。微寒。治肺中生痰帶咳嗽。此能脫舊痰。生新痰。解百毒。敷瘡神效。
多食動火損目。

金鍼菜

味甘平。治婦人虛燒血乾。久服大生氣血。

菱瓜菜

味甘平。治腹內冷痛。小便出血。

水芹菜

味辛。微寒。治婦人白帶。又能損目。

刀豆

味甘寒。治風寒濕氣。燒灰酒送下。子能健脾。

葶藶

味甘。治腹中熱痰。大腸下血。又能化銅。

冬瓜

味平辛甘寒。治痰吼氣喘。姜湯下。又解遠方瘴氣。又治小兒驚風。皮治中風皆效。

豇豆

味平。治脾土虛弱。開胃健脾。久服令人白胖。根搗爛。敷疔瘡。葉治淋症。根梗燒灰調油。搽破爛處。又能長肌肉。

絲瓜

一名天吊瓜
一名純陽瓜

味甘平。治五臟虛冷。補腎補精。或陰虛火動。又能滋陰降火。久服能烏鬚黑髮。延年益壽。葉晒乾為末。治絞腸痧。皮晒乾為末。治金瘡疼。但陰分虛者多

食又能滑精故
有名倒陽菜者

鱗介類

烏魚

味甘寒。平。大補氣血。治婦人乾血癆症。煨爲末服之。又煮茴香食。治下元虛損。

鮑魚

味辛寒。治癰疽瘡疥。同大蒜食之效。

鱔魚

味辛。治五癆七傷。添精益髓。通神。壯筋骨。久服令人肥胖。肌膚白嫩。但食後毋飲冷水。飲則解矣。然又能燥血。

泥鰍

味酸甘。煮食。治諸瘡百癬。通血脈而大補陰分。

南螺

味甘。滋陰降火。清肺理氣。

花魚

味甘平。食之令人肌膚細膩。而解諸瘡最效。燒灰服之。治瘡疾冷症。

鯽魚

味甘。和五臟。通血脈。與五味煮食。補虛損。溫中下氣。痢疾痔漏之症。作羹食。治胃弱而補中。又治婦人陰疝諸瘡。又殺蟲消積。頭燒灰。治癩瘡。

鯉魚

味甘平。治婦人懷孕身腫。痢疾水瀉。冷氣存胃。作羹食。

鱒魚

味甘肉嫩。煮食。令人下元有益。中不脫氣。不炎火。添精補髓。能補三焦之火。

青魚

味甘寒。治脾肺胃三經之氣。能和中。養肝明目。膽為眼科要藥。

金線魚

味甘甜美。滇中有名。食之滋陰調元。煖腎添精。久服輕身延年。此仙魚

也。出昆池。中晉寧多有之。

禽畜類

雄鷄

味甘。治婦人虛熱。血崩漏下。溫中。白者療狂。下氣消渴。烏骨者補中止渴。

鴨

味甘。大寒。治風寒水腫丹毒。上熱痢。頭生瘡。煮食效。敷瘡毒。同猪肉煮食。補氣。同羊肉煮食。主人氣散發瘡。老鴨同猪蹄煮食。補氣而肥體。忌同牛肉煮食。冷骨而散血。同鷄煮食。治血暈頭痛。

鷺

味甘。微寒。治五臟熱而潤皮膚。可容脂血解毒。白鷺膏。治耳聾。膽搽痔瘡。蛋補中益氣。毛燒灰治噎食。小兒驚風。水酒下。掌上黃皮。燒灰調油。搽黃水瘡凍瘡。神效。

豶猪肉

味酸冷。療狂病。補腎氣虛弱。頭發風散氣。同五味煮食。補虛。蹄能下乳補血。脂味甘。臘月煉淨收用。治癰疽。破冷結。散宿血。利腸胃。血治痘瘡。醫心補血不足。治中風不語。肝治小兒驚風。反烏梅大黃等。

羊肉

味甘苦。大熱。補中益氣。安神止驚。止痛。產婦食之易生。又治風眩痰症。男子五癆七傷。小兒驚癲。開胃健脾。食之神效。病人忌服。又能動風。

黃牛肉

味甘溫。安中益氣。養脾胃。補益腰腳。止渴定律。乳利大腸尤佳。

水牛肉

味甘。能安胎補血。強筋骨。除水腫濕氣。乳補虛弱。止渴。養心血。治反胃。而利大腸之功甚大。

馬肉

味辛苦。冷。有毒。治傷中。除濕熱。下氣。長筋骨。強腰脊。壯健強智。輕身耐飢。治寒熱痿痺。鬃燒灰敷瘡毒癰疽疔瘡。神效。蹄燒灰爲末。調油。搽禿頭瘡癬疥。皮燒灰。調油。搽銅錢牛皮癬立效。

狗肉

味酸鹹。溫。安五臟。補純陽。輕身益氣。補益腎胃。壯陽道。補腰膝。益氣力。治五癆七傷。補血脈而厚腸胃。補下焦而填精髓。和五味。煮空心食之。蹄氣味酸平。治癩狂病。血氣味鹹。補五臟。心治憂恚氣。除邪。腎氣味平。治婦人產後瘧疾。反商陸大蒜杏仁。



滇南本草卷中

沙參

性平。味甘。微寒。入肺。能補肺氣。以及六腑之陰氣。肺氣盛則五臟六腑之氣皆盛。性微寒。故補陰氣。肺熱者以代人參用。刮去皮。銅鍋蜜炒。

附方 耑治諸虛之症。

沙參一兩嫩雞一隻去腸入沙參在雞腹內。用沙鍋水煮爛食之。若肺家有痰

火及熱者服之。令人咽喉痛。牙齒痛。

評云。雞熱非沙參熱也。

葳參 又名 玉朮

性平。味甘。微苦。又微溫。補中氣。健脾胃。氣血雙補。脾經多血多氣故也。蓋脾胃為人身之總統。後天根本。灌溉經絡。長養百骸。脾胃充盛。人賴以生。蒸露三次。晒乾用。

附方 耑治男婦諸虛。肢體酸軟。自汗盜汗。

葳參五錢丹參二錢水煎服。此方之意。效古書之八珍。葳參補氣。丹參補

血也。

蘭花參

性平。味甘。微苦。甘入脾。苦入心。補虛損。止自汗盜汗。除虛熱。蓋煩勞則心家虛熱生焉。以味之甘益元氣。則虛熱自退。夜多夢味。睡臥不安。心血不定。神不守舍。血氣不斂。故多自汗盜汗。並皆治之。又止婦人白帶。附方 治勤勞過度。產後失血過多。虛損勞傷煩熱。自汗盜汗。婦人白帶。

蘭花參 五錢 嫩母雞 一隻 去腸。入參於內。水煮爛服之。惟弱極者。同牙猪精肉炖用亦可。

金錢參 一名菊花參 又名一顆松

性微寒。苦。味微甘。治勞傷虛熱不退。血氣虛弱。形體消瘦。虛癆發熱。午後怯冷。夜間發熱。五心煩熱。天明出汗盜汗等症。男婦並皆治之。

附方

金錢參 五錢 嫩母雞 一隻 去腸。入參於雞腹內。水煮爛服之。又方水煎用

童便點亦可。

雞腎參 形如雞腎故名

性溫。味甘。微辛。治虛損勞傷氣血。凡肝腎虛弱者。用之最良。或煮雞或

猪肉或黃牛肉亦可。

還陽參 一名天竺參 又名萬丈深 又名竹葉青 又名獨花蕭公英

性溫平。味甘。治諸虛百損。五癆七傷。血氣衰敗。頭暈耳鳴。心慌怔忡。婦人白帶漏下。損傷任督二脈。但肺熱者忌用。若誤用。令人咳血。或咳嗽帶血。或鼻血。或煩躁不安。

附方 治內傷衝任。下元虛冷。久不受胎。

還陽參四兩烏骨雞一隻入參於雞腹內。水煮熟。去皮油。曬乾。其骨用新

瓦焙黃色。并肉共爲末。煉蜜爲丸。桐子大。每早服二錢。白湯下。或爲

末。亦服二錢。如卽用取參三五錢。煨雞牛肉或猪肚亦可。

牛尾參

性溫。味辛。治氣血虛弱。傷損。調精養神。

附方

牛尾參五錢煮雞肉猪肉亦可。

黑陽參 又名黑元參

性微寒。味苦。微甘。滋養真陰。調血除熱。退諸虛癆熱。利小便。治熱淋膏

淋。

瓶兒參

性溫平。味甘。無毒。治脾氣虛弱。中氣不足。飲食無味。五癆七傷。肢體酸軟。虛熱畏寒。面黃肌瘦。耑補脾胃。但脾胃有積痰。或有寒濕者。服之令

人發水腫症。急煎苦菜湯飲之。小便一利。卽消。
評云。清中除虛熱。

附方 治脾胃虛弱。中氣不足。勞傷虛損。

瓶兒參 三錢 爲末 煨雞服。男用雌。女用雄。

補註 瓶兒參。瓶兒草。形體各異。瓶兒參。棵矮方莖。花與瓶兒草一樣。

蒂葉皆同。獨花後無毛。根同瓶兒參一樣。但花後有毛。根大桿紅。

附案 昔史明久在石羊廠。治爐烟瘴瘧。午後怕冷。晚上發熱。天明出

汗方涼。用瓶兒參末三錢。水酒服三次。後卽愈。神效。

珠子參

性溫平。味甘微苦。止血生肌。服之無甚功效。今人假充雞骨參。悞矣。古
土方用珠子參爲末。捻刀傷瘡。收口甚速。

補註 珠子參葉如舌。面紫背紅。梗長。開紫花。根下生果。皮粗厚老硬。

用時去粗皮。雞骨參葉如蛤蟆葉。綠色。初生無梗。葉鋪地生。中發一
桿。開白花。根下生果一對。一雌一雄。果皮薄。

羊肚參

性微溫。味苦辛。補舒肝經。舒經活絡。治手足痿軟。半身不遂。流痰血痺
等症。風寒濕氣。合而成痺。血虛不仁。而爲痺。筋骨疼痛。濕氣走注。瀝節

風痛。木瓜爲使。燒酒爲引。

補註奇方

羊肚參八兩 秦歸三兩 川芎一兩 洋桂枝五錢 川牛膝二兩 石楠藤五錢 虎骨一兩
兩 酥炙

入仙草一兩 用一兩 好燒酒八斤。將藥裝貯布紮口。重湯煮三炷香。不拘時

熱飲。

附案 昔一人半身不遂。手足不仁。用羊肚參三兩。木瓜一兩。燒酒二

斤。煮三炷香。淨土中埋一宿。去火毒。臨臥炖熱。每飲三杯。旬日愈。

紫參

性溫。味苦甘平。通行十二經絡。風寒濕痺。手足麻木。軟顛搖動。筋骨疼

痛。半身不遂。痿軟流痰。爲活絡強筋溫筋暖絡要劑。

舒筋活絡藥酒方

紫參三兩 秦歸二兩 川芎一兩 威靈仙五錢 桑寄生五錢 秦艽五錢 川牛膝五錢 洋桂枝五錢

陳木瓜一兩 老鶴草五錢 防風五錢 膽南星三錢 陳皮一兩 薏苡仁五錢 用燒酒六斤。布

袋貯藥浸酒內。重湯煮一炷香。去火毒用。

丹參

性溫。味苦。色赤似火。補心定志。安神甯心。治健忘怔忡。驚悸不寐。生新

血。除瘀血。安生胎。落死胎。單劑有四物湯補血之功。

月下參

性溫熱。味苦平。治九腫胃氣疼痛。此藥能開胃健脾。消宿食。止面寒背寒。胸膈噎食。寬中調胃。痞滿疴疾。左右脇痛。嘔吐作酸。

附治噎食病奇方 此病因飲食著氣而成。飲食不下。一下即噎食。令

入胸膈脹痛。

月下參三兩檀香三錢沉香三錢白豆蔻二錢木香一錢共為細末。每服二錢。開水

點酒服。

又治酒寒效方 兼治胃氣。面寒背寒。痞塊。肝氣不舒。五積六聚。兩脇

疼痛等症。

月下參二兩廣木香一錢丁香二錢沉香二錢肉桂二錢共為細末。每服一錢。燒酒

送下。忌魚雞生冷醃菜苦菜諸性寒之物。皆與藥性相反。

土參

性溫。味甘平。調養元氣。五癆七傷。諸虛百損。益氣滋陰。

補註 沙參土參。枝葉相同。但沙參根皮粗。體重。土參根皮細。體重。土

參根小。沙參根大。

苦參

性大寒。味苦。涼血解熱。皮膚瘙癢瘡瘍要藥。並治腸風下血。消風消痰。

消腫毒等症

苦參凡治疥癩瘡毒。風濕相搏。遍身瘡癰。並治血症。

苦參兩一牛膝四兩黃連五錢獨活兩一酒炙條芩五錢防風兩一枳殼兩一酒大黃兩一梔

子錢五菊花兩二共為末。蜜丸。每服一二錢。開水下。

葑葉芸香草

性微寒。味辛。微苦。治山嵐瘴氣。不服水土。有感冒風寒。暑濕四時不正之氣。乍寒乍熱。體困酸軟。寒熱往來。似瘧非瘧。或發瘴瘧。胸膈膨脹。飲食無味。肚腹疼痛。嘔吐水瀉等症。

附方 治傷暑霍亂。嘔吐水瀉。肚腹疼痛。頭疼發熱怕寒。或中烟瘴。不

服水土。葑葉芸香草錢一木瓜錢五蒼朮錢一陳皮錢一厚朴錢一甘草錢五生薑一片。

水煎服。忌油葷。此方治四時感冒。風寒暑濕。頭疼體困。乍寒乍熱。煩

渴飲水。汗解而愈。

補註 昔武侯入滇。得此草以治烟瘴。此草生永昌普洱順甯茶山地

方。形如蘭花。但葉有細白毛。且如葑葉。但葑葉則軟。芸香草硬。

蛤蟆芸香草

性大寒。微苦。瀉六經實熱。退男女諸般虛熱癆熱。有汗骨蒸煩熱。子午

潮熱。

附方 治男婦老幼虛熱癆傷諸藥不效。

芸香草 三錢 煎湯點童便服。

猥羅芸香草

性微寒。微苦。在表症清六經實火。解表邪。發汗甚速。消乳蛾。乍腮硬腫。攻瘡瘍紅腫。清散出頭有膿者。潰破無膿者。紅腫退散。並退男婦癆熱。

附方 治腋汗狐臭。將新鮮挖芸香草挾腋下。其臭汗自止。

芸香草

一名控耳又名毛葉草

性寒。味苦。微辛。陰中陽也。可升可降。瀉諸經實熱。客熱。解肌表風寒。清咽喉熱毒腫痛。風火牙痛。乳蛾乍腮。排膿潰散。傷風頭痛。虛癆骨蒸。小兒驚風發搐。角弓反張。

附方 治男婦一切癆熱。午後怕冷。夜間發熱。煩渴。五更出汗。始涼。

芸香草 二錢 地骨皮 二錢 八仙草 一錢 銀柴胡 一錢 生地 一錢 丹皮 一錢 元參 一錢 薄荷 五分

水煎點童便服。癆嗽加百部百合麥冬。飲食無味。加淮山藥。蓮子白茯苓。水瀉加白朮。室女經閉。婦人經閉。加蘇木紅花。

又方 治傷風頭疼發熱。

芸香草 一錢 蘇葉 一分 白芷 三分 川芎 一錢 薑皮為引。煎湯服。

又方 治小兒外乳蛾乍腮紅腫。疼痛熱核。

芸香草二錢白頭翁一錢赤芍一錢水煎點酒服。

又方 治陽明實火牙根腫痛風火蟲牙。

芸香草三錢花椒十五粒煎湯頻頻漱口。或點酒服。或噙牙上。

又方 治癰疽紅腫有膿者潰。無膿者散。

芸香草不拘多少煎水點水酒服。

又方 治小兒急驚角弓反張發搐手足蹬搖。

芸香草水煎點水酒服。或加硃砂一分蚯蚓二條點水酒服。

補註 慢驚不宜服此藥。慢驚乃脾氣不足。無風可去。無痰可清。忌服。

竹葉防風

性溫味辛。瀉肺氣。治風通行十二經絡。一切風寒濕痺。筋骨疼痛。癰腫

等症。殺附子毒。

繡球防風

性微寒。辛苦辛。入肝經。破滯結鬱氣。舒肝氣流結。破肝血。通經閉。祛風

熱。明目退翳。小兒鵠盲。眼白翳青盲。殺肝蟲。肝虛者禁用。

附方 治小兒痞疳攻眼。一切眼疾。

繡球防風一錢蛤粉三錢共為細末。每服五分。白羊肝三錢竹刀破入藥在

肝內。麻紫瓦罐內水煎服。

杏葉防風

性大溫。味辛。溫中散寒。治九種胃疼。寒疝偏墜。寒熱往來。疲瘧。

附方 治胃氣疼痛。古方單劑。今增補加用。

杏葉防風三錢 草豆蔻二錢 小茴二錢 共為細末。每服二錢。燒酒熱服。

又方 治胸膈氣脹。面寒背寒。肚腹疼痛。

杏葉防風五分 白芷一錢 威靈仙三錢 赤地榆三錢 過山龍二錢 茶匙草五錢 水酒各

半煎服。或泡酒服亦可。

又方 治九種疝氣。古方單劑。今加減。

杏葉防風二錢 橘核五分 地草果一錢 小茴一錢 荔枝核五分 水煨熱水酒服。

又方 治偏墜。或疝氣。或膀胱氣痛。

杏葉防風二錢 吳萸五分 白頭翁一錢 小茴一錢 赤木通二錢 水煎。點水酒服。

又方 截瘧症神效。

杏葉防風採新鮮者。搗汁一小鍾。點燒酒。對太陽服。俟欲發未發之

前。將葉渣分男左女右縛脈臑上。過時方解去。

青牛膝 一名紫花草又名牛邊蓮 又名牛朵健又名牛枝蓮

性微寒。味辛酸。通經絡。祛風熱。涼血熱。療疥癩膿窠瘡。血風癰瘡。腦漏

鼻淵。流涕腥臭。利小便。治五淋白濁等症。

附方 治馬眼疥癩風癬等瘡。淋症便濁。

青牛膝不拘多少。採新鮮者。搗汁點酒服。或煎湯點酒服亦可。

又方 治腦漏鼻淵。濁涕黃水。清水。腥臭難堪。或鼻竅不通。不聞香臭。

青牛膝錢五 臘肉骨火煨去油一錢。好火腿骨良。細黑豆二十粒。焙炒

水煎。點水酒服。

白牛膝 一名太極草 又名狗奪子

性溫。味苦酸。補肝。破瘀塊。涼血熱。治月經閉塞。腹痛。產後發熱。虛燒。毒癆。室女逆經。衄嘔吐血。紅崩白帶。尿急淋漓。寒濕氣。筋骨疼痛。強筋舒筋。攻瘡癰熱毒。乍腮乳蛾。男子血淋。赤白便濁。婦人赤白帶下。但墜胎。孕婦忌服。水酒為使。

附方 治婦人產後七天內傷風。或著氣寒邪入於血分。頭痛怯寒潮

熱。口乾。胸膈飽脹。不思飲食。肝氣作痛。惡露不止。蓐癆等症。

白牛膝錢二 生地錢一 丹皮錢二 秦歸錢二 元參錢一 地骨皮錢一 銀柴胡錢一 黃芩錢一 白

茯苓錢一 水煎點童便服。

此方治婦人五種癆熱。月經不調。燒經作血。或伸縮參差。白帶偏

小便淋漓。手心發熱。午後怕冷。夜間發燒。煩渴。天明時汗乾熱。

早頭暈耳鳴。心慌。四肢酸軟。飲食無味。精神短少。此虛症已。

前方加減之。煩渴加麥冬。淡竹葉。泄瀉加淮藥。蓮子糯米一勻。咳嗽加天冬。陳皮百合。吼喘加杏仁。兜鈴蘇子。瓜蒌仁。陳皮。咳血加茅根。扁柏。苦馬菜汁。又咳帶血絲。頭暈。加荊芥穗。心慌不眠。加棗仁。龍眼肉。柏子仁。遠志。胸膈膨脹。加神麴。厚朴。砂仁。不思飲食。加蓮子神麴。皆點童便服。

又通經閉。消血塊。癥瘕。行周身經絡。舒筋骨。消痰火。癱瘓痿軟。四肢不仁。退婦人肝虛癆熱。筋骨發燒。補益任督二脈。於督脈尤甚。凡婦人久不孕育。因任督二脈虛損。以致不能受胎生育及白帶等症。治法以行經後服一兩次。即孕。

附方 治肝家虛熱。或筋熱發燒。午後怯冷。夜間作燒。四肢酸軟。飲食無味。虛汗不止。

白牛膝錢二 地骨皮錢二 水煎點童便水酒服。

又方 治婦人肝腎虛損。任督虧傷。不能孕育。以及白帶淋漓等症。

白牛膝錢三 小公雞一隻 去腸 將藥入雞內。亦可入鹽煨爛。空心服之。每月經

行後服一次。即有孕。或單煎點水酒亦可。

補註 白牛膝強筋骨。功勝川牛膝。但有孕者忌服。其性能墜胎故也。附案 昔王姓一室女。因鬱怒傷風。日久潮熱惡寒。漸次月經閉止。形

體消瘦。已成虛癆。服此三四次。熱退經行。遂無恙。

紅牛膝 一名相牛膝 又名雞豚草

性微寒。味酸辛。陰也。降也。入肝脾二經。行十二經絡。治婦人逆經。常期惡寒怯冷。發熱腹痛。胸脇氣脹。錯經妄行。吐血衄血。咳痰帶血。此由陰虛火盛。虛火逼血。以致妄行。治宜滋陰降火。

紅牛膝 二錢 淮生地 一錢 土丹皮 八分 黑元參 一錢 枳壳 一錢 苦馬菜 二錢 延胡 三錢 水煎。

點水酒童便服之。

又方 治紅崩初起。赤白帶下。小便淋漓。或急脹等症。

紅牛膝 三錢 清明楊柳 二錢 土茯苓 二錢 水煎。點水酒服。

又方 治乳蛾乍腮。牙根咽喉腫痛。湯水難下。以及喉閉喉風等症。

紅牛膝 三錢 苦馬菜根 二錢 白頭翁 二錢 射干 一錢 赤芍 五分 甘草 五分 水煎服。

又方 治五淋赤白便濁。

紅牛膝 一錢 木賊根 二錢 秦艽 一錢 八仙草 一錢 甘草 五分 水煎。點水酒服。

又方 治癰疽瘡癤。七天後服之。消腫潰硬。

紅牛膝不拘多少。水煎。點水酒服。

補熱虛癆發熱症。重用紅牛膝。退虛熱。服之身涼。有涼一二天。或七

八天。後復熱者。此皆危症難治。

附案 昔有何姓婦人。七月內小產。用補氣藥過急。瘀血不盡。遂成尿血。腰疼痛。微發熱。煩渴。舌燥。肚腹微痛。小便時滴鮮血一二點。延醫調治。一治以血崩。一治以赤白帶下。均不見效。遂用紅牛膝方三服。燒退下乾紫血一小塊。後遂痊愈。

附燒經血論

人稟陰陽五行之氣以生。有生之後。男則血氣調和。女則氣有餘而血不足。婦人燒經血。致令經水不調。夫氣以行之。血以濡之。氣行則血行。氣逆則血逆。遇月信時。有犯忿怒妬忌。則血逆。逆久則燒經血。蓋鬱怒傷肝。肝爲血海。又主藏血。衝任之系。寄屬腎肝。衝任傷則肝血失守。氣血逆是涸血海之波。使滯不流行。症見經期前或三日。或五日。如傷風形證。頭痛身困。畏寒發熱。煩渴時作。腰腿胸膈疼痛。乳腫。腰脇小腹急脹。然後月信方至。其色淡黃。或紫黑。行甚滯澁。或成散經。延綿八九日方止。一止之後。頭暈心慌。耳鳴自汗。五心煩熱。肢體酸軟。精神短少。飲食無味。七八天後。方能復原。後期漸遠。或三十五天。或四十天。期數漸遠。病勢漸重。又有經竟不行。午後畏寒。形如瘧症。夜間煩渴發熱。飲食減少。癆積咳嗽。腹中塊積。或左或右。上攻心口。手麻足腫。漸成危症。又有三四十歲經閉不行。以成死症。蓋女

以血爲主。若血閉住。是無生化。血不貫通。難滋百骸也。

牛膝

一名鐵牛膝。綠心有白絲者是。

性微溫。味酸微辛。入肝。走經絡。止筋骨疼。強筋舒筋。止腰膝酸麻。破癥墜胎。散結核。攻癰癧。退癰疽。疥癩。血風。牛皮癬。膿窠等症。

附方 治筋骨疼痛。腰膝酸。手足麻。

牛膝

二錢 鹽水炒

夏枯草

一錢 童便製

故紙

一錢 鹽水炒

核桃

二個 用肉搗爛

水煎。點

黃酒服。

又方 治癰癧結核。疥癩。血風瘙癢。

牛膝

當歸

川芎

白芷

五味子

生地

皂角刺

以上每

味一錢五分。用土茯苓二兩。煎湯二碗。入藥煎服。數服而愈。

地草果

性微寒。味辛酸。入肝。走陽明。破氣血。舒鬱。風火眼暴赤疼。祛風退翳。白膜遮睛。婦人乳結不通。紅硬腫。白花者。眼科良。紫花者。乳結效。黃花者。寒氣腹痛效。

附方 治暴赤火眼。風熱腫痛。羞明怕日。翳遮等症。

地草果

一錢 川芎

一錢 廣木賊

五分 蟬蛻

一錢 去頭足

黃芩

一錢 白蒺藜

一錢 去刺搗汁

白菊花

梔仁

一錢 羊肝一斤。水煎服。

補註 肝氣散則雲翳自退。肝氣結則翳膜遮睛。肝氣實者可用。肝氣虛者忌之。

又方 治婦人乳結不通。或小兒吹乳。或自身壓著頭疼。怕冷發熱。口渴。體困。胸顫脹硬。痛如鍼刺。

古方單劑今加減。

地草果二錢川芎一錢五分青皮五分白芷一錢花粉一錢柴胡一錢金銀花一錢甘草節五分水酒服。

補註 乳頭屬厥陰肝經。乳房屬陽明胃經。乳母不知調養。忿怒鬱結。厥陰之氣不行。陽明乳汁不得升騰。致有乳房紅腫疼痛結核之症。此方地草果青皮川芎柴胡行肝氣。散肝結。白芷花粉行陽明乳汁。令其升騰運化。甘草和中緩肝。金銀花消腫解熱。鬱解毒消。乳汁流通。或潰或敗自愈。

羊耳朶

性微溫。味酸微苦。花即蜜蒙。入肝經。祛風明目。退翳。目虛羞明。取葉去尖。蜜炙。治久咳良。貼臙瘡潰爛。頑瘡久不收口。生肌長肉。

木賊

一名節節草又名筆管草又名門眼草

性微寒。味辛酸。微苦。行十二經絡。散肝家鬱結。雲翳暴赤脹痛。退翳膜。

白便濁。婦人赤白帶下。破血積。通月經。

草果藥

性大溫。味辛。苦。寬中理氣。消胸膈膨脹。化宿食。胃氣。治九種胃疼。面寒背寒。消痞塊積滯。

八仙草

性微寒。味辛。苦。入少陰。太陰。經。脾。經。治濕熱諸經。各熱虛癆。童癆。筋骨疼痛。濕氣傷筋。故此疼痛。走小腸。治五淋。赤白便濁。玉莖疼痛。退血分煩熱。止尿血。

附方 治五淋

滑石^{二錢}甘草^{一錢}八仙草^{三錢}雙果草^{二錢}水煎。點水酒服。

夏枯草 有白花夏枯 有益母夏枯

性寒。味辛。微苦。入肝經。治肝熱。除肝風。暴赤火眼。目珠脹痛。外障可用。內障不可用。開肝鬱。行肝風。止牙齒疼痛。燒泥凍瘡。蓋因冬至發生。真純陽之氣。至夏而枯。故名。

麥夏枯 又名鐵線夏枯開 紫花者形如麥穗

性微溫。味辛。微苦。入肝。祛肝風。行經絡。治口眼歪斜。行肝氣。開肝鬱。止

筋骨疼痛。目珠痛。散瘰癧。週身結核。

附方 治口眼歪斜。或因惡風所吹。胃痰犯肝。

夏枯草一錢膽南星五分防風一錢鈎藤一錢水煎。點水酒臨臥時服。

接骨草一名蓮台夏枯又名毛葉夏枯又名燈籠草

性微溫。行十二經絡。治筋骨痰火。手足不仁。周身遊風。瘰癧痰核。跌打損傷。腦漏鼻淵。包痰火紅腫。

附案 一女子兩腿生核。形如桃李。紅腫結硬。接骨草三錢。水煎。點水酒服。後愈至二年又發。加靈仙防風虎掌草三服而愈。

又方 治跌打損傷。足傷紅腫。不能履地。效方。

接骨草 苧麻根 大薊 用雞蛋清蜂蜜共搗爛。敷患處。一宿一換。若日久疼痛。加葱薑丹包。

又驗方 治患痰火。手足紅腫疼痛。甚效。

接骨草五錢雞脚刺根二錢土黃連二錢共搗爛。點燒酒。包患處。三次腫消痛止。後加蒼耳白芷川芎。去黃連雞脚刺根。點水酒煎服三次。此二方

屢經症驗。惟新病可用。久病不可用。

又附案 一人路遇狂風。口歪。半身不遂。用接骨草防風鈎藤膽星。水

煎點水酒燒酒各半。數服而愈。

性大寒。味苦。治諸熱毒。瀉六腑實火。六經客熱。虛熱虛癆。熱淋。利小便。殺蟲。搽癩疥。其葉貼熱毒紅腫。血風癩瘡。

附方 治搽疥瘡

羊蹄根兩一石黃錢二雄黃錢二枯礬錢二花椒錢一臭菊花錢二共為末。菜油調搽。素燭油亦可。

瓶兒草

性微溫。味淡。行經絡。消氣結。散癰癧。馬口結核。鼠瘡潰爛。膿血不止。補氣血虛弱。

附奇方 治痰核結核氣癰馬口癰癧

瓶兒草 大薊 蒲公英 牛蒡子 點水酒煎服。

又方 治症同前。

全歸錢二瓶兒草錢三連翹錢一靈仙錢一夏枯草錢一牛蒡子錢一銀花錢一防風錢一川貝母錢五水煎點水酒服。

又方 治氣血虛弱者。用瓶兒草一味。黃牛肉二兩。共一處煮爛食之。三四服效。

虎掌草

性寒。味微苦辣。有小毒。行經絡。攻熱毒。除胃痰。胃有痰毒。人多呃逆。消紅腫癰癤瘡疽。血風疥癩。痰癥結核。流痰橫癩。外乳蛾。內乳蛾。咽喉疼痛。牙根熱毒。

附方 治痰結癰癥。繞項而生。

虎掌草兩二 小九牯牛兩一 紫夏枯兩一 靈仙錢五 白頭翁兩一 燒酒浸。重湯煎。每

晚炖服三杯。二十一日。其核自消而愈。虛弱者忌服。

又方 治症同前。

川貝母 香附 川芎 連翹 牛膝 牛蒡子 防風 紫夏枯

各等分。水煎點水酒服。氣虛者以四君子湯佐之。血虛者以四物湯

佐之。

魚腥草

性寒。味苦辛。治肺癰咳嗽帶膿血者。痰有腥臭。大腸熱毒。療痔瘡。

附方 治肺癰吐膿吐血。

魚腥草 天花粉 側柏葉 煎湯服之即愈。

又方 治痔瘡不論內外。

魚腥草 煎湯點水酒服。連進三服。其渣薰洗。有膿者潰。無膿者自

消。

大一枝箭

性微寒。味甘微苦。陰也。滋陰潤肺。止肺熱咳嗽。陰虛癆熱不退。解瘡毒。利小便。止咳血。

附方 治癆熱咳嗽帶血。

大一枝箭錢五續斷錢三花粉錢二石膏錢五共為末。每服二錢。滾水調。略蓋片

時溫服。

小一枝箭

即白頭翁

性溫。味苦。攻散癰癧諸瘡毒。止大小腸血。治膀胱偏墜氣痛。乳蛾乍腮。

附方 治小兒肺胃火熱。乳蛾乍腮。

小一枝箭錢二連翹錢二赤芍錢一點水酒煎服。

細辛

白花者可用紫花者不入藥

性溫。味苦辛。陰中陽也。祛風明目。止頭風。療牙齒。攻癰疽毒瘡。

附方 治癰疽紅腫咬痛。

細辛不拘等分。煎湯點酒服。有膿者漬。無膿者散。

野烟

一名烟草

性溫。味辛麻。有大毒。治熱毒疔瘡。癰疽搭背。無名腫毒。一切熱毒瘡。或喫牛馬驢驟死肉。中此惡毒。惟用此可救。

補註 喫此藥後令人煩亂。不省人事。發迷一二時後。出汗方醒。不必著驚。蓋此藥性之惡熱也。

附案 昔一人生搭背。日久不潰。將死。名醫診視。皆言死症。俱不下藥。後一人授以此草。瘡潰。調治全愈。後人因名氣死。名醫草。以單劑爲末。酒合爲丸。人名清龍丸。

石椒

性溫。味苦辣。有小毒。走經絡。治胸膈氣痛。冷寒攻心。胃氣疼痛。腹脹。發散瘡毒。

附方 治冷寒胃氣疼痛。

石椒不拘多少。根葉爲末。每服一錢五分。熱燒酒服。

白花地丁

性味前人無註。治痔瘡。生管。單劑煎點水酒服。

黃花地丁

性寒。味苦。入肺經。治癰疽瘡腫。消痰。定喘。止咳嗽。

附方 治年久咳嗽痰喘。氣阻喉內。如拽鋸之聲。不得安眠。

黃花地丁 二錢 響鈴草 二錢 煎湯服之。

紫花地丁

性寒。味苦。破血。解癰疽。疥癩。九種痔瘡。諸瘡毒症。
附方 治小兒走馬牙疳。潰爛腥臭。

紫花地丁根。不拘多少。用新瓦焙爲末。搽患處。

重蔓

一名紫河車
又名獨腳蓮

性微寒。味辛苦。消諸瘡。無名腫毒。利小便。

附方 治婦人奶結。乳汁不通。或小兒吹乳。

重蔓

三錢

水煎點水酒服。

土黃耆

一名耆
茶葉

性溫。味辛酸甘。生福建四川者。主於補氣。土生者主於破結氣。下中氣。

止氣疼。散痰。消癭瘤。生喫令人瀉。用蜜炒。

附方 治一人生癭瘤於項。咽喉內氣粗喘促。喉內有痰聲響而不止。

土黃耆

一兩
蜜炒

皮硝

三錢

猪眼子

五錢

新瓦焙去油。共爲細末。蜜丸。每服三錢。

滾水送下。喫至三天後。人面消瘦。至七天後全愈。

土當歸

性溫。味辛。微苦。其性走而不守。引血歸經。入心肝脾三經。止腹疼痛。止

面寒背寒痛。消癰疽。排膿定痛。

附方 治面寒背寒肝氣疼。

土當歸不拘多少。新瓦焙乾為末。引用燒酒服。

雲芎 俗名芹菜川為川芎理為理芎

性溫。味辛。入肝肺二經。發散瘡癰。攻瘡毒。治濕熱。止頭疼。祛風。滇中作菜食。肚腹有積滯。食之令人發病。

附方 治婦人白帶。頭暈耳鳴。腰痛。惡寒怕冷。

芹菜 螺螄蛋 煮喫。無螺螄蛋。即以螺螄尾煮喫亦可。入椒料亦可。

大薊 俗名雞脚刺 小薊 葉嫩色黃

性溫。味辛。入肝脾腎三經。消瘀血。或新血。止吐血鼻血。治小兒尿血。婦人紅崩下血。生補諸經之血。消瘡毒。散癰癥結核瘡癰。久不收口者。生肌排膿。

附方 治婦人室女遇經行日。發動怒氣。有血滲流入脾經。血分水分受病。兩足發腫作脹。麻木。腿上起核。紅紫。或起紅紫斑痕。

大薊 三錢 香附 一錢 黃芩 二錢 大腹皮 一錢 威靈仙 二錢 水煎點水酒服。

又方 治婦人紅崩下漏。白帶不止。良效。

大薊 五錢 土艾葉 五錢 白雞冠花子 二錢 木耳 二錢 炒黑黃柏 五分 如白帶去黃柏。

用水酒煨服。

又方 治婦人乾血癆。或肝癆。惡寒發熱。頭疼。形體消瘦。精神短少。

新鮮大薊^{二兩} 黃牛肉^{四兩} 共入罐內煮爛。天明吃後。復熟睡。數服即愈。

勿用鹽。

又方 治婦人生結核於項後。成粟子瘡。潰爛出膿。久不收口者用。

獨根大薊。不拘多少。或煮水牛肉。或猪肉。或單用。煨點水酒服。不止。半月收口。全愈。外用新鮮者搗爛。入胎髮灰兒茶血竭同拌。敷瘡口。生肌立效。

又方 治男子尿血。血淋下血。痛不可忍者。

大薊^{三錢} 蒲公英^{一錢} 豬鬃毛^{二錢} 柳枝^{二錢} 鼻涕珠根^{三錢} 水煨點水酒服。

黃芩

性寒。味苦。上行瀉肺火。下行瀉膀胱火。男子五淋。女子暴崩。調經清熱。胎有火熱不安。清胎熱。除六經實火實熱。黃芩與黃連是也。熱症多用之。

附方 治婦人月水過多。將成崩症。甚效。

黃芩^{一錢} 臭椿皮^{一錢} 黃柏^{五分} 香附^{一錢五分} 白芍^{一錢} 土艾葉^{一錢} 龜板^{二錢}
酒炒 炒黑 童便浸 炒 酥炙

不用引煎服。

補註 月水過多不止。是陰血不足以震動脾土胞絡之火。故血走失

而越常度也。此方以黃柏黃芩制火。白芍龜板滋陰。為壯水之主。以鎮陽光。艾葉之苦。椿皮之澁。所以固脫。又以香附之辛。開其鬱熱耳。

仙茅

性溫。味辛微鹹。入腎肝二經。治老人失溺。補腎興陽。又治婦人紅崩下血。攻癰疽。排膿。

附方 治婦人紅崩下血。以成漏症。

仙茅

二錢 爲末

全秦歸

蛇果草

各等分。以二味煎湯點水酒。將仙茅

末送下。

補註 崩症日久。任督二脈虧損。脾氣虛而中氣下陷。腎氣虛而不能納血。猶已損之瓶。盛水必漏。故有漏症之說。此方秦歸養陰血。仙茅補任督而強陽道。則腎氣足而無漏症矣。更取蛇果草之就下以澁血。

又方 治癰疽。火毒浸腫。無頭。色青黑者。

仙茅不拘多少。連根鬚。煎點水酒服。或以新鮮者搗爛敷之。有膿者潰。無膿者消。

地湧金蓮

性寒。味苦澁。治婦人白帶紅崩。日久大腸下血。

地湧金蓮 煎湯點水酒服。又血症日久欲脫。用之亦可以固脫。

棕樹根

性寒。味苦澁。治婦人血崩不止。又治大腸下血。男子五淋便濁。

附方 治淋症。七八日後。

棕樹根。不拘多少。煎點水酒服立效。

蘭花草

性寒。味苦辛。治五淋便濁。利小便濕熱。

附方 治婦人赤帶。或紅白相間。或下陰作痒。小便急脹。

蘭花草三錢紅牛膝二錢地膚子一錢水酒服。

附案 昔一人常患鼻血之症。每月數次服此草。斷其根。其效甚速。

艾葉

性溫。味苦。治安胎。止吐血。紅崩下血。赤白帶。下元虛冷。

附方 治大腸下血在糞前。

艾葉 煎湯服最效。

附案 昔一人吐血不止。用艾根煨湯點童便服之即愈。

澤蘭一名紅梗草

性寒。味苦。微鹹。行肝脾二經。行血破淤血。治腹痛。攻瘡毒。排膿。行一切

跌打損傷瘀血。婦人經閉。用之通行。

管仲 一名番白葉

性寒。味苦澁。治血崩白帶。大腸下血。用新瓦焙。治面寒疼。燒酒為引。

貫衆 即蕨薇菜根

性寒。味鹹澁。祛毒止血。解水毒。二三日間。泡水盆中。凡用去毛切片。於

火上白酒汁蘸上焙乾。

附方 治婦人白帶。製法如前。研末。開水服。

附方 治刀傷流血。

貫仲 去毛 髮灰 龍骨各等分。共為細末。搽患處。能止血。收口生肌。

黃龍尾 出嶺南嵩明州邵甸里為最

性微溫。味苦澁。治婦人月經或前或後。赤白帶下。治面寒腹痛。日久赤

白血痢。

附方 治婦人月經。或前或後。有時腰痛發熱。氣脹之症。

黃龍尾 二錢 杭芍 二錢 川芎 一錢五分 香附 一錢 紅花 二分 水煎點水酒服。如經血紫黑。

加蘇木黃芩。腹痛加延胡索小茴香。

又方 治婦人白帶。

黃龍尾 三錢 川芎 一錢 香附 一錢 白芷 二錢 陳木瓜 五分 酒炒 引白酒汁。如白帶黃色。

加椿皮。

又方 治赤白帶或兼白濁。

黃龍尾三錢馬鞭梢根一錢黑鎖梅根二錢點水酒服。

又方 治面寒疼痛。

黃龍尾根不拘多少。焙乾。水煨。點燒酒服。

補註 赤帶色黃有涎。令人頭目眩暈。身體寒熱往來。腰痛。四肢酸軟。

小便淋漓。陰中痒痛。小便急脹。陰內或如蟲蝕。或兼白濁。

土茯苓一名冷飯團
子名仙遺根

性平。味苦。微澁。治五淋白濁。兼治楊梅瘡毒。

附方 治婦人紅崩白帶。

土茯苓 水煨。引用紅沙糖。治紅崩。白沙糖。治白帶。

又方 治楊梅瘡毒。

土茯苓或一兩
或五錢水酒濃煎服。

又方 治大毒瘡紅腫。未成
即潰

土茯苓 爲細末。好醋調敷。

補註 子名仙遺根。治楊梅結毒。丹流等症。

大皮鐘

性微溫。味苦。微辛。治瘀血結滯。腹疼。破血行血。跌打損傷。瘀血墜胎。血塊等症。點水酒童便服。

小皮鐘

性微寒。味苦。微辛。治瘀血結滯。或產後腹痛。或經期腹痛。破血塊。破癥瘕。發熱頭痛。寒熱往來。有如瘟狀。退虛熱。

附方 治瘀血結滯。肚腹氣痛發熱。

小皮鐘_{錢三}煎湯點水酒童便服 血虛忌服。

又方 治退諸虛熱。

小皮鐘_{錢三}水煨露一夜。點水酒。清早溫服。

赤地榆

性微溫。味苦。微澁酸。止面寒背寒。肚腹痛。日久大腸下血。七天後赤白痢症。

痢症。

附方 治面寒背寒。肚腹疼痛。

赤地榆_{錢一}為末。熱燒酒下。

又方 治腸胃積熱。大腸經便血。或傷風便血。紅白痢症。

赤地榆_兩槐角_{三錢炒或花亦可}枳壳_{錢五}黃芩_{錢三}荆芥穗_{錢二}全秦歸_{錢五}黃連_{二錢}共

為細末。合丸。桐子大。每服一二錢。米湯下。

白地榆 一名鼠尾地榆

性溫。味苦澁。治酒寒面寒疼。肚腹疼。

附方 治同上

白地榆 爲末。每服一二錢。熱燒酒送下。

又方 治紅白痢。禁口痢。累效。

白地榆 二錢 紅痢用 白烏梅五枚 山查 一錢 水煎服。紅痢紅糖爲引。白痢白

糖爲引。

側柏葉 俗名扁柏

性寒。味辛酸。微苦。

附方 治吐血。鼻衄血。嘔血。淋血。婦人暴崩下血。側柏葉搗汁。點水酒

服。

栗子花 栗果

性微溫。味微苦澁。治日久赤白痢疾。大腸下血。又栗果性溫味甜。生

吃止吐血。衄血。便血。一切血症俱可用。

土瓜

性平。味甘甜。平補脾。祛胃熱。寬中。利小便。止大腸下血。

補註 紅土瓜入脾胃二經。得土之氣。故有補脾之說。血入胃脘。大腸

下血治之效。

白土瓜

性平。味甘。白者入肺經。治肺熱消渴。利小便。治肺癰。肺熱咳嗽。通乳汁。

苦馬菜 一名羊奶菜

性大寒。味苦。純陰之性。故向陰處生。治血熱妄行。止一切血症。咳嗽吐血。大腸下血。女子逆經。倒血。消痰癭瘤。消咽喉結氣。化痰毒。洗瘡毒。

附案 昔一男子。吐血咳嗽。痰帶血。發熱惡寒。肢體酸疼。自汗盜汗。飲食無味。咳嗽吐痰。淡如瑪瑙。紅白形。樣似膿。隨後遇一醫。授以此方。

後救多人。良效。

苦馬菜 搗汁一 全秦歸 三錢 淮熟地 三錢 杭芍 一錢 淮生地 一錢 粉丹皮 一錢 黑元

參 一錢 川貝母 一錢 陳皮 一錢 白茯苓 五分 天門冬 二錢 浙冬 二錢 百合 一錢 甘草 一錢 不用

引水煎服。

補註 人身之血。猶地中水也。水性就下。故下流。運行不息。發榮臟腑。

貫通經絡。血為營。氣為衛。晝夜循環。運行不息。心生血。脾統血。肝藏

血。腎納血。臟得血能津。腑得血能潤。目得血能視。舌得血能言。手得

血能握。足得血能步。血隨氣行。氣逆則血逆矣。若氣血偏勝而成痰。

勞傷火動。皆令失血。陽盛陰虛。火載血上。錯經妄行。則為逆也。陽有

餘氣盛者則升。血出上竅。自口鼻而出也。陽不足則陷。血出下竅。自小便而出也。先吐血。後見痰。或痰上帶血絲者。是陰虛火動。治以滋陰降火。先見痰。後見血。痰上帶紫黑血者。如瑪瑙紅白形者。是肺胃積熱也。治以清熱化痰。涼血。有鮮血者。是新血也。宜止之。紫黑成塊者。瘀血也。宜消去之。色淡微黃者。是白血。此症見之。是危症也。鼻血者。衄血出於肝。因肝火熱極。咳血出於肺。因傷風。肺有餘痰。陰虛肺癆。咳血出於肺也。咯血出於胃。咯出血屑成塊也。腎虛不納血。嘔血出於脾胃。唾血出於腎。鮮血隨唾而出也。溺血尿血。出於小腸熱極故也。

山稗子

性微寒。味甘如米。穀澁。根葉苦澁。耑治婦人散經敗血之症。

補註 婦人經行。每三十個時辰。兩日半期。故謂經期。有準繩。有婦人。氣血虧損。腎肝血虛。行經頭暈耳鳴。發熱。五心煩熱。腰疼。肚腹冷疼。氣脹心慌。怔忡。血行淡黃色。或三天已止。或五天再行。七八天又行。方止。故有散經敗血之名。或月水過多。將成崩症。或已成血崩。山稗子以五錢爲度。煎湯點水酒服良效。

馬尿花

一名水旋覆

性微寒。味苦微鹹。治婦人赤白帶下。生海中草地邊仙人塘。近華浦前。

附方 治婦人紅崩白帶。

水旋覆為末。熟水牛肉同食甚效。

臭椿皮

性微溫。味苦微辛。止婦人白帶。止血。止大腸下血。治赤白便濁。各種氣

痛寒痛。

附方 治心氣疼。面寒背寒。胃氣疼。

椿皮 用新瓦焙黃色為末。每服一錢五分。熱燒酒服。

茅根

性寒。味甘。入胃小腸二經。祛瘀血。通血閉。止吐血衄血。治血淋。利小便。

止婦人崩漏下血。

紫苑

性溫。味苦辛。苦走心。心主血。止血養血。辛走肺。多功於肺。治咳嗽痰氣。

喘促。補肺陰。虛癆嗽。咳嗽衄血。咳血。陰虛。痰上帶血絲。

附方 治陰虛咳嗽。痰上帶血。氣促發熱之症。

紫苑二錢 知母一錢 黃柏五分 陳皮二錢 不用引。水煎服。

石榴皮 根走經絡

性寒。味酸澁。治日久水瀉。同沙糖煨服。又治痢膿血。大腸下血。
附案 一婦人產後痢症。諸藥不效。日久用石榴反醋炒香附等。煮服
甚效。

遍地金

性寒。味苦澁。有收瀼之功。

附方 治日久水瀉。久痢赤白。

遍地金 引用烏梅一個。沙糖少許。同煎服。

罌粟壳

性寒。味甘苦甘澁。主治收斂肺氣。止咳嗽。止大腸下血。止日久瀉痢赤
白等症。初起痢疾。或咳嗽。忌用。

牙齒草 一名牙
拾草

性寒。味苦澁。止赤白痢疾。大腸下血。婦人紅崩漏下惡血。

附方 治赤白痢疾日久者。

牙齒草 山查 各等分。沙糖二錢。同煎服。

酸餃草

性寒。味酸。微澁。治久瀉腸滑。久痢赤白。休息。用沙糖同煎服。

蜜雜雜

性微溫。味甘甜。入胃腸。止水瀉。日久赤白痢。用沙糖同煨服。

黃鎖梅根 一名鑽地風

性微溫。味酸。走經絡。治筋骨疼痛。痿軟麻木。日久赤白痢休息等症。

附方 治赤血痢。

鎖梅根 赤地榆 二味同煎服。

又方 治白痢。

鎖梅根 烏梅 一個 同煎服。

又方 治日久大腸下血。

鎖梅根 槐寄生 各等分。水煎點水酒服甚效。

慈菇

性溫。味甘。微苦。主治厚腸胃。止咳嗽痰中帶血。或咳血。治肺虛咳血。

生慈菇數枚。去皮搗爛。蜂蜜米泔同拌勻。飯上蒸熟。熱服效。

梔子花

性寒。味苦。瀉肺火。止肺熱咳嗽。止鼻衄血。消痰。

附方 治傷風。肺有實痰實火。肺熱咳嗽。此乃金受火制。以此治之。

梔子花 三朵 蜂蜜少許。同煎服。

又方 治鼻血不止。奇效。

梔子花數片 焙乾爲末。吹鼻卽止。

桑白皮

性寒。味辛。微苦。金受火制。惟桑白皮可以瀉之。止肺熱咳嗽。註云。肺熱咳嗽。要在寅午戌時。止喘促。吼咳。消肺痰。咳血。利小便。消氣腫。面浮。肺氣上逆。作喘。開胃進食。氣降痰消。則食進。非脾氣虛弱。

附方 治肺家火實。肺受火尅。暑熱咳嗽。發熱氣喘之症。

桑白皮錢一 地骨皮錢一 知母八分 杏仁一錢去皮尖 浙冬一錢 陳皮一錢 馬兜鈴一錢 桔梗五分

黃芩八分 蘇子一分 引用竹茹三分。水煎服。

天門冬

性寒。味甘。微苦。入肺。潤肺。止咳嗽。咳血。肺氣逆脹。生吃。治偏墜疝氣。或左或右。腎子腫大。

附方 治偏墜氣疼。腎子腫大。

天門冬錢五 用生者去皮。煨點水酒服。

補註 此藥熟煎。補肺。潤皮毛。悅顏色。止咳嗽。咳血。生煎。利小便。下氣。

清肺氣脹。治偏墜氣疼。

響鈴草

性寒。味苦。微酸。入肺。斂肺氣。止咳。消痰。定喘。

附方 治火痰。或痰中帶血。

響鈴草 蜜炙水煎服。

百部

性寒。味苦。微甘。入肺。潤肺。治肺熱咳嗽。消痰定喘。止虛癆咳嗽殺蟲。

橘子葉

性溫。味苦辛。行氣消痰。降肝氣。治咳嗽疝氣等症。

附方 治咳嗽。

橘子葉。著蜜於背上。火焙乾。水煎服。

又方 治疝氣。

橘子葉十個荔枝核五個水煎服。

枇杷葉 凡用刮去背上細毛淨盡。著蜜火烘。若毛去不淨。反令人咳嗽不已。

性微寒。味苦辛。入肺。止咳嗽。消痰定喘。日久咳嗽。喉中如曳鋸之聲。肺有頑痰結滯。肺中有痰。隨氣升降。故有吼喘。枇杷葉入肺。能斷痰絲。化頑痰。散吼喘。止氣促。

附方 治咳嗽。

枇杷葉 去毛蜜炙水煨服。

又方 治咳嗽。喉中有痰聲。

枇杷葉王川貝母一錢五分入達杏仁二錢廣陳皮錢共爲末。每服一二錢。開水送下。

香櫞葉

性微寒。味苦辛。治咳嗽消痰。傷寒咳嗽良效。

百合花

性微寒。味甘平。微苦。入肺。止咳嗽。利小便。安神。甯心。定志。味甘清肺氣。易於消散。味酸斂肺。有風邪者忌用。

附方 治老弱虛暈。有痰有火。頭目眩暈。

百合花三皂角子七個或蜜或沙糖同煎服。

冬瓜皮

性微寒。味甘淡平。入脾肺二經。止渴消痰。利小便。

附方 治咳嗽。

冬瓜皮五錢要經蜂蜜少許。水煎服。

大錢麻一名梗麻

性微寒。味苦。微辛。祛皮膚風痒。吐痰消痰。下氣止風。傷肺氣咳嗽。散胃痰。發散瘡毒。俱用水煨。或取汁服。

附案 一男子咳嗽吐清痰涎。畏冷。夜間發熱。胸膈作脹。肢體酸軟。皆

以虛癆治之。不效。一人授以此劑神效。蓋風傷肺氣。痰水斂滯。以此祛風散痰故效。

芙蓉花

性寒。味苦甜。入肺。止咳嗽。治諸瘡毒。單劑煎湯。止咳嗽。其葉可搗瘡出頭。

神麴

性平。味甘。寬中。扶脾胃以進飲食。消隔宿停留胃內之食。止瀉。氣虛者能令出汗。

附方 治大人小兒泄瀉。肚腹疼痛。或大瀉不止。

神麴 二錢 炒

麥芽 二錢 炒

杏仁 一錢五分 去皮尖

引用真菜油一二茶匙。先入罐底。後

放藥在內。入水煨服。

大麥毛

性溫。味平甜。寬中下氣。止嘔吐。消宿食。止吞酸吐酸。止瀉。消胃寬膈。並治婦人奶乳不收。乳汁不止。

附方

大麥芽不拘等分。煎湯服。

山查

性寒。味甜酸。消肉積滯。下氣吞酸。積塊。

附方 治胃積堅久。飽脹倒飽。嘈雜吞酸。脇間積塊作痛。此方能消導進食。

山查核五錢炒黃色研 沙蒺藜五錢焙 雞內金五錢焙黃 共為細末。每服一錢。白滾水送

下。忌生冷。

杏仁

性微寒。味苦微辛。入脾肺二經。止咳嗽。消痰潤肺。潤腸胃。消麵粉積。下氣。

稻草

性溫。味甘平。寬中。寬腸胃。下氣溫中。止瀉。消牛馬肉積宿食。消小兒乳食結滯。肚腹疼痛。草節走周身經絡。治痰火疼痛。

附方 一人食牛肉傷食。胸口嘈雜。嘔吐惡心。胸口脹滿。微痛不思飲食。面皮黃瘦。腹飢倒飽。食後哽食膨脹。

稻草五錢 沙糖一錢 水煎服。三次效。

又方 治小兒飲食傷脾。久瀉不止。諸藥不效。得此方效。菓子用多作

瀉亦治。

糯穀草三錢 煎服。久瀉者加真淮藥二錢

又方 治腿足筋骨疼痛。痰火發作。得此方全愈。

稻草節錢三 剪三分長。或服一百。或服五十。水煎服。奇效痛止。

丁香葉 即家中盆內栽者是

性微溫。味苦辛。芳香入肺。止肺寒咳嗽。或咳血。或痰上帶血。單劑蜜炙。

煎服。

苦丁香 即野丁香花開五色用根

苦寒。味鹹。微辛。入膀胱經。治膀胱偏墜氣。疝氣疼痛。利小便。若泡水吃。

可消水腫。

石葦

性寒。味苦。入小腸經。治利小便。通五淋。止玉莖痛。根消胸膈橫氣作脹。

退蒸熱。凡用刮去毛。若毛去不淨。反令人咳嗽。

附方 治手顫作搖。服此即愈。

石葦根 煎湯當茶水頻服。

石薺

性寒。味苦澁。生石頭上。形如白森。微薄。治溼熱下注。小便濁。五淋疼痛。

石蓮花 一名卷柏又名回陽草

性寒。味苦。通月經。破瘀血。破癥瘕。消血塊。難產。催生良效。燒酒為使。

苦子

性大寒。味苦微甘。降也。陰也。消酒積。下氣發汗。解大腸積熱。食之令人瀉。下疲涎。腸微痛。推胸胃宿食。消滯。寬膨脹。

天天茄

性大寒。味苦。治小兒風熱。攻瘡毒。洗疥癩痒痛。祛皮膚風。

天茄子

一名刺天茄

性寒微苦。治牙齒疼。為末搽之。即愈。療腦漏鼻淵。祛風。止頭疼。除風邪。

三葉草

性微溫。味辛。微苦。治瘡瘍腫毒。散瘡癰。

李子樹根

性寒。味苦澁。治膏淋膿閉。馬口疼痛。秧草為使。用根點水酒服。但服後

膿止。管中痒方好。

附方 治管中痒如蟲行之狀。

木賊二錢車前子二錢地膚子一錢水煎點水酒服。

雙果草

性寒。味苦。微甘。治膏淋白濁。利小便。止腰疼。疝氣疼。

魚眼草

性寒。味苦。治小兒臟腑積熱。小兒瀉綠水者。搗汁乳炖服。或搗汁點水酒服。截瘧神效。

補註 小兒乳結。日安夜哭。蓋因腹痛窩綠尿之故。

水芹菜

性微溫。味辛。微苦。能發汗。與麻黃同功。

附方 治小兒發熱。月餘不涼。得此方良效。

水芹菜 大麥芽 車前子 水煎服。

水菖蒲

性溫。味辛苦。治九種胃氣。止疼痛。用一寸九節者。新瓦焙為末。燒酒服一錢效。

一錢效。

附方 治症同上。

九節菖蒲四兩 吳茱萸二兩 香附二兩 為丸。每服二錢。用開水點酒服。

金鐘茵陳

性寒。微苦。利小便。療胃中濕熱。或瞳人發黃。或週身黃腫。消水腫。服後

忌豆。

扁畜

性寒。味苦。利小便。治五淋白濁。熱淋。瘀精。澁閉關竅。並治婦人氣鬱。胃

中濕熱。或白帶之症。

扁畜 大劑水煨點水酒服。

又方 治男婦童癆虛熱。子午發熱。日久發熱不退。或產後發熱不退。

扁畜五錢 煎點水酒童便服。

燈臺花

性寒。味苦。治小兒膿耳。搗汁滴入耳內。

淡竹葉

性寒。味苦。治肺熱咳嗽。肺氣上逆。治虛煩發熱。不眠。退虛熱。止煩熱。煎

點童便服。

小年藥

又名拔毒散

治一切瘡毒腫痛。爲末醋調敷。

小仙草

性微溫。味辛苦。發散瘡癰。走經絡痰火。筋骨疼痛。手足痿軟。除風濕寒

熱。煎點水酒服。

龍膽草

性大寒。味苦。瀉肝經實火。止咽喉疼痛。煎點水酒服。

苦龍膽草

一名地膽草

性大寒。味苦。治咽喉疼痛。洗疥瘡腫毒。

附方 治腎囊風瘙瘡。或破流水。又名繡球風。

苦龍膽草 經霜桃葉 蜂房 藜蘆 千張紙 共爲細末。芝麻

油調搽。

珠珍一顆蒿

性寒。味苦。利小便。瀉膀胱積熱。除五淋。治便濁。發散瘡毒。

附方 治五淋初起。又治小便不通極驗。

一顆蒿 水煨點水酒服。

金絲桃

性寒。味苦。行肝氣。利小便。治諸淋。利膀胱。止莖中痛。走經絡。止筋骨疼

痛。止偏墜氣疼。膀胱疝氣。良效。

附方 治膀胱疝氣。左右偏墜。腎子腫大。

金絲桃不拘多少。水酒煨服。

羊奶地丁

性微寒。味苦。入肝經。退熱。治寒熱往來。子午潮熱。散風寒。解汗。

附方 治男婦虛癆發熱。忽寒忽熱。

羊奶地丁錢五 水煨點水酒童便服。

秧草根

性微寒。味甘澁。入肝脾二經。涼血止血。治大腸下血。婦人紅崩白帶。散經連綿。利小便。治五淋白濁。消血腫。

附方 治婦人紅崩。下血散經。連綿日久不止。

秧草根二錢 管仲一錢 水煨點水酒服。

狗屎花 一名倒提壺 又名一把抓

性寒。味苦。微鹹。入肝腎二經。升降肝氣。利小便。消水腫。瀉胃火實熱。治黃疸。眼仁發黃。周身發黃疸。如金葉色。止肝氣疼。治七種疝氣疼。痛。開白花者。治婦人白帶淋漓。開紅花者。治婦人紅崩赤帶。瀉膀胱火熱。

附方 治男女黃疸。眼輪黃如金箔。周身黃如金色。頭面浮腫。兩足水腫。

藍狗屎花根一兩 金鐘茵陳二錢 點水酒服。忌魚羊蛋蒜。

又方 治七種疝氣。小腸氣疼。膀胱氣疼。偏墜。腎子腫大。腎囊腫堅硬。光亮如水。

倒提壺 或一兩或五錢 要晒乾 荔枝核 七個 燒研 茴香子 一錢 炒 水煨點水酒服。

青竹葉

性微寒。味苦。入肺。瀉肺火。止肺氣上逆喘促。降肺氣。止渴寬中。消熱。同燈草煎服。

土藿香

性微寒。味苦。涼胃熱。治小兒牙疳。潰爛出膿血。口臭嘴腫。入枯礬少許為末。搽牙根上。如刀傷流血。去礬加龍骨少許。

青刺尖

性微寒。味苦。攻一切瘡毒癰疽。有膿出頭。無膿立消。散結核。嚼細用酒服。

九里光

性寒。味苦。洗疥癩癬瘡。去皮膚風熱。

透骨草

性溫。味辛辣。有小毒。治痰火筋骨疼痛。泡酒用之良。其梗根洗風寒濕痺。筋骨疼痛。煖骨透熱。熬水洗之。


附方 治久瀉不止。水瀉更效。

沙蒺藜三錢 吳神麴五錢 山查二錢 白蔻仁二錢 雞肫皮三錢 炙甘草一錢 蓮米五錢
煨黃 心蒸熟

蕪夷一錢 共研末。每服二錢。滾水調服。

附小兒蟲發藥方

枳壳一錢 厚朴一錢 使君子一錢 甘草五分 廣檳榔一錢 胃寒有食。加山查一錢 夏天不用砂
仁一錢 忌香甜。



滇南本草卷下

地盤松球

性溫。味苦。治疝氣偏墜。卽覓小青松。盤地生者。上結小球。有鈕子大。取綠嫩者不拘多少。愈多則愈美。水煨點水酒服。連球更好。

地石榴

性溫涼。味苦澁。治遺精滑精。用根水煨。點水酒服。

老虎刺尖

性寒。味苦。治咽喉腫痛。乳蛾。搗汁點水酒。或同白酒汁服。

鐵線草

性平。味甘。微苦澁。筋骨疼。行經絡。半身不遂。手足筋攣。痰火痿軟。筋骨酸疼。泡酒用之。良效。

附方 治筋骨疼痛。

鐵線草

小白淑氣花

晒乾

秦歸

牛膝

桂枝

共入罐內泡酒。文

武火煮一炷香。埋土內一夜。去火。次日取出。臨臥服三盃。

又方

鐵線草

用口嚼敷。久遠癰瘡生肌。

又刀傷。跌打損傷。止血收口。

能接骨良效。

補註 鐵線草要寄過路去。或石頭縫內。直長順石。直遍過石頭去。更

好。

瓦松

又名佛指甲

性微寒。味甘微辛。咽喉腫痛。消乳蛾。行經絡。風寒濕痺。筋骨酸痛。洗濕。

附方 治咽喉腫。乳蛾疼痛。

新鮮瓦松。不拘多少。搗爛。如清水攪濁後澄清。去渣不用。能用酒者

點酒服。不飲酒者點醋服。

白淑氣花

用小朵者根又名土黃耆

性平。味甘。微澁。凡白帶筋骨疼。良效。

附方 治白帶。

白淑氣花。不拘多少。水煎點水酒服。

鹿啣草

紫背者好出藥雪麻者效

性溫平。味辛涼。治筋骨疼痛。痰火之症。煎點水酒服。

苦蒿尖

用細葉者

性溫。味苦辛。凡尿遺不止。良效。

附方 治尿遺症。

細葉苦蒿尖 搗爛。擠汁。點酒服。但愈後不可多服。恐收斂太甚。轉生他病。宜另服補氣血之藥。

草菓藥 形如草菓而小故名 產於寧州薄溪石山

性大溫。味辛。微苦。寬中理氣。消胸膈膨脹。開胃消宿食。

附方 治九種胃氣疼痛。面寒疼。痞塊疼痛。

草菓藥 新瓦焙 二兩 錢三 木香 三 共為細末。每服一錢。熱燒酒服。

浮萍草

性寒。味苦。發汗。解毒。治疥癩瘡癬。祛皮膚瘙癢之風。

芭蕉花

性溫。味酸鹹。主治寒痰停胃。嘔吐惡心。吞酸吐酸。反胃吐呃。飲食飽脹。

嘔吐酸痰。胸膈脹滿飽悶。胃口肚腹疼痛。煖胃散痰。鹹能軟堅。

附方 治反胃吐呃。飲食酸痰。胃口肚腹疼痛。胸膈飽脹。

芭蕉花 二錢 水煎點水酒服。 忌魚羊生冷蛋蒜。

鐵線牡丹

性溫。味苦。微辛。入脾腎二經。可升可降。上行溫煖脾胃。止嘔吐惡心。吞酸吐酸。痰呃逆。反胃吐食。胸膈胃口作痛。飽脹嘈齒。有煖胃進食之功。下行入腎。扶助命門相火衰弱。溫丹田。補興陽。

附方

治反胃。吐呃飲食。胸膈飽脹。胃口疼痛。吞酸吐痰。鐵線牡丹花

薤葉根俱可用為細末。每服一錢五分。滾水點酒服。忌魚羊蛋蒜生

冷。

山皮條

又名矮陀陀

性微溫。味辛辣。微苦。有小毒。下氣。婦人氣逆。肚腹疼痛。寬中理氣。胸膈

肚腹膨脹。面寒硬硬脹疼。能退男女癆燒發熱。良效。

附方

治婦人氣脹。肚腹疼痛。並止面寒硬硬脹痛。

山皮條

一兩

微焙 豬牙皂

一錢

酒大黃

五分

共為細末。每服二錢。熱燒酒服。

荷葉

白蓮葉入氣 紅蓮葉入血

性微溫。味辛平。其莖中空。於卦為震。升也。陽也。上清頭目之風熱。止眩

暈。發暈清痰。泄氣止嘔。頭悶疼。

附方

治頭眩悶疼。

白蓮花葉

二錢

水煎。入冰糖五分。服之良效。

白芍藥

性微寒。味酸。微甘。主治瀉脾熱。止腹疼。止水瀉。收肝氣逆疼。調養心肝

脾經血。舒經降氣。止肝氣疼痛。白芍藥湯。治肝氣疼痛。偶因動怒生氣。

怕寒怕冷。左脇氣脹上攻。胸膈或連胃口疼痛。飲食不思。背寒腰痠疼

痛。身體曲直俱難。

附方

白芍藥二錢青皮五分川芎一錢柴胡一錢吳萸一錢甘草八分引用茴香子五分煎服。

或加木香沉香玄胡索亦可。

赤芍藥

性寒。味酸。微甘。瀉脾火。降氣。行血。破瘀。散血塊。止腹痛。退血熱。攻癰瘡。

治疥癩。

牡丹皮

性寒。味酸辛。破血。行消癥瘕之疾。破血塊。除血分之熱。墮胎。孕婦忌服。

甜遠志

性微溫。味甘。主治補肝脾腎。滋陰血。榮養精神。健體潤肌。止面寒腹痛。

止癆熱咳嗽。婦人白帶。腰疼。頭眩耳鳴。男婦虛損要藥。

附方 治婦人產後蓐癆症。發熱出汗。飲食無味。

甜遠志去皮心乾用五錢生用一兩用筍母鷄一隻。去腸。將藥入內。煮爛。空心食之。

按蓐癆產中之虛也。產後虛弱少氣。喘之乍寒乍熱。病如瘧狀。名曰蓐癆。此是虛弱也。有因產後著氣惱。肝家氣血受鬱。而成蓐癆。蓋氣血不相順。氣虛故乍寒。血虛故乍熱。自汗。無時休息。症狀似瘧。其實非

瘧。治宜大補氣血。甜遠志補氣補血。筍母雞亦補血氣之物。合而用之。立見奇效。

苦遠志

性微寒。味甘。微苦。入心肝脾三經。養心血。鎮驚。甯心。定驚悸。散痰涎。療五癩。角弓反張。驚搐。口吐痰涎。手足戰搖。不醒人事。縮小便。治赤白濁。膏淋。滑精不禁。點滴不收。良效。

附方 治滑精不禁。點滴不收。頭暈耳鳴。腰疼。小腹脹疼。

苦遠志三錢水煎。點水酒服。滑精加 金櫻子一錢白濁加臭椿皮一錢赤濁

加 赤茯苓二錢

又方 治癩症驚搐。手足戰搖。角弓反張。不醒人事。口吐痰涎。

苦遠志五錢膽星一錢皂角子十五粒引用沙糖水煎服。

又方 治同前。

苦遠志三錢猪牙皂一錢石菖蒲一錢膽星一錢辰砂三分另末琥珀五分另末引用燈心煎

藥。調二味服。

千鍼萬線草

性微溫。味甘。補肝脾腎。陰血虛弱。精神短少。頭暈心慌。耳鳴。眼中起坐。生黑花者。及五心煩熱。午夜怕冷。夜間發熱。小肚脹墜。腰疼脚酸。步履

難行。婦人白帶漏下。淋瀝等症。此藥調養精神。補養肝腎。任督二脈虧損。婦人虛損要藥。

附方 治婦人白帶。年久頭暈耳鳴。腰痛。夜間發熱。精神短少。飲食無味。

千鍼萬線草 三錢 水牛肉 三兩 煎食二四次效。

虎鬚草

性溫。味辛。微苦。入肺脾二經。主治虛癆發熱。服之悅人顏色。身體健胖。服用羊蹄同煨食。但肺有痰火者。食之令人作喘。肺虛寒者良。肺熱者忌。

金鵝花 一名大蛇葉

性微溫。味甘。主治補氣補血。癆傷氣血。寒熱癆熱。咳嗽。婦人白帶。日久氣虛下陷者效。并頭暈耳鳴。腰膝酸疼。一切虛癆損傷。用之良效。或猪肉筍雞煨食。

地地藕

性微寒。味甘。主治補養氣血。療婦人白帶紅崩。生新血。止尿血。鼻衄血。血淋。

附方 治沙鼻不時流血鼻衄。

地地藕 煎湯三次服。斷根。

木槿花

性微寒。味微苦平。治婦人白帶良效。枝根治瘡痛。

附方 治婦人白帶。

木槿花二錢 爲末。人乳拌末於乳內。飯上蒸熟食之效。

蒲地參 又名打破碗 又名盤腸參

性微寒。味苦。主治婦人白帶。上盛下虛。水火不清。久不胎孕。

附方 治白帶。

蒲地參三錢 水煎。點水酒服。

葶藶

性微溫。味微酸。入肝脾膀胱經。治風寒。溫經絡。腰膝疼。遍身頑麻。利膀

胱水道。赤白便濁。

石南藤 又名搜山虎

性微溫。味甘。微酸。入肝脾小腸三經。治寒濕痺傷筋。祛風。筋骨疼痛。利

小便。及莖中痛。熱淋初起。利小便。急速。生山石上者。走經絡。更效。生土

地上者。利小便效。

附方 治熱淋。莖中痛。或如濃糊住馬口。

石南藤二錢 木賊八分 甘草一錢 入仙草二錢 水煎點水酒服。

寄生草

性微溫。味苦甘。生槐樹者。治大腸下血。腸風帶血。痔漏。生桑樹者。治筋骨疼痛。走經絡。風寒濕痺效。生花椒樹者。治脾胃寒冷。嘔吐。惡心。翻胃。又有用者。解梅毒。又婦人下元虛寒崩漏。生水馬桑樹者。治小兒中蠱。用寄生草一寸二分釘於頭上戴。可避蠱。

石蓮參

又名側柏葉
又名鳴鹿啣

性微溫。味辛苦。主治筋骨痠火疼痛。面寒疼痛。腹痛。婦人血虛癆熱。消浮腫。治筋骨痠火。泡酒服。治癆熱。煎湯點小便服。治寒痛。煎湯點酒服。治浮腫。糠。瓢。檳榔煎服。

洒草

性寒。味苦。止吐血。行血。破瘀血。走經絡。止筋骨疼。

石筋草

性微溫。味微辛酸。主治風寒濕痺。筋骨疼痛。痠火痿軟。手足麻木。舒筋活絡。藥酒方中之良效。

附藥酒方

石筋草 羊肚參 木瓜 牛膝 寄生草 各等分。燒酒泡服。

土千年健

又名烏飯果又名米飯果又名千年矮

性溫味酸。主治寒濕傷筋。舒筋活絡。筋攣骨痛。痰火痿軟。半身不遂。手足頑麻。

足頑麻。

附藥酒方

千年健 鑽地風 石南藤 牛膝 秦歸 木瓜 燒酒泡服。

過山龍

性微寒。味苦辣。有小毒。降也。下氣。消胸中痞滿橫格之氣。推胃中膈宿

之食。去年久腹中之堅積。消水腫。其性走而不守。其用沉而不浮。得檳

榔良。此草藥中之虎將也。用宜慎之。

附方 治傷食成瘧。用之攻食瘧。

過山龍三分廣檳榔錢一蓮子五分

以相喫檳榔椽照亦用石灰。

又方 治消水腫。氣實者用。虛者忌。

過山龍五分細末一錢五分糠瓢火煨存性檳榔錢一

檳榔糠瓢煨湯吃。過山龍末。以瀉為度。

大狼毒 白綠棹效 紫桿無效

性溫。味苦麻。有大毒。不可入藥。搽疥癩瘡。為細末。花椒為末。少許。或香

油。或猪油調搽。避風。如不避風。令人腫。擗皮。

土瓜狼毒

性溫。味苦麻。有毒。沉也。推胃。中年久積滯。下氣。治胃氣疼痛。食積結滯。消水腫。破血積。打蟲積。打痰毒。此藥之性。猛勇真如虎狼也。

雞腸狼毒

一名順水龍
虎狼之性

性微寒。味苦辣麻。有毒。降也。主治利水道。消水腫。殺蟲。攻腸胃中積滯。此藥消水腫。見效速。又名順水龍。虎狼之性。故有狼毒之名。

綿大戟

一名山
蘿蔔

性微溫。味辛苦辣。有小毒。治胃中年深日久。飲食結住。積久稠痰狀粘如膠。攻蟲積。利水道。下氣。消水腫。吐痰涎。

附方 治水腫

綿大戟細末。每服五分。滾水服。忌鹽一百日。乃止。瀉去黃水。其腫自消。如瀉不止。冷粥補之。

又方 治一切食積。痰積。蟲積。氣積。痞塊疼痛。胸膈肚腹膨脹。鼓脹。飲食不消。面皮黃瘦。單腹脹。以利為度。

綿大戟為末。米糊為丸。如馬豆子大。每服七丸。滾水送下。大戟皮令人瀉。亦令人吐。獨根者良。

良薑

性熱。味辛。治胃氣疼。面寒疼。肚腹疼痛。

白龍鬚

一名白薇

性微溫。味苦澁。治寒疼。肚腹酸疼。單劑或為末。每服一錢。燒酒為引。

煎服。

山胡椒

性溫。味苦辛。入脾腎二經。泡酒吃。治面寒疼。暖腰膝。壯陽道。治陽痿。

金鐵鎖

性大寒。味辛辣。有小毒。食之令人多吐。治面寒疼。胃氣心氣疼。攻

癰瘡。排膿。細末。每服五分。燒酒送下。

發落海

一名土川芎

性大寒。味辛微苦。治面寒疼。心氣疼。肝氣疼。胃氣疼。兩脇疼。新瓦

焙為末。每服一錢。燒酒送下。

玉蘭花

一名辛夷

性溫。味辛。微苦。治腦漏鼻淵。祛風。新瓦焙為末。治面寒疼。胃氣疼。熱酒

服。

茶匙草

性溫。味苦。微辛。治面寒疼痛。腰膝酸疼。肚腹寒氣疼痛。或爲末。或煎服。引點燒酒。

草血結 一名回頭草

性微溫。味苦辛。微澁。寬中下氣。消宿食。消痞塊。年久堅積板硬。胃氣疼。面寒疼。婦人癥瘕。消浮腫。破瘀血。止咳嗽。

附方 治男女痞塊疼痛。癥瘕積聚。

草血結焙爲末。每服一錢。沙糖熱酒服。氣盛者加檳榔台烏藥。

又方 治寒濕氣浮腫。

草血結 三錢 茵香根 三錢 草菓子 二錢 共爲末。同鰾魚煮吃之。三四次效。

佛手柑

性溫。味甘。微辛。入肝胃二經。補肝煖胃。止嘔吐。消胃寒痰。治胃氣疼痛。止面寒疼。和中行氣。

佛手柑新瓦焙乾黃色爲末。燒酒送下三錢。

薑味草

性大溫。微辛。燥皮煖胃。進飲食。寬中下氣。療九種胃氣疼痛。面寒疼。胸膈氣脹。肚腹冷疼。嘔吐。惡心。噎膈翻胃。五積六聚。痞塊疼痛。男子寒疝。脹疼。婦人癥瘕成痛。

附方 治胃氣面寒疼痛。

薑味草為末。熱酒服。

補註 五積痞塊尖積。蓋因陰陽不和偏盛。臟腑虛弱。風邪搏之。客邪不受。氣鬱痰結而成。或瘀血閉滯留住。而成積聚之症矣。

心積曰伏梁。起臍上大如茶杯。每聚心下。日久不愈。令人胸膈脹滿。寒熱往來。從臍下疼走上至心下。脹疼一陣。冷汗遍體。令人心煩。從心下疼走至臍。令人腹脹。大便急而不下。氣疼一陣。冷汗遍身。手足俱冷。附心積方

薑味草三錢 石菖蒲一錢 甘草一錢 厚朴一錢 草豆蔻二錢 共為末。每服一錢。滾水點酒服。為丸亦可。

肝積曰肝氣。在左脇下。或方或圓。大如茶杯。或成硬塊。上至胸。下至腰脇。令人乍寒乍熱。如瘧狀。疼痛。口吐酸水。腰背把住酸困。難以曲直。自汗。手足冷。

附肝積方

薑味草三錢 青皮五分 川芎二錢 柴胡一錢 小茴香二錢 草豆蔻三錢 共為末。滾水點酒服。一錢。或為丸。

脾積曰癖氣。痞塊在胃脘。形大如盤。脹硬成疼。吞酸吐酸。倒飽嘈雜而

附脾積方

薑味草錢三吳萸錢二草豆蔻錢二吳神麩錢二甘草分五共為末。滾水點酒服。或為丸。

肺積曰息賁。在右脇下。大如杯。或方塊。或硬。上胸膈成脹疼。寒熱往來。發時令人咳嗽。吼喘。或肺癰。右邊腰間把住酸疼。

附肺積方

薑味草錢二薑黃錢二白豆蔻錢二木香分五共為末。或為丸。每服一錢。滾水點酒服。

腎積曰奔豚。在小肚丹田之位。或形如彈丸。上至臍。或上下不定。或在膀胱。或疝氣疼痛。發時令人疼痛。腰難屈伸。骨痿消瘦。面色焦黃。

附腎積方

薑味草錢三益智仁錢二沉香錢二荔枝核七個共為末。或為丸。每服一錢。滾水點酒服。

又方 治寒疝疼痛。

薑味草單劑為末。滾水點酒服。

奇方 治小兒蟲犯。肚腹疼痛。或嘔吐。或瀉。

薑味草五分 點酒服。疼止後。服下蟲散下蟲。

珍珠草

性溫。味辛。治面寒疼。新瓦焙乾為末。熱燒酒服。

苦連翹

性寒。味苦。除六經實熱。瀉火。發散諸風熱。咽喉疼痛。內外乳蛾腫紅。小兒乍腮。風火蟲牙腫痛。清熱明目。

附方 治牙根腫痛不可忍者。

苦連翹根。於腫處嚼之。效。用根葉二錢。花椒少許。煎湯漱之。效。或煨吃亦可。

青蒿

性寒。味苦。入脾胃。去濕熱。治痰火嘈雜。消痰。上清頭目。痰火眩暈。頭暈。利小便。涼血。止大腸風熱下血。退五種癆熱發燒。怕冷。少年氣盛者吃之。有進飲食之功。令人善餓。痰氣盛者。寬中下氣。倒飽。心體虛者忌之。

附方 治五種虛癆發熱

青蒿用根錢一地骨皮錢一柴胡根錢一鱉甲錢一石斛錢一引用清明柳錢一 煨點童便服。

陽之守。精神外馳。淫慾無節。陰氣耗散。陽氣無附。遂至浮散於肌表之間。故有惡熱也。治者當以滋陰降火治之。陰陽合而血氣固守。水火濟而骨蒸自退。

補註 滋陰降火湯。

秦歸_{錢二} 杭芍_{錢一} 熟地_{錢二} 淮生地_{錢二} 地骨皮_{錢二} 知母_{錢二} 浙冬_{錢二} 淮山藥_{錢二} 白
茯苓_{錢二} 黑元參_{錢二} 銀柴胡_{錢二} 粉丹皮_{錢二} 引用蓮子十個。去心煨點童便服。

又單方 治大腸下血熱者。宜用青蒿根單劑煎服。

馬蹄草

性寒。味苦。治子午潮熱。頭目眩暈。怕冷作寒。肢體酸困。飲食無味。男婦童疳虛癆。發熱不退。熱者用之。利小便。水牛肉爲引。

附方 治虛癆發熱。午後怕冷作寒。夜間發熱。天明自汗身涼。神氣短少。頭暈。心慌耳鳴。

馬蹄草 羊蹄根 山薄荷 水煎點水酒童便服。

紫貝草 一名山苦菜

性寒。味苦。解表發汗。諸經客熱。癆燒發熱。攻瘡疥膿窠瘡。涼血解熱毒。

又子午發熱。面黃。形體消瘦。午刻後怕冷作寒。手足冷麻。頭疼。飲食無味。不思飲食。申刻五心煩熱。煩渴。飲茶水遍身熱如火燥。咳嗽吐痰。三更以後。微汗方涼。頭暈耳鳴。心慌怔忡。先吃此藥。身有大汗。熱止後。吃健脾滋陰之藥全愈。

紫貝草三錢。點水酒童便服。

又方

紫貝草 攻毒瘡膿窠疥癩。點酒服。

地骨皮 即枸杞根皮

性寒。味苦。治肺癆燒骨蒸發熱。諸經客熱。

附方

枸杞尖作菜。同雞蛋炒食。治年少婦人白帶。

土黃連 一名石妹刺

性大寒。味苦。瀉小腸經實火。胃中實火。利小便。止熱淋疼痛。牙根腫疼。

咽喉痛。小兒乳蛾乍腮。

附方

土黃連為末。泡人乳中。點暴赤火眼。急效。

竹箒子 即地膚子

性寒味苦利膀胱小便積熱洗皮膚之風療婦人諸經客熱清利胎熱
婦人濕熱帶下用之良。

野棉花

性微寒味苦有毒下氣殺小兒寸白蟲。虻蟲犯胃良效。

苦楝子

一名金鈴子

性寒味苦治膀胱疝氣根皮殺小兒寸白蟲。雲生者味苦辣。有小毒。忌
鍋烟子犯之則殺人。

皮哨子

性微寒味苦皮治膀胱疝氣疼痛。子殼殺蟲。

昔一人飲水將螞蝗一條吸入鼻中。頭長眩疼。鼻中長流血水。面黃形
瘦。後得一人以水一鍾於鼻上聞。螞蝗見水從鼻孔中伸出。動則縮入
鼻中。將皮哨子殼為末。吹入鼻中。螞蝗自落下。

松橄欖

性微寒味苦甘。大腸積熱之毒。療九種痔瘡。

附方 治牙齒疼。

將松橄欖於疼牙上咬住。疼即止。

五加皮

性溫。味苦辛。入肺腎。主治腰疼疝氣。筋骨拘攣。小兒脚軟。

秋木瓜

性微溫。味苦辛甘。主治筋骨疼痛。痰火脚軟。

金櫻子

性微溫。味酸澁。入脾腎二經。主治日久下痢。血崩帶下。澁精遺泄。用去

子毛。淨用殼。

郁李仁

一名榛藪
又名唐藜

性平。味酸甜。潤大腸。主治四肢浮腫。開關通格。破血。利水道。治齒痛。

紫薇花

性寒。味酸。治產後血崩不止。血隔癥瘕。崩中帶下。淋漓疥癩癬瘡。

破錢草

一名干
里光

性溫。味辛苦。主發散諸風。頭痛。明目。退翳膜。利小便。療黃疸。

附奇方 治翳膜遮睛。羞明怕日。目澁多淚。黑輪生青筋。白輪生紅絲。

千里光

一兩
兩 川烏

二錢
錢 木賊

五錢
錢 穀精草

五錢
錢 膽草

三錢
錢 蟬退

五錢
錢 草決明

五錢
錢 荆芥穗

川芎

五錢
錢 梔子

五錢
錢 白菊

一兩
兩 蔓荊子

去壳童便浸三日
每日換便焙用

每用藥一兩。對蔓荊子一

兩。每服一二錢。滾水送下。

水紅花子

性寒。味苦平。破血。治小兒痞塊積聚。消一切年深堅積。療婦人石瘕症。

甜葶藶子 又名麥藍菜

性寒。味苦辛。主下氣。定喘消痰。利小便。消水腫。療面皮浮腫。

附方 治面皮浮腫。或咳嗽喘吼。

大腹皮 生桑皮 葶藶子 引用通草煎服。氣喘加蘇子。小便澀

加木通車前子。

臭靈丹 一名獅子草

性溫。味苦辛。有毒。陰中陽也。治風熱積毒。臟腑不合。通行十二經絡。發散瘡癰。五臟不合。積熱成毒。生癰瘡。六腑不合。積熱成毒。生疽節瘡。積熱注於血分肌肉。成疥癩瘡。多食牛馬肉。積熱成毒。重生癰疽節。輕生血風癬瘡。吃則令人胸膈嘈雜。心犯作呃。皮膚發癢。煩熱不甯。一切風熱毒瘡。服之良效。採得陰乾為末。每一錢。滾水點燒酒服。

又方

治小兒痘後痘毒不收口。用臭靈丹葉貼之。

截瘡用臭靈丹尖七個。搗汁點燒酒服。

玉麥鬚

性微溫。味甘。入陽明胃經。寬腸下氣。治婦人乳結紅腫。或小兒吹著。或

睡臥壓著。乳汁不通。紅腫疼痛。發冷發熱。頭痛體困。焙乾為末。不拘多少。點水酒服。

金星鳳尾草

性寒。味苦。消硫黃毒。升丹輕粉毒。洗暴赤火眼。年老昏花。退翳膜睛。煎湯服後。溫洗。或用碗將藥入內筆桿。於口內吹之。

旱蓮草

一名蓮草

性寒。味鹹。固齒。烏鬚。腎虛齒疼。焙為末。搽牙齦上。痛立止。洗九種痔瘡。

松節

性平。味微酸。行經絡。治痰火筋骨疼痛。濕脾痿軟。強節骨。

水金鳳

性寒。味辛。洗濕熱筋骨疼痛。疥癩等瘡。

覆盆子

即硬枝黑鎖梅

性微寒。味甘酸。入肝腎二經。入肝強筋。入腎興陽。治痿軟。種子方中不可無。

瓦草

一名白前

性微寒。味辛苦。開關通竅。清肺熱。利小便。治熱淋。

地不容

性微溫。味苦辣。有毒。主治截瘧吐痰。倒食。氣血虛者禁忌。吐痰甚於常山白堊。恐傷人命。常山吐痰有轉達之能。地不容無轉達。忌用。

松筆頭

性微寒。味苦。微澁。行經絡。止莖中痛。止便濁。治膏淋疼痛不可忍者。磨水酒服之效。五淋俱可服。

松香

一名松脂

性溫。味苦甘。搽疥癩瘡。吃安。五臟除胃中濕熱。療赤白瘰風癘風等症。又一人得癘風皮膚瘙癢。鬚眉脫落。身面俱起紫泡。遇異人傳此方。服之效。

白松香不拘多少。於沙鍋內煎九次。每煎一次。露一宿。九次煎如沙者良。方可服。若服此藥。終身不可吃鹽。若犯必發。

槐角

槐花

性寒。角味苦酸。花味苦澁。功多大腸經。治五痔腸風下血。赤白熱瀉。痢疾。枝洗皮膚之疥癩。祛皮膚瘙癢之風。

雞冠花

性寒。味苦。微辛。止腸風下血。婦人崩中帶下。赤痢。紅崩用紅花。白者用白花。

青箱子 即雞冠花子

性寒味甘微苦。入肝經明目。淚澁難開。白翳遮睛。花治青翳。用之良效也。

升麻

性寒味苦平。升也。陰中之陽也。引諸藥由行四經。發表傷寒無汗。發表小兒痘疹要藥。解諸毒瘡疽。止陽明齒痛。祛諸風熱。

補註 升麻湯 治小兒痘疹不明。發熱頭痛。傷風咳嗽。乳蛾乍腮。

升麻 五分 前胡 八分 甘草 五分 黃芩 一錢 梔子 八分 牛蒡子 一錢 甘草 三分 桔梗 五分 薄荷 五分

川芎 一錢 引用燈心煎服。咳嗽加桑皮。陳皮。杏仁。喘加蘇子。川貝母。

補註 治小兒痧疹。發表後發熱。咳嗽。痧疹內收。痰喘氣湊。咽喉疼痛。

咳嗽音啞肺熱等症。

前胡 一錢 茯苓 一錢 連翹 一錢 防風 五分 桔梗 八分 薄荷 五分 淡竹葉水煎服。

藁本

性寒味苦辛。升也。寒氣容於巨陽之經。風寒邪流於顛頂之上。治頭風

疼痛。止諸頭疼。明目。

附奇方 治頭風疼痛。嘔吐痰涎。眼目發暈霧脹。

藁本 一錢 細辛 三分 白菊花 一錢 川芎 一錢 法夏 五分 黃芩 一錢 甘草 五分 羌活 五分

引用生薑一片。水煎服。

前胡

性寒。味苦辛。陰中陽也。解散傷風。傷寒發汗要藥。止咳嗽。升降肝氣。明目退翳。出內外之痰。有推陳治新之功。

附方 治傷風頭痛。發熱怕冷。身體困疼。鼻流清涕。

前胡錢一陳皮錢一甘葛錢一枳殼五錢蘇葉五錢黃芩五錢荆芥五錢薄荷五錢

引用生薑水煎服。

又方 治反胃。

昔一人得翻胃。吐食不安。得此方服效。

前胡兩十打碎。忌鐵器。白酒五斤。共入沙罐內。重湯煮二炷香。取出。俟

冷。每用將酒燉化。熱飲三杯。七日全愈。忌魚羊蛋蒜。白酒即清燒酒。

柴胡

性寒。味苦。陰中陽也。入肝膽二經。傷寒發汗解表要藥。退六經邪熱。往來。痺痿。除肝家邪熱。癆熱。行肝經逆結之氣。止左脇肝氣疼痛。治婦人血熱燒經。能調月經。

補註 傷寒症發汗用柴胡。至四日後方可用。若用在先。陽症引入陰

經。當忌用。發汗用嫩薑。治虛熱調經用根。

石斛

性平。味甘淡。升也。陰中之陽也。平胃氣。能壯元陽。升托發散傷寒。

補註 傷寒陽症。傳入陰經。半表半裏。或表症陷入於裏。有升托發汗

解表之功。退虛癆發熱。截寒熱形如瘧症。治濕氣傷經。故筋骨疼痛。

托散濕氣。把住於腰膝作痛。不得曲伸。祛濕散寒。疼痛自止。石斛湯。

昔有一女子。因身染風感寒。平素因血虛弱。寒邪入於二陰經。形如癆

症。用石斛湯退癆熱。及發汗。汗後微冷。又用滋陰降火湯全愈。

又石斛湯 治虛癆發熱。午前乍寒怕冷。午後發熱煩渴。頭疼。肢體酸

疼。飲食無味。自汗盜汗。耳內蟬鳴。頭暈心慌。手足酸麻。

石斛二錢黃白炒焦五錢地骨皮一錢五分鱉甲一錢秦艽二錢生地一錢薄荷三分水煎。點童

便服。

葛根 味甜者甘葛 味苦者苦葛

性微寒。味甘。入陽明經。治胃虛消渴。傷風傷暑傷寒。解表邪。發鬱熱往

來。濕瘧。解中酒熱毒。小兒痘疹初出要藥。葛根湯治傷風傷暑。解表邪

熱。發汗。小兒傷風傷寒。痘疹初出難明。發熱。頭疼憎寒。引用燈心。

葛根一錢赤芍五分前胡一錢黃芩一錢薄荷五分甘草五分

葛花

性微寒。味甘平。微苦。治頭暈。憎寒壯熱。解酒醒脾。傷脾胃。酒毒酒痢。飲食不思。胸膈飽脹。發呃。嘔吐酸痰。酒毒傷胃。吐血嘔血。消熱。祛酒毒。
附方 葛花解酒。治飲酒過度。俗名害酒。頭暈腦疼。身軟體困。自汗發渴。憎寒發熱。胸膈飽脹。乾呃吐嘔。面寒脹疼。飲食不思。面黃肌瘦。筋骨疼痛。

葛花 厚朴 神麴 藿香 麥芽 白芷 柴胡 枳殼 各等

分。引用淡竹葉。水煎服。煩熱加梔子。胃寒加砂仁。

按酒症大便不通。飲食不進。肚腹疼痛。筋骨酸疼。怕冷發熱。此等之症。最難調治。大便不通。只可用潤腸之劑。不可用巴豆瀉藥。若用。大便雖利。恐傷身體。手軟。又有酒傷經絡。手足痿軟。另當選方調治。此方藥輕。從汗解。輕病用之必效。

葛根花清熱丸 治飲酒過度。酒積熱毒。以傷脾胃。嘔血吐血。發熱煩

渴。小便赤少。

葛花一兩黃連一錢滑石一兩粉草五錢為細末。水合為丸。每服一錢。白滾水

下。此藥可治胃熱實火。脾胃寒冷。吞酸吐酸者禁忌。

獨活

性溫。味辛苦。陰中之陽也。行十二經絡。療諸風。角弓反張。表汗。除風寒

濕痺。止週身筋骨疼痛。治兩脇面寒疼痛。

附方 治背寒面寒脹硬疼痛。止兩脇胃氣脹疼。心口痛。

獨活二錢新瓦焙為末。開水點燒酒服。

香薷

性溫。味苦辛。解表除邪。治中暑頭疼。暑瀉。肚腹疼痛。暑熱咳嗽。發汗。溫胃中和。

附香薷飲 治中暑發熱。頭疼。煩渴出汗。腹痛水瀉。小便短。身體作困。

香薷二錢扁豆二錢神麩二錢梔子二錢赤茯苓三錢荆芥穗一錢引用燈心草煎服。

荆芥穗

性微溫。味辛苦。上清頭目諸風。止頭痛。目明。解肺肝咽喉熱痛。消腫。除諸毒。發散瘡癰。治便血。止女子暴崩。消風熱。通肺氣。鼻竅塞閉。

附方 治寒邪伏於肺腑。頭目腫。鼻流清涕。目珠脹疼。羞明怕日。

荆芥穗一錢白菊花一錢川芎一錢梔仁二錢引用燈心草。

又荆芥湯 治咽喉紅腫。乳蛾疼痛。飲食不下。發熱。口吐痰涎。頭痛。

昔一人得傷寒症。頭疼發熱。咽喉腫痛。飲食不下。口吐痰涎。舌胎黃厚。

用解表發散之藥不效。至十五六日。得此方全愈。

荆芥穗錢五 生甘草錢二 赤木通錢二 引用黑豆十五粒。水煎服。一服喉疼止。一半。二服去黑豆。加牛蒡子連翹。三服全愈。

麻黃

性溫。味苦辛。入肺經。治鼻竅閉塞不通。香臭不聞。寒邪入於少陰肺經。肺寒咳嗽。藥苗中空。散寒邪而發表汗。根節止汗。實表氣。固虛。消肺氣。消咽。咽。咽。即喉中梅核之氣。咽不下吐不出是也。麻黃氣虛弱者禁用。恐汗多亡陽。

附方 麻黃湯 治傷風後寒邪斂於肺經。鼻塞不通。不聞香臭。鼻流

濁涕。或成腦漏。

陳皮五錢乳 浸晒乾 桔梗錢二 梔子錢二 炒 川芎錢二 黑豆三錢去 壳炒 共為細末。每服一錢。竹

葉湯下。

野薄荷

性微溫。味辛。微苦。能上清頭目諸風。止頭痛眩暈。發熱。去風痰。治傷風咳嗽。腦漏。鼻流臭涕。退男女虛癆發熱。

附方 野薄荷湯 治男婦傷風咳嗽。鼻塞聲重。

野薄荷錢二 陳皮錢二 杏仁錢二 皮尖 去 引用竹葉十五片。水煎服。

又方 治腦鼻流臭涕。

野薄荷不拘多少。水煎點水酒服。

蘇葉

性溫。味辛香。入脾肺二經。發汗。解傷風頭疼。定吼喘。下氣。寬膨。消脹。消痰。定喘。蘇子止咳嗽。降痰。定吼喘。下氣。消痰涎。

附蘇子散 治小兒久咳嗽。喉內痰聲如扯鋸。服藥不效。用之良效。老

人咳嗽吼喘者並效。

蘇子錢一入達杏仁一兩去皮尖年老人加白蜜錢二共為末。大人每服三錢。小

兒服一錢。白滾水送下。

黃果皮即理陳皮

性溫。味辛。微苦。入脾肺二經。主降氣寬中。破老痰結痰。固如膠者效。化痰。定喘。止咳嗽。下氣。消痰。功甚於廣陳皮。補胃和中。力不及廣陳皮。

昔李姓男子。得梅核氣。如痰結於咽喉之中。與梅核相似。喉中有礙。吐咯不出。咽之不下。

按此症因肝氣不舒。憂思氣鬱。結成梅核氣。偶著氣動怒。得此病十餘年。服藥不效。後得此方。服之立效。

理陳皮二錢去白土白芍二錢蘇子二錢桔梗一錢引用竹葉煎湯服。

白芷

性溫味辛。微甘。升也。陽也。入陽明經。以辛入肺。正陽明頭痛之寒邪。四時發熱。祛皮膚遊走之風。止胃冷腹痛寒痛。除風濕燥癢頑痺。攻瘡癰。排膿定痛。治婦人漏下白帶。散經。週身寒濕疼痛。

附白芷散 治四時感冒。風寒暑濕。頭疼發熱。乍寒乍熱。止陽明經頭風疼。又名香蘇白芷散。

白芷一錢香附一錢蘇葉一錢川芎一錢黃芩一錢石膏一錢防風一錢甘草五分引用生薑水煎服。

附白芷湯 治婦人濕痰下注。入膀胱以成白帶漏下。

白芷用頭不用 二錢蒼朮一錢川芎二錢香附一錢陳皮一錢蓮鬚一錢土茯苓二錢引用糯米一撮。水煎點水酒服。二三劑不效。加臭椿皮一錢艾葉二錢忌魚羊蛋蒜。

· 葦菜

補註 白芷湯 治婦人年少。素無病容。單有白帶症者。用之濕熱下注。此方用之效。婦人久病。白帶下注。是氣虛下陷。多成虛癆病症。用之不效。

蓀蕪草

性微溫。味苦。有小毒。治諸風風濕症。內無六經形症。外見半身不遂。口眼歪斜。痰氣壅盛。手足麻木。痿痺不仁。筋骨疼痛。濕氣流痰。癱瘓痿軟。

風濕疲火。赤白痕風。鬚眉脫落等症。根治婦人白帶。

附蓀葇膏方

蓀葇草不拘多少。搗汁入沙鍋內。熬成膏。日晒夜露。九次後入藥。

全秦歸 熟地 甘草 共爲末。入蓀葇膏內。煉蜜爲丸。每服三錢。

水酒溫服。

論蓀葇草有小毒。用甘草和中解毒。用當歸熟地補血養血。先治血。末

治風寒治血。血靜風自滅。

附方 治婦人白帶症。年少濕痰下注。用之效。老弱勿用。玉泉丹。治男

婦老幼咳嗽。氣喘吐咯黃瘦。白沫口涎。

蓀葇草不拘多少。水酒拌之。九蒸九露。爲末。煉蜜爲丸。每服三錢。白

滾水送下。

商陸

性微寒。味辛微苦。有小毒。主治利小便。消水腫。攻瘡癰。有赤白二種。赤

者不入藥。然可研末調熱酒搗打青
黑之處神效再貼膏藥更好

按商陸行消分利之劑。今人以爲大藥煮肉吃。有大補虛癆之症。非也。

酸漿草

性微溫。味鹹。利小便。治五淋玉莖痛。攻瘡毒。治腹癰。破血破氣。

蛤蟆草子名車前子

性微寒。味苦鹹。清胃熱。利小便。消水腫。通利五淋。赤白便濁。

車前子

性寒。味鹹。消上焦火熱。胃熱。明目。利小便。分利五淋。止水瀉。

附奇方 治小兒因傷食吐瀉。不急調治。日久脾虛作脹。肚大筋青。肚

腹蠱脹。或瀉。或發熱。服此方效。

車前子五錢 淮山藥一兩五錢飯上蒸 發熱加銀柴胡三錢 有蟲加蕪夷三錢

天葵

性寒。味苦辛。散諸瘡腫。攻癰疽。排膿定痛。治瘰癧消散結核。治婦人奶

結。乳汁不通。紅腫疼痛。乳癰乳岩。堅硬如石。服之或散或潰。

白藥子

性平。味苦。入脾肺腎三經。主治補中益氣。斂肺。日久咳嗽良效。并治婦

人白帶。

附白藥湯 治婦人白帶。

白芍三錢 艾葉二錢 香附一錢 伏龍肝二錢 棉花子三錢 芡實一錢 白藥五個 煎服。

昔陳姓男子。四十無子。得一人傳此方。服後生三子。

昔一女子。每用白藥子新鮮一兩。或猪肉或牛羊肉長服。良效。

黃藥子

性大寒。味苦。不可入藥。醫馬之良藥也。

淫羊霍

性微溫。味微辛。入肝腎二經。與陽治痿。強筋骨。用剪剪去邊上刺。羊油

拌炒。

過江龍

一名蒲地虎
又名地蜈蚣

性大溫。味辛。行週身經絡。發散表汗。手足濕痺。不仁麻木。濕氣流痰。筋骨疼痛。或打傷筋骨。誤傷經絡。用力勞傷。筋骨疼痛。能強筋舒筋。活絡定痛。發散風寒濕氣。膀背疼痛。背寒困痛。

附方 過江龍酒泡。治膀背疼痛。手足麻木不仁。週身經絡疼痛。或用

力過多。週身經絡發困。脚腿轉筋。寒濕作脹酸疼。此酒舒筋活絡。定痛

神效。

過江龍

五兩
去葉

八仙草

二兩

牛膝

五錢

全當歸

三兩

真穀子酒十斤。將藥入罐內。

罐口禁緊。無令洩氣。於鍋內重水煎。一炷香為度。取出露一夜。去火

毒。臨用將酒燉熱。隨量服。

何首烏

性微溫。味微甘。古本草註云。久服延年耐寒。且味澁苦。入腎為君。澁精。

堅腎氣。止赤白便濁。縮小便入血分。消痰毒。治赤白癩風。瘡疥頑癬。皮膚瘙癢。截瘧。治痰瘧。

附方 治赤白癩風

何首烏 苦參 等分。酒洗。共爲細末。用皂角水泡。竹刀披開。濃汁爲丸。

又方 治痰瘧。

何首烏 黑豆 煎露一宿。次早煨熟。朝太陽服效。

又方 治寒熱往來虛瘧。

法半夏錢一 白茯苓錢三 何首烏錢一 生薑一片水煎。露一宿。次早煨熟。朝

太陽服。此方治瘧。以七天後可用。中氣虛者良效。若初病風邪未消。痰食不清。食之不改散忌用。

山慈菇

性微溫。味苦辛。入脾肺二經。消陰分之痰。止咳嗽。治喉痺。止咽喉痛。治毒瘡。攻癰疽。敷諸瘡腫毒。有膿者潰。無膿者消。

白薇

性微寒。味苦辛。入脾肺二經。收肺氣。止痛除熱。治血痔漏癰瘡。

附方 治痔漏瘡傷。漏下膿血。毒瘡癰疽。紅腫不出頭者。有膿出頭。無

膿消散

白朮 水煎點水酒服。

白芨

性微溫。味辛平。治癆傷肺氣。補肺虛。止咳嗽。消肺癆咳血。收斂肺氣。

柀子

性微溫。味辛。微苦。陰也。入厥陰肝經。行厥陰滯塞之氣。止肝氣。左脇疼。痛。下氣。消膨脹。行陽明。乳汁不通。

附單方 治婦人乳結不通。紅腫結硬。疼痛惡寒發熱。

乾柀子 細末 二錢 有新鮮搗汁。點水酒服。

紫荊皮

性溫。味辛苦。有毒。入肝脾二經。行十二經絡。治筋骨疼痛。風寒濕痺。麻木不仁。癱瘓痿軟。緩筋。止腰疼。治婦人血寒腹痛。用燒酒炒過用。

附方 荊皮 治男婦筋骨疼痛。痰火痿軟。濕氣流痰。

紫荊皮 二兩 酒炒 秦歸 五錢 川牛膝 三錢 川羌活 二錢 木瓜 三錢 上好酒五斤。重湯煎一

炷香為度。露一夜。去火毒用。

烏藥 一名臭牡丹

性溫。味苦辛。治消胸膈膨脹。下氣。利小便。消水腫。止氣逆腹痛。

烏藥花 治婦人紅崩。水煎。點水酒服。

香附

性微溫。味辛。調血中之氣也。則有推行之意。開鬱氣而調諸氣。寬中消食。止嘔吐。和中養胃。進食。氣血調而陰陽固守。憂鬱開而疾病不生。開鬱調氣要藥。女人之至寶也。

附十珍香附丸

香附十四兩。作七分。每分二兩。大理府出者。以一分童便浸。一分酒浸。行經絡。一分醋浸。醋開鬱消瘀血順氣。一分鹽水浸。一分茴香子湯浸。滋腎水。補腰膝。一分益智仁湯浸。上行胃氣。下行腎經強智。一分蘿蔔子湯浸。消痰。消食積。春秋浸三日。夏一日。冬五日。製畢焙乾。將香附入蘄艾四兩。以好酒煮黑豆為君。

熟地四兩 人參二兩 歸身四兩 益母草四兩 阿膠二兩 棗仁二兩 白茯苓二兩 甘草九錢
冬二兩 砂仁二兩 白朮二兩 山藥二兩 橘紅二兩 玄胡二兩 黃芩二兩 共為細末。煉蜜為丸。或酒煮神麩為丸。每服三錢。滾水下。

鐵馬豆一名黃花馬豆

性微寒。入肝膽二經。主瀉肝膽之火。治寒熱往來。子午潮熱。

附單方 治室女乾癆發熱。午後怕冷。夜間發熱。咳嗽吐痰。

鐵馬豆錢三 淮熟地錢三 咳嗽加響鈴草二錢 蜜炒 痰嗽加雲陳皮二錢 水煎。點童

便服。

蒲公英又名婆娑丁

性微溫。味苦平。治婦人乳結乳癰。紅腫疼痛。乳筋硬硬作脹。服之立效。軟諸瘡腫毒。疥癩癬瘡。利小便。祛風。消諸瘡毒。散瘰癧結核。止小便血。治五淋濃閉。利膀胱。

附奇方 治瘰癧結核。痰核繞項而生。立效。

蒲公英錢三 香附錢一 羊蹄根錢五分 山茨菇錢一 大薊獨根 錢二 虎掌草錢二 小一枝箭錢二

小九古牛錢一 水煎。點水酒服。

五葉草出京都者良名老鶴草治筋骨痰火症河南衛輝亦出

性微溫。味苦辛。祛諸風。皮膚發癢。通行十二經絡。治筋骨疼痛。痰火痿軟。手足筋攣。麻木。利小便。瀉膀胱積熱。攻散諸瘡腫毒。退癆熱發燒。治風火蟲牙。痘疹疥癩等症。

附方 治婦人經行染受風寒。寒邪閉塞子戶。令人月經不調。日期不

對。參差前後。經行發熱。肚腹膨脹。腰脇作痛。不能受胎。此方以經行

後月事斷止方效。

五葉草錢五 川芎錢二 大薊錢二 吳白芷錢二 水酒各一鍾。合煎。臨臥服。服後避

風見風令人手足面目腫小便自利無怕。

小九古牛

大九古牛不入藥服之令人吐

性微寒。味苦辛麻。入肝舒通筋絡。破血散癰。癰結核。攻癰疽腫毒紅硬。服之有膿出頭。無膿立消。

斑莊根

性微寒。苦微澁。攻諸腫毒。止咽喉疼痛。利小便。走經絡。治筋骨痰火痿軟。手足麻木戰搖。五淋白濁。痔漏瘡癰。婦人赤白帶下。
附單方 治筋骨痰火。手足麻木戰搖痿軟等症。

斑莊根

一兩 川牛膝

五錢

川加皮

五錢

防風

五錢

桂枝

五錢

木瓜

三錢

燒酒三斤泡服。

王不留行

一名拔毒散

性寒。味苦。治婦人乳汁不通。乳癰乳結紅腫。消諸瘡腫毒。治小兒尿血。血淋。祛皮膚瘙癢。消風解熱。梗葉細末醋調敷癰疽瘡潰。散名拔毒散。

金銀花

性寒。味苦。清熱。解諸瘡癰疽發背無名腫毒。丹流癰癰。桿能寬中下氣。

消痰祛風熱。清咽喉熱痛。

木通

一名風藤草根

性平。味淡平。瀉小腸經實熱即效。清利水道。功效最良。能消水腫。通利

五淋白濁。小便濃閉玉關。並治暴發火眼疼痛等症。

附方 治火眼疼痛。

風藤草尖。不拘多少。用潮紙包定。於子母火內微炮。擠汁點目內。要將灰去淨。

又方 治尿結。小兒更良。

風藤草尖。用新鮮者。不拘多少。搗汁去渣。點水酒服之。良效。

赤木通 一名野蒲桃根

性寒。味酸苦。利膀胱積熱。消偏墜。下氣。走經絡。定痛。散乳結腫痛。治癰瘡排膿。通利五淋赤白便濁。止玉莖痛。

附方 治膀胱偏墜。疝氣疼痛。

赤木通 三錢 小茴香 一錢 吳茱萸 五分 水煎。點水酒服。疝氣加橘核 一錢 荔枝

核 七個 爲末。亦照前點水酒服。

天花粉 即瓜蒌根

性寒。味苦。治肺癰。排膿。消煩渴。止肺熱。消跌打損傷瘀血。清化日久老痰黃痰。下氣。改瘡毒。治癰瘡腫毒。並止咳嗽帶血。

昔一人被打傷右邊脇腰。咳嗽多年不愈。胸膛疼痛難忍。不時又作吼喘。後得一人傳付此方。連服數劑。半月而愈。

附方 治跌打損傷。

天花粉不拘多少。每服二錢。用石膏豆腐鹵調服三次。其人咳去紫黑瘀血數口。胸膛不疼。咳嗽亦止。服藥後作嘔發吐。其病方出。

必提珠

性寒。味苦。微甘。入脾膀胱經。清利小便。治熱淋疼痛。尿血溺血。止血淋。玉莖疼痛。消水腫。

附奇方 治血淋。

必提珠根二錢。蒲公英二錢。猪鬃草一錢。楊柳根一錢。水煎。點水酒服。

射干

性微寒。味苦辛。有小毒。治咽喉腫痛。咽閉喉風。乳蛾乍腮紅腫。牙根腫爛。療咽喉熱毒。攻散瘡癰。一切熱毒等症。

附方 治咽喉等症。

射干二錢。桔梗二錢。甘草一錢。連翹一錢。牛蒡一錢。梔子一錢。黃芩一錢。元參一錢。山豆根一錢。薄荷五分。水煎服。

若肺熱加石膏。胃熱大便結加大黃芒硝。血熱加生地赤芍防風一

錢。

又附吹喉散 治乳蛾乍腮。咽喉疼痛。喉風痰塞等症立效。

射干錢五 山豆根錢三 礞砂錢五 枯白礬錢二 冰片錢五 雄黃錢一

以上六味。共為細末。吹喉。

漏蘆 一名蘆葱。又名萱草。又名宜男花。又名金針菜。

性寒。味甘平。治乳結紅腫硬痛。乳汁不通。乳癰乳岩。攻癰瘡。滇中產者。其性補陰血。止腰疼。治崩漏。止大腸下血。

附方 治男婦腰痛。

漏蘆根果十五個 猪腰子一個 以上二味。水煎服三次。

又單方 治大腸下血。諸藥不效者。用此良。

漏蘆果十個 茶花五分 赤地榆錢三 象牙末錢一 以上四味。水煎服三次。

威靈仙

性溫。味辛苦。行十二經絡。治胸膈中冷寒氣痛。開胃氣。能治噎膈。寒濕傷筋骨。止濕。脚氣。燒酒煎服。祛脾風。多服損氣。

附方 治冷寒攻心。面寒背寒。肚腹冷痛。痞塊堅硬。滿腹膨脹。

威靈仙錢三 香白芷錢三 赤地榆錢四 杏葉防風錢五 吳黃錢三 茶匙草錢五 過山龍錢二

用燒酒二斤。煎熱。服二杯。疼止。

昔一人喫糯米飯傷食。結滯胸中。乍寒乍熱。肢體酸困。

威靈仙錢三 沙糖錢五 以上二味。用水煎。點水酒服。

又一人脚氣。脚邊腫疼。經絡疼痛。步履難行。用

威靈仙錢三水煎。點水酒服。

又一人背寒。痛不可忍。用

威靈仙錢二夏枯草錢五水煎。點燒酒服。

續斷一名鼓捶草。又名和尚頭。

性溫。味苦。微酸。入肝。補肝。強筋骨。走經絡。止經中酸痛。安胎。治婦人白

帶。生新血。破瘀血。落死胎。止咳嗽。咳血。治赤白便濁。

昔一人面寒。腹痛堅硬。

續斷錢三燒酒半鍾。水半鍾。煎服。

昔一人兩腿筋骨酸疼。服藥不效。用

續斷錢五醋半杯。炒乾。水煨。點水酒服。

鐵線草

性溫。味微甘。微酸。入肝。走經絡。強筋骨。舒經活絡。半身不遂。手足筋攣。

痰火痿軟。筋骨酸痛。泡酒用之。良效。

鐵線草。用口嚼爛。敷久遠疔瘡。生肌。敷刀傷。跌打損傷。止血收口。能接

筋骨。良效。

大陽草土名老鶴草。生太華山。頂羅漢寺。葉似堯豆葉。

性溫。味辛苦。入肝。行經絡。治半身不遂。筋骨疼痛。手足戰搖。痿軟等症。治一切腰疼。肚腹冷疼。

昔一人左手。中風。半身不遂。手足痿軟。筋骨疼痛。一人傳此方服效。

大陽草一兩全歸一兩川芎五錢石南藤五錢八仙草五錢桂枝二錢川牛膝二錢陳木

瓜五錢虎骨五錢燒酒五斤。重湯煎一炷香。服三杯。數日愈。

白蜀葵一名十蜀芪

性微溫。味甘。微酸。行經絡。治手足痿軟。筋骨疼痛。止婦人白帶。

旋覆花

性微溫。味苦鹹。有小毒。祛頭目諸風寒邪。止太陽陽明頭疼。行陽明乳汁不通。乳岩乳癰。紅腫疼痛。暴赤火眼。目疾疼痛。祛風明目。隱澁羞明。怕日傷風。寒熱咳嗽。老痰如膠。走經絡。止面寒腹疼。利小便。單腹脹。治風火牙根腫痛。

附方 治頭風疼。

旋覆花一錢白菊一錢川芎一錢細辛一錢黃芩一錢羌活一錢引用生薑水煎服。

又方 治乳岩乳癰。吹乳腫疼。

旋覆一錢蒲公英一錢甘草節八分白芷一錢青皮一錢水酒為引。水煎服。

又方 治暴赤火眼。

旋覆 枳殼 白菊 黃連 白蒺藜 水煎服之。

又方 治傷風熱咳嗽。

旋覆 杏仁 陳皮 知母 前胡 荆芥穗 引用燈心草。水煎服。

又方 治面寒疼。

旋覆根 水牛肉 水酒為引。煎服。

又方 治單腹脹。

旋覆 鯉魚 將魚腸去淨。藥入魚內。煎服。小便利。腫脹即消。

又方 治風火牙疼。

一三二月。採旋覆花為末。搽牙根。去痰涎。疼立止。

莧菜 家園種有赤白二種

性微溫。味鹹。白者入氣。赤者入血。白動氣。赤破血。

野莧菜

性微溫。味鹹。白者祛肺中痰積。赤者破腸胃中血積。赤白同用。打肚腹毛髮之積。消蟲積。殺寸白蟲。下氣。消腸胃中痰積。食之令人瀉成白痢。肚腹中有血積。毛髮積。食之令人瀉成紅痢。洗皮膚瘙癢。祛皮膚遊走之風。

馬齒莧菜

性微溫。味酸鹹。入胃。益氣。清暑熱。寬中。下氣。潤腸。消積滯。殺蟲。療瘡。紅腫。疼痛。

附方

- 一治赤白痢。用馬齒莧搗汁。合雞白服。
- 一治多年惡瘡。用馬齒莧搗敷兩三遍。即瘡。
- 一治禿瘡濕癬。用馬齒莧燒灰。煎膏塗之。
- 一治小鬼丹毒。用馬齒莧搗汁飲。渣塗之。

蘿蔔

性平。生味辛甘。熟味甜平。入脾肺二經。寬中。消膨脹。下氣。消宿食。消麥麵積。熟食寬中。醒脾氣。化痰涎。生食動痰。逆氣上升。咳嗽忌食。

萊菔子 即蘿蔔子

性溫。味辛。入脾肺二經。下氣寬中。消膨脹。消痰涎。消宿食。消麵積滯。降痰。定吼喘。攻腸胃積滯。治痞塊。治單腹疼。

附萊菔丹 治男婦單腹脹。形如鑼鍋。腫硬脹滿。小兒肚大筋青。神效。

萊菔子 五錢 白豆蔻仁 去壳 五錢 牙皂 二錢 吳神麩 五錢 巴豆殼 五錢 過山龍 五錢 酒炒 草血

結 一兩 川鬱金 五錢 檳榔 五錢 木香 二錢 沉香 三錢 面目浮腫足腫。加土狗 一兩 去足翅 共

爲細末水爲丸或爲末亦可。滾水服二錢。服至二十一日後全愈。此丹治諸氣不調。停滯不化。氣逆不舒。胸膈脹滿。嘔已惡心。心腹膨脹。吞酸吐酸。飽悶打呃。心脾氣疼。痛積食積。每服二錢。滾水送下。

一治九種胃氣疼痛。此病因內傷七情。外感六慾。客寒犯胃。內外相搏。氣道閉塞。鬱於中焦。遂成胃氣疼痛之症。每服二錢。荔枝核三個。火上燒爲末。同茴香子一錢。煨湯送下。奶母孕婦勿服。忌魚羊蛋蒜生冷麵食。

白蘿蔔 裨葉紅白二種經霜陰乾

性溫味甘。入脾胃二經。治脾胃不和。宿食不消。胸膈膨脹。醒脾氣。開胃寬中。噎膈打呃。硬食膨脹。嘔吐酸水。赤白痢疾。婦人乳結乳腫經閉。昔一劉姓老人。年六十餘歲。因喫飯著氣得噎食病。胸膈膨脹。肚腹嘈飽。喫飯脹疼打呃。食積在胸膈不消。或噎或哽。張口吐痰涎。用藥不效。服此方全愈。

白蘿蔔裨 五錢 錢三 吳神麴 錢三 白蔻仁 錢三 共爲細末。每服三錢。淡薑湯送下。

下。此方并治紅白痢疾。加枳殼炒山查各等分。煎服。

紅蘿蔔裨葉

性溫味甘平。入陽明胃經。行血破血。乳汁不通。奶硬紅腫疼痛。婦人經

閉血痢。裏急後重。

附單方 治紅痢血痢腹疼。裏急後重。

紅蘿蔔桿三錢神麩二錢山查三錢沙糖二錢水煎服。

又單方 治婦人奶結。紅腫疼痛。乳汁不通。或被壓著。或小兒吹著。

紅蘿蔔桿葉。不拘多少。搗汁一杯。新鮮更好。煨熱。點水酒或燒酒服

亦可。

葦菜

性溫。味辛鹹。溫中下氣。補虛益陽。入腎與陽。泄精。出噎散結。主治吐血

衄血尿血。生搗汁服。除胃脘瘀血。熟吃滑潤腸胃中積。或食金銀銅器

於腹內。吃之立下。

昔一婦人。誤吞金手圈一個於肚內。得此方服之。金手圈從大便中葦

菜裹之同糞而出。

葦菜不拘多少。不切。滾水炸熟。芝麻油拌服。

一小兒誤吞銅錢入腹。此方立效。

葦菜子焙黃去白皮

性溫。味辛鹹。補腎肝。煖腰膝。與陽道。治陽痿。種玉方中不可無。婦人多

食。生白淫白帶。

按菘菜多食動痰動邪火。與陽泄精。婦人多吃生白帶。同牛肉食。令人
生嘈雜病。昏神昏眼目。

葱白

性溫。味辛。入手太陽經。入足陽明經。引諸藥遊於四經。喘主發散。以通
上下陰陽之氣。傷寒頭疼。用之良效。忌同蜜吃。吃之令腹疼。嘔吐。多吃
昏神。致傷性命。切忌相犯。

大蒜

性溫。味辛。有小毒。祛寒痰。久吃生痰動火。與陽道泄精。少用健胃。消穀
食。化肉食。解水毒。

按大蒜胃中有痰積食之。令人肚腹疼。嘔吐。氣脹。有胃氣疼者。忌食。食
之發胃氣疼。咳嗽忌食。有背寒面寒者。忌食。久食令人昏神。昏眼目。
動肝氣。多食傷脾。

青蒜

性溫。味辛。醒脾氣。消穀食。動痰。動氣。膨脹。

按青蒜多吃。令人胃中痰動。心胃嘈雜。傷肝。昏眼目。咳嗽忌食。

甜菜

一名牛
皮菜

性平。味甜。入陽明經。動痰。走經絡。

按甜菜吃之。有損無益。動肝氣。發胃氣。疼。發背寒。面寒。發痰火。如筋骨疼。腹中有積。不宜食。無積不宜多食。

波菜子

又名刺蒺藜

性微溫。味微辛甜。入脾肺二經。祛風明目。開通關節。利腸胃。

按波菜傷腸胃。傷風忌食。引風邪入臟腑經絡。令人咳嗽。

季菜

性平。味微辛苦。消肺熱。咳嗽。除小腸經邪熱。利小便。

附方 治肺熱咳嗽。

季菜煎雞蛋吃。

茄子

根名東風草

性寒。味甘平。陰也。主發風積。動寒痰。吃之令人作嘔吐。面皮作癢。動肝積。食之令人左脇氣脹。損陰不宜多吃。根梗性寒。味甘。微苦。主治行肝氣。洗皮膚瘙癢之風。遊走之風。祛婦人下陰濕癢。陰濁瘡。

葫蘆

性寒。味甘淡。陰也。動寒疾。有寒疾食之。肚腹疼。發腹中風濕痰積。有風濕積。食之肚腹疼痛。出風疹者。不宜多食。

青菜

一名苦菜

性大寒。味苦涼。血熱寒胃。發肚腹中諸積。利小便。

附方 治婦人乳結。紅腫疼痛。

紫苦菜搗汁。水煎。點水酒服。

黃芽白菜

性微寒。味微酸。走經絡。動痰火。利小便。

白菜

性平和。味甘。主消痰。止咳嗽。利小便。消肺熱。

同蒿菜

性微寒。味辛。微苦。行肝氣。止疝氣疼。治偏墜氣疼。利小便。

鵝掌菜

性平。味甘淡。補中益氣。消痰。止頭目眩暈。利小便。治肺積肥氣。止玉莖疼痛。治癆淋赤白便濁。婦人白帶。

昔一婦人。得頭暈病。每發頭眩暈。眼見黑花。惡心嘔吐。飲食不下。後得

此方服效。

鵝掌菜不拘多少。猪肚一個。煎食二次。全愈。

又方

鵝掌菜不拘多少。煮雞蛋食。

冬瓜

性平和。味甘淡。入脾肺二經。潤肺。消熱痰。止咳嗽。利小便。

苦瓜

性寒。味苦。入心脾胃三經。瀉六經實火。清暑。益氣。止渴。

按苦瓜性寒。脾胃強盛。食之無事。脾胃虛寒者食之。令人吐瀉腹痛。

麥瓜一名南瓜

性微寒。味甘平。入脾胃二經。橫行經絡。利小便。胃有積者食之。令人氣

脹作呃逆。發肝氣疼。胃氣疼者。動氣。不宜多食。

黃瓜一名王瓜

性大寒。味辛。微苦。動寒痰。胃冷者食之。腹痛吐瀉。解瘡癬熱毒。消煩渴。

附單方 治黃水瘡。

黃瓜藤陰乾火焙存性 枯礬為細末。搽瘡上。黃水即乾。

絲瓜花絲瓜不宜多食損命門相火令人倒陽不舉

性寒。味甘。微苦。清肺熱。消痰下氣。止咳。止咽喉疼。消煩渴。瀉命門相火。

附單方 治肺熱咳嗽。喘急氣促。

絲瓜花。蜂蜜煎服。

痧疹毒熱痰喘咳嗽。吃之有膿出頭。無膿消散。

乾絲瓜種。九月間經霜露陰乾者。每服三錢。水煎點水酒服。

又方 治腸風下血痔漏脫肛。

絲瓜根經霜者。陰乾。每服三錢。用真菜油一點。入罐底。水煎服。

白螺

性溫。味鹹。治痞積。治五積六聚。肚腹冷寒。久痛噎膈。飲食不下。引用燒

酒服。

早螺

性微寒。味鹹。無毒。治瘰癧癰疽毒瘡。生山岩者。殼治反胃病。肉入冰片。

治痔瘡。

昔一人得反胃病。胸膈飽脹。飲食不下。下喉即吐。口涎并出。後得此方

服之。即愈。

早螺殼。新瓦焙乾為末。每服一錢。好春茶送下。

穿山甲

土炒
炮用

性寒涼。味鹹。治疥癩癰毒。破氣行血。胸膈膨脹。逆氣。治膀胱疝氣疼痛。

昔一人因飲食誤食螞蝗。胸膈膨脹。以單腹脹症。并用穿山甲

煎子

三錢
炒

白豆蔻一錢。共為細末。每服二錢。滾水服。三次即愈。

土炒
一錢

菜

又方 治疝氣膀胱疼痛。

穿山甲三錢 炒 茴香子二錢 細末。每服二錢。滾水酒送下。

地龍名蚯蚓又名細蟻

性寒。味苦辛。祛風。治小兒瘦癯。驚風。口眼歪斜。強筋治痿。

附方 治小兒急熱驚風。手足瘦癯。

地龍五條 洗白 硃砂二分 將地龍搗爛。入硃砂調服。

又方 治小兒腎囊腫大。或硬。用之。

蚯蚓糞不拘多少。冰片二分。共為末。芝麻油調搽。或菜油亦可。

田螺

性大寒。味微鹹。解酒毒。止嘔吐。惡心反胃。

附單方 治單腹脹良效。

田螺一個 葱頭三個 麝香二分 共搗爛。填臍內。上用帕束定。過一宿。以利為度。

又方 治體臭。

田螺一個 冰片二分 將田螺入磁器內。入冰片隔一宿。化為水。將水搽兩

腋上。臭自止。此方治好數十人。兩腋體臭氣立效。

山螃蟹

性微寒。味鹹。強壯筋骨。併能橫行絡分。爪甲破血催生。治難產。治癥瘕。

附單方

山螃蟹搗爛。敷棒瘡立效。

又方 治婦人產後兒枕疼。

山螃蟹不拘多少。用新瓦焙乾。熱燒酒服。良效。

水牛蓮貼

性溫味甘微酸。健脾開胃。消積。磨宿食。寬中。醒脾有進食之功。消痞滿胸脹。

昔有一小兒脾胃不好。或吐或瀉。傷食不思飲食。面黃肌瘦。目無睛光。後得此方服之效。

水牛蓮貼 新瓦焙黃 色一兩 雞肫皮 焙黃色 一兩 共為末。每服一錢。滾水送下。忌麵食

生冷。

雞肫皮

性溫味甘。寬中。健脾。消食。磨胃。小兒乳食結滯。肚大筋青。痞積疳積。

黑老鴉血

性微溫。味辛。血味鹹。治一切年深日久。吼喘。喉中如鋸聲。每遇傷風。或北風即發。

附方

黑老鴉血晒乾。每服三分或五分。滾水送下。

麻雀糞一名白丁香

性溫。味甘。雀腦入腎。與陽泄精。

麻雀糞即白丁香。要直立地上者。白色。方可用。磨翳退霧。遮睛不明。入

眼藥用之。

蝻一名穀雀

性溫。味甘。微辛。入肝脾二經。治山嵐瘴氣。瘧疾。寒熱往來。不服水土。瘴

瘧。瘧烟。經年不愈者。立效。

附方

蝻新瓦焙乾。去足翅。每服三個或五七個。用燒酒服。

土狗一名地狗

性平。味甘。入胃。利小便。消水腫。上半身腫者。用上半節。下半身腫者。用

下半節。去足翅。用新鮮新瓦焙乾。每用五個。滾水服。上下俱腫者。全用。

外附良方

藥酒仙方

治男女手足麻木。腰膝痿軟。筋骨疼痛。四肢無力。痰火

濕氣等症。

生地 蒼朮 全秦歸 桂枝 川芎 牛膝 杭芍 廣陳皮
 續斷 五加皮 扶神 威靈仙 酸木瓜 此係本方外加 鑽
 地風 松盟節 老鸛草 金錢參乳 再加飛松香
 以上用新瓦罐泡穀子燒酒飲。或重湯煎一炷香時。取出隨便飲之。
 又方

五穀蟲二錢 紫荊皮一錢另用酒炙過若生有毒誤人切記 杜仲一錢 柴胡一錢 牛膝一錢 鉤藤一錢 乳香五分
 肉桂五分 沒藥五分 桂枝一分 半夏一分 丹皮五分 骨碎補五分 枳殼五分 松香一分 松節一分
另包 皂角二分 白朮五分 蒼朮五分 硃砂五分 遠志一分 木通三分 狗腎一錢若無用枸杞亦可 防風五分
 花一分 全歸一個 黃芩三分 土茯苓三分 百部五分 一枝箭一個 虎骨三分 石龍骨一分 紅藤一分
錢 破故紙五分 生地五分 熟地五分 膏糧梗皮 川烏製五分此犯冷水毒不用亦可 紫草一分
 以上入罐。用穀子燒酒泡煮一炷香時候。初泡酒二十斤。二次又泡
 酒二十斤。三泡酒十斤。均忌用冷水。孕婦忌飲。惟肉桂乳香二劑。不
 見火。須待煮好。將蠶取出。候涼定。始可放入罐內。記之。
 又方

炒黑豆童便浸露九次蒸透用更佳 秦歸 陳皮 五加皮 各等分。穀子燒酒泡服。
 治橫擔神方。係因氣鬱濕熱痰滯。突起於腠縫。類似瘡子者是。用白蓮
 花葉。常煎以爲茶飲。多用爲妙。於每日用地丁一兩 金銀花一兩 秦歸五錢

連翹用一甘草錄三水酒煎服。一劑可用二日。總以核散爲止。忌魚羊蛋
蒜。發風動氣之物。

又起面皮斑痣方

糯米數顆。用土鹼二個爲末。拌粟炭灰半盞。入核桃大生石灰一點。以水發開。待吸將乾。將米按顆插上。候米發酵。挑敷斑痣上。任其結蓋。自行退落。卽無。但斑痣黑大者。微陷些。

外附單方

凡五金刺出腸肚者。用乾人糞爲末。塗上。隨用桑根白皮。作線縫腸口。次以雞冠血塗之。

割破喉額者。急用嫩雞扯下皮來。包定。次以石灰如合菜。同搗爛敷之。箭頭弁鍼。折在肉內。用象牙刮下末。以水調敷之。可出。

被人咬破手指。痛極。用小便浸指一夕。愈。狐狸均迷人。用桐油搽在下陰上。卽愈。

左癱右瘓者。用熟牛骨髓一碗。蜜一斤。煉過。二味濾淨。入炒麵一斤。乾薑炒爲末三兩。將四味合均杵數百下。丸如彈子大。每日服三四丸。以酒嚼下。

急喉閉。將手大拇指外邊指甲後一葦菜許處。男女左右以針刺出血卽愈。

如危急將兩手俱刺之。乃少箇穴也。

骨鯁 用苧麻根。杵汁服。或金鳳花子連根水煎服。

又方。用玉簪花或根。杵汁和好醋調服。切忌沾牙。

又方。用人指甲燒存性為末。吹入喉中。立效。

魚骨鯁 用魚刺一根。暗地插在他頭上。勿說破。自下。

又方。用蒜塞鼻中。即出。橄欖核研水咽下數次亦效

雞骨鯁 用香油煎滾。候溫服。

猪骨鯁 用象牙末。浮於新汲水上。吸之。效。

口瘡 用生薑自然汁漱口。涎出即效。

中菌毒 用淨地處挖深二尺。入新汲水於內。攪三百下。澄清飲之。立

解。

中諸藥毒 宜多飲生薑汁。自解。

中諸藥毒 又方。用玉簪花根水服之。

小便不通 用車前草。搗汁入蜜。同煎服。

又方。用白礬末安臍中。以冷水滴之。自通。

又方。用炒熱鹽入布袋內。乘熱熨臍。冷又換之。熨至利方止。

又方。用葱白切細。炒熱。入射香少許。以布包為兩處替換。乘熱熨臍下。

卽通。

又方。用燈心草燒存性。滾水送下。

又方。用猪苦膽投熱酒中。服之立通。

又方。用扁竹根水煎服。

大便不通。用蘿蔔子研爛。冷水調之。加皂角末三錢於內。服之。

又方。用商陸根搗爛。敷肚臍上。立通。兼治小便不通

又方。用火麻子去皮。紫蘇子。用新汲水調濾汁。煮稀粥食之。

又方。用猪苦膽一個。入醋少許。用竹筒套進糞門中。擠入卽愈。

又方。用蜜四兩。銅勺內漫火煎乾。做成條如手指大。四五寸長。放入肛

門內。按住。俟通。取出。熬蜜時。用杖攪之。加皂角末少許在內。勿令焦

枯方好。

又方。用皮硝一撮。入在香油一盞內。加皂角末少許。次取竹筒一頭。送

入肛門三四寸深。先以尿胞裝藥。透過竹筒內。以手一擠。藥進卽通。

此名導箭。

大小便不通。用鹽炒過。研細。塞肚臍內。以蒜切片蓋上。艾火熨之。三

五日不通者。用皂角焙過。研末三錢。新汲水送下。

又方。用皂角去皮子焙爲末。麵糊丸。如桐子大。每服三十丸。酒送下。

腹內有寸白蟲者。用酸石榴土中東引根一兩切細。入糯米三十粒。水煎成濃汁。於五更時服下。

轉筋入腹欲死者。用生姜一兩杵碎。以酒煎。乘熱服之。

又方。用皂角焙爲末。吹入鼻中。得嚏卽好。

又方。木瓜善治轉筋。如患者常念木瓜二字亦安。

孕婦病溫疫者。用井底泥塗其兩足心。免致損胎。

木石打壓。從高墜下。氣絕者。以小便灌之。其惡血攻心。昏亂痛極者。用

荷葉燒爲末。每服三錢。日服三次。熱童便下。

折傷手足。用地榆根筆管草根。和水酒糟杵和。包定。外用刺木通皮夾

固緊纏之。

又方。用苦苣麵包之。

又方。用骨碎補爲末。和糯米粥包之。或用細葉寄生草。

木石傷。刀傷。破損。用磚上陳石灰末敷之。

打破疼痛者。金鳳花葉。連根杵爛敷之。止痛。用白礬爲末。滾湯化了。以

首怕浸濕。乘熱熨之。腹中有死血者。用大黃三錢。當歸一錢。爲末。滾

酒送下。

金鎗。刀斧傷血不止者。用自己小便淋洗。雖痛甚而易愈。

又方。葵花葉搗敷。

又方。用炒過石灰。和雞子清丸。如彈子大。火燒紅。搗爲末。敷之。止血。易愈。

瘋犬咬傷 用紫蘇葉細嚼敷之。

又方。用斑蝥七個。去頭足翅。糯米同炒研爲末。溫酒送下。瀉在便桶內。須見有沫似狗形爲驗。若無此形。宜再服七個。亦可除根。後用黃連一兩。水煎服解之。忌飲葷酒百日。凡遇此症。先須針洗艾炙。又服此藥。無不效矣。否則腹中聞狗聲卽死。

腹疼而不吐瀉者。有蟲也。用白礬。雄黃。廣檳榔。三味等分。研爲末。飯丸如黍米大。每服五分。食遠滾水送下。

心如刀刺。口吐清水者。有蟲也。用生艾搗汁一大盞。於前半月。勿食晚飯。俟五更時。先嚼燒肉於口內。切勿咽下。此時蟲聞香。頭皆朝上。卽服艾汁打下蟲效。

又方。用香油一盞。入炒過鹽末一盞。同入碗中。煎燒服下卽愈。

夜間疼者。蛔蟲咬也。用苦楝子皮去粗者。將細白皮切碎二斤。入水十碗。煎折二分許。取起。濾去渣。放土鍋內。漫火熬成膏。每日五更時。溫酒調下一錢。以蟲下爲度。

腹內諸蟲。久不痊者。用廣檳榔泡過。杵爲末。每服一錢。增至二錢。葱蜜湯空心送下。

心腹冷病。男人病。令女人遞與水飲之。女人病。令男人遞與水飲之。水須要新汲。

轉食病。用黃柏爲末。每服三錢五分。熱酒送下。食後服之。

又方用生姜一兩。切如米大。以醋醬一碗。煮折半碗。空心食下。

噎塞病。用碓頭上細糠。蜜丸如彈子大。每服一丸。以口中津液咽下。

又方。寡婦平日梳頭木梳。燒存性。研爲末。以鑰匙煎湯送下。

外附單方

治風火牙痛。用黑豆葱艾川椒四味煎湯漱口。

又方用瓦上青苔。加鹽煎湯漱口。

又方用羊蹄根煎湯漱之。

鼻症。鼻疳爛通其孔者。用鹿角一兩白礬一兩頭髮五錢共研爲末。先焙焦炒過上燒過

用花椒湯洗淨。疳孔。然後搽之。如瘡不收口。可用瓦松燒存性。研末

搽之。

鼻疳蝕久將死者。用染布靛花敷之。日間十次。夜間四次。敷久自效。

耳症。治耳聾。用透鐵關法。取上好活磁石。如棗大者二塊。剉令一頭

大。一頭尖。搽麝香於尖。塞耳中。令口內含生鐵一塊。俟兩耳氣透。颯然有聲。方止。須勤用五六次即愈。

耳內有膿痛者。用抱出雞子殼炒黃爲末。香油調。用雞翎灌之。

又方用蚯蚓焙乾爲末。兼治耳聾。

耳內外生瘡者。用五倍子研末。水調塗之。

百蟲入耳。用兩刀於耳邊磨令有聲作響。蟲自出矣。

又方取雞冠血滴入耳中。

又方用燈心浸香油入耳鈞出。

馬蟻入耳。用豬精肉一塊。炙香。於耳邊引出。

又方穿山甲炒爲末。水調灌之。或用生薑。

蜈蚣入耳。用雞肉炒香。放耳邊引出。用生薑汁灌入。

諸蟲入耳。用貓尿滴入耳中。即出。取貓尿法。以生薑搽貓鼻自出。

黃豆入耳。用雞毛管長二寸許。一頭去盡膜。一頭留膜少許。以有膜之

頭入耳。用力一口吸出。

目症 暴眼疼痛不可忍者。用白礬火飛研末二錢。以去皮生薑杵汁

調塗眼胞上。令閉目無開。俟一炷香盡。痛止。溫水輕輕洗去。神效。

暴發火眼。用豆腐三斤。煮老。露一夜。又煮熟。以蜂蜜調勻。食之即止。

又方。用救軍糧葉於口中嚼爛。敷眼皮上卽安。

風赤眼。用車前草洗淨。杵爛敷眼胞上。

生花生翳。用刀括手指甲極細末。和人乳汁調勻。點在翳上。

諸患眼者。於每夜間口含蘿蔔一片。不時換去。收了毒氣自安。

青盲眼於狗生兒時。趁小狗未睜眼之前。取狗乳點眼。至小狗睜目。

卽明矣。

治眼目不明。用黃連桑葉生薑三味。同煎湯洗眼。日久見效。

諸物入眼內。用淨水磨京墨。以飯筋頭點入目中卽出。

飛絲入眼內。用新筆潤開。於眼內攪之。卽出。

頭痛用皂角末吹入鼻中。得嚏卽止。

頭風用魚骨燒存性。研末二錢。葱酒送下。

痰火方用天南星切杵爲末。薑汁打麵糊丸。如菉豆大。硃砂爲衣。每服

二十九丸。白滾湯送下。

痰火而手足疼痛酸麻。用續斷根醋煮過。細切晒乾。臨時以酒煎送下。

熬三次服。後將渣包於患處。

酒醉。口中氣有出無入。將死者。用葦菜搗爛。加醋炒熱。絹布包換熨臍

下。勿歇。以臍下溫暖氣回如常方止。

因色慾虛冷肚疼。用胡椒和火酒燉熱服。

瘧疾。或三四日一發。或夜間多發者。用馬蹄香切細。空心酒煎送下。日久不愈者。用土牛膝根切細水煎。未發時服。至將發時。當茶飲。自效。

多年瘧疾。用偶遇殺驢處買取驢脂。同烏梅肉同杵爲丸。以新汲水吞下。如發無定期者。用驢尾下軸棍所積垢膩。以水洗下一杯。調麥麵做成餅二個。火內燒熟。於未發時食一枚。至將發時食一枚。

元江瘴氣。用刷綠皮晒乾爲末。於臨發時以水酒調下。臨安瘴氣。用野苜蓿根。水酒煎服。

水腫用赤花商陸杵爛。敷足心。以布包纏。其水從小便中出即愈。又方用白花商陸根。於石臼中杵取汁一杯。加黃酒一杯。和勻。燉熱服之。一日一次。忌鹽醬等味。并忌犯鐵器。

肚脹。四枝浮者。用黃瓜一個。直切做四條。連穰并子。以醋煮一半。生用一半。共杵爛。火上燉熱。空心食之。

黃腫。用牛膝草根切細。水酒煎服。

又方。用大戟單根不生岔者。切細。水酒煎服。忌鹽味。

中滿水脹。年少壯者。用葶麻子十枚。水研服之。打下惡沫。從大便出。漸

加至二十枚。三日一服。即愈。但終身不許食豆。

治十種水氣。五蠱脹氣。用葶麻子去殼包麻布。榨去油。薄薄攤在木勺內。仰放於鍋中水面。煮十餘沸。以藥不白爲度。取出。每服六錢。滾水內化開。空心溫服。連進三劑。以小便利爲效。

脹滿用蘿蔔子水研調下。

又方。用廣檳榔杵爲末。水煎食前服。

又方。用大蒜一個。放灰火中煨熟。去皮。棉花包之。塞糞門。冷即換。兼治大便不通。獨者爲佳。

淋症。血淋用槐花燒過。去火毒。杵爲末。每服一錢。水酒送下。

又方。用苧麻根二節。切細。水一碗。煎至半碗。服之。

治五種淋。用多年木梳。燒存性。空心時冷水送下。男用男梳。女用女梳。爲末效。

疼痛難忍者。用大蘿蔔切做四五片。以好蜜淹半時。放鐵鍋鏟上。慢火炙乾。入蜜又炙。以炙盡二二三兩蜜爲度。須令香脆勿焦。取起冷定。以鹽湯嚼下。

陽脫。因大吐瀉後。四肢冷。元氣不接。不醒人事。或傷寒新痊。誤行房事。小肚緊痛。外腎搐縮。面黑氣喘。身出冷汗。不救則死。用連根葱七根。

切細研爛。以好酒二碗煎至一碗。分作三服。灌之即回生。

又方。用生薑二兩。切細。水酒煎服。又炒葱頭加鹽於內。以布包之。乘熱熨氣海。

脫肛。用五倍子三錢。白礬一塊。水煎溫洗。

又方。用五倍子末。放熱鞋底上。以火烘之。托之即止。

又方。用經霜浮萍草。放瓦上陰乾。研爲末。搽之即止。

膿瘡。用黃蠟一塊。入香油內。慢火化開。加頭髮灰熬成膏。攤在油紙上貼之。

又方。用牛蹄殼燒存性。研末。香油調搽。

腳上生瘡。初如粟米大。抓成一塊黃水者。日久多成痼疾難治。用石榴

皮濃煎汁。候冷定搽上。即涼如冰。結痂而愈。

白癩瘡。用蛇退皮。焙爲末。以臘月豬脂調搽。

又方。用三月內採桃花蕊陰乾。加馬桑子研爲末。以臘月豬油調搽。

湯火瘡。用白礬爲末。香油調搽。止痛。

又方。用生柏枝葉杵爛敷之。或用柏枝樹油白皮燒灰敷。可治火灼爛

瘡。

又方。用山荳根細皮刮下。焙爲末。以香油調搽。

凡湯火傷忌用冷水冷物。逼火氣入內。爛入筋骨。慎之。
鍼折在肉中。用鼠腦塗之。卽出。

孕婦兒在肚中哭。用空房子中鼠穴土噙之。

耳瘡并頭瘡。用竹葉燒存性爲末。以猪膽調搽。

通治門

皂角通治。用皂角未紅而肥者。去筋并子與膜。然後炒焦。杵爲末。聽用。
照後引下。

中風口喎眼斜。用皂角末五兩。陳醋調塗患處。須替換塗之。以塗盡末爲度。

霍亂轉筋。用皂角末吹入鼻內。或燒烟薰之。令得噴嚏卽安。

大小便不通。用皂角末三錢。入稀粥內食卽通。

一風症。痰潮氣塞不通。以皂角末一兩。加白礬末五錢。膩粉五錢。合爲

末。研令勻。每服二錢。滾白湯調下。

一時氣頭疼煩熱。先用煖水淋浴。隨用新汲水一鍾。加薑汁蜂蜜少許。

以皂角末二錢和服。汗出卽愈。

中風口禁。用猪油塗在皂角上。將火炙黃。研爲末。每服一錢。溫湯下。氣

將絕者。服二錢。如牙關已閉。可用白梅搽牙。

急喉閉。用皂角米。生一半熟一半和勻。以筋蘸末點腫處。外以醋塗項上。須臾腫處即破。血出而愈。

目昏咫尺不辨人物。眉髮脫落。鼻梁崩陷。皮肉起瘡如癬。用皂角刺二斤。杵爲末。每服一錢。濃煎。服大黃湯送下。連服十日即愈。

濕氣偏身黃腫。氣喘滿悶。飲食不進者。用醋浸皂角於火上炙黃。杵爲末。每服一錢。加巴豆七粒。去油。以醋研墨調和爲丸。如麻子大。每服

三九。飯後煎橘皮湯下。日進三服。隔一日增一丸。利下效。

山荳根通治。用山荳根洗淨。切細杵爲末。聽用。照後症引下。解硫黃毒結。及中蠱毒藥毒。俱用水和下。

五種痔痛。用水研汁服下。

赤白痢。煉蜜丸。空心時水送下。

瘡癬。用臘月豬脂調末塗之。

寸白蟲等。每服三錢。空心時酒送下。

五般急黃。每服二錢。空心時水送下。

蠱氣脹。每服三錢。空心時酒送下。

霍亂。每服二錢。橘皮湯下。

婦人血氣腹腫每服二錢熱酒送下

狗咬蛇咬用水研成膏貼之

商陸通治

忌犯鐵器并忌鹽味其赤化者不可食也

喉中卒被毒氣攻痛者用商陸根切細炒熟

以布包熨痛處

瘰癧喉痺攻痛用商陸杵爛作餅放瘡上以艾火灸之

浮腫用商陸杵取汁一碗和酒一碗作三次燉熱服下則水自大便而

出

卒暴癰腫其內有物如石刺痛叫苦若不治至百日即死用商陸根杵

汁以布浸濕貼在痛處隨以渣蓋布上換數次勿令止久則自愈

諸熱腫用商陸根和鹽杵爛敷之

諸毒瘡用商陸根和紫花地丁二味切細以酒煎服之即消

威靈仙通治

於九月內丙丁戊己日尋威靈仙根

以不聞水聲者

洗淨焙乾杵為

末以好酒和令微濕裝甑內蒸透放大竹筒內牢塞其口勿令泄氣過

二三日又取出以酒拌濕如前蒸之九蒸九晒如乾膠漆狀白飯杵丸

如桐子大每服二三十丸溫酒送下名靈仙丹即痢不瀉其所治諸症

如左

治男女中風不語手足不遂等症

口喎眼斜。筋骨疼痛。熱毒瘡毒。

胎風頭風。暗風大風。顛狂傷寒。頭疼。鼻流清涕。服至二度。傷寒卽止。

治頭目眩暈。白癩風。皮膚風癢。

治癆疾連腰骨節風。繞腕風等症。

治言語滯塞。痰積食積。膀胱口氣流涎水。手足頑痺。氣壅腰膝疼痛。久立不得。時氣瘴氣。憎寒壯熱。頭疼尤甚。攻耳成膿而聾。又冲眼赤。大小腸秘。服此立通。飲食卽化。

治黃疸黑疸。面無顏色。瘰癧偏項。

產後秘澁。背痛腰疼。從高墜損。

心痛注氣。膈氣冷氣。腎臟風壅。肚腹脹滿。頭目浮腫。咳嗽喘息。坐臥不安。疥癬諸瘡。服此俱效。

婦人月經不通。動紅多日。血氣冲心。陰汗盜汗。鴉臭氣臭難堪。宜勤服之。更煎湯頻洗。每平旦時以舌唾津調威靈仙末塗遍身內外。每日一次。

治痔疾秘澁。血痢絞腸。及脚氣。足不能履地者。此簡易而功博。可便宜以濟人。

燉溫調下。

風癩。用生白礬一兩爲末。細茶一兩爲末。煉蜜和杵爲丸。如桐子大。每服三十丸。茶送下。久服其涎從小便出。

心痰火漸甚。用生白礬一錢。水花二分半。溶化作丸。如菉豆大。每服三粒。於空時以滾白湯送下。

痢疾。用白礬於火內飛過。研末一錢。石膏煨過。研末二錢。遇白痢以桂皮湯下。紅痢以甘草湯下。時氣直瀉以陳米湯送下。

水瀉。用白礬飛過。研末。五椀子炒過。研末。二味等分。以麵糊丸。如桐子大。每服三十五丸。空心時黃酒下。

耳膿疼痛。用枯礬末吹入耳中。

瓮鼻塞肉。乃肺氣盛也。用棉花包枯礬末塞鼻中。數日卽消。鼻中肉贅。臭不可近。痛不可搖。用枯礬末加礪砂末吹入鼻孔中。

暴發眼痛。用枯礬三錢。以生薑汁調成膏。抹紙上。令先閉眼。乃貼在眼皮上。當痛至一炷香盡。痛止。將溫水洗去。

咽喉腫痛。水漿不下。死在須臾。用白礬末加銀硃少許。吹入喉中卽消。心腹卒痛。用生白礬研末一錢。以好醋調服立效。

又方冷痛者。用生白礬末一錢。胡椒末一錢。二味和勻。每服五分。火酒

送下。

湯火瘡。用生白礬末。以香油調搽。

腦漏。用枯礬末頭髮灰等分。以青魚膽拌成餅。陰乾研細。吹入鼻中。

中諸藥毒。用白礬末。生用茶芽研爲末。二味等分。冷水調下。

蜈蚣咬。用白礬末。生一半。熟一半。水調搽。

癰疽腫毒。用生白礬末一兩。每服一次。或二錢。溫酒送下。

霍亂吐瀉。頭目眩暈。手足轉筋。四肢逆冷。用煨過白礬末二錢。滾白湯

下。

毒蛇傷。用生白礬煎湯洗傷處。

臙瘡。用枯礬末。以陳醋調敷四傍。

腫毒瘡癩。用白礬末生的入水化開。浸於紙上。貼患處。諸腫毒惡瘡。用

生白礬於端午日晒過。遇毒初起時。卽研末三錢。加葱頭細切。好酒

送下。立消。

乳蛾喉閉。用枯礬末。白殭蠶末。炒過等分。研勻。吹入喉中。餘見前諸症

內。

文蛤散通治

諸腫諸痛。用五椀子炒爲末。醋調敷。

自汗盜汗。用五椀子末。津調塞臍中。

偏疝。用五椀子炒爲末。好酒空心服。

耳底膿血。用五椀子末吹入耳中。

久痢腹痛。日夜無度。用五椀子炒爲末。枯礬末等分。和勻。醋糊丸。如桐子大。每服三四十九。空心時米湯下。

赤白帶下。用五椀子炒爲末。桃仁泡去皮尖爲末。等分。以火酒送下。

小兒夜啼。用五椀子末。以津調塞臍中。

發背瘡。用五椀子醋炙。用猪腦子杵成膏貼之。如瘡在左用左邊腦子。瘡在右用右邊腦子。方效。

魚口瘡。初起用五椀子炒爲末。入百草霜末和勻。以醋調塗。一夜卽消。

香油通治 中信石毒。急用香油灌之。

產後子腸不收。用香油煉熟。以盆盛之。令產婦坐油盆中。一飯之久。隨用皂角末吹入鼻。卽上。

傷寒發黃。用生香油一盞。水半盞。雞子清一枚。和勻燉熟。徐徐服之。

葱白通治 婦人胎漏。用葱白煎汁飲之。

疔腫及無名惡毒。用葱白同蜜杵敷。

腹中初有積聚。用葱白切做細絲。半盞。香油半盞。煉過。二味炒黃色。入水二盞。煎至一盞。空心溫服。通利後。以米湯飲調養二三日。

大蒜通治 一切無名腫毒。初起用蒜塗。

痢疾。用陳石灰和蒜杵爲丸。米湯下。

心痛。用獨蒜五個。入黃丹二兩。于端午日同杵爲丸。臨用以醋磨下。

關隔。大小便不通。用大獨蒜一個。燒熟。去皮。棉包。納穀道中。

苦參通治 熱症。狂言。結胸。用苦參切細五錢。微炒。水煎。連進數服。不拘

有汗無汗皆愈。

傷寒四五日。頭痛壯熱。胸中煩痛。宜用苦參五兩。烏梅二十個。同以水

煎下。

傷寒三四日。已經嘔吐。更宜吐之。用苦參爲末。每服二錢。以酒送下。得

吐卽愈。

溫疫四五日。結胸滿痛。用苦參一兩。以醋二碗。煮至一碗。盡飲得吐卽

愈。凡天行病。非此不解。宜著被發汗自愈。

瘡疥。用苦參切炒。待烟出盡。取起。研爲末。米湯送下。

發背痔瘡。用苦參炒爲末。以水丸如桐子大。每服三錢。熱酒送下。

腸風瀉血。并血痢。用苦參炒。帶烟爲末。以米湯送下。或水丸吞下亦可。

卒心痛。及飲食中毒。用苦參一二兩。好酒煎稠汁。乘熱分作二服下。

楊梅瘰癧。大麻風等症。用苦參半斤。浸酒十五壺。春冬浸一月。秋夏浸

十日早晚開服。大治瘡科之聖藥。平居無病。服此能治內熱。補心養氣。消一切風毒。常服止十斤可也。

二仙丸。用酒苦草蓼草二味等分。杵爲末。醋糊丸。如桐子大。每服八九十丸。量人大小加減。凡一切病之有食者。以草蓼湯送下。如無食而當發散者。以薑湯下。此能治百病。無所犯亦無所忌。

大黃通治。用大黃不拘多少。以薑汁浸之。炙乾。再塗。再炙。至熟透爲度。勿炙太過。切細杵爲細末。聽用。隨症引下。

大便不通。以冷蜜湯下一錢。

傷風傷寒。以少許吹入鼻。男左女右。

腸風下血。以五分空心時。冷水送下。

赤白痢。大人五分。小兒三分。薑湯下。

腸癰肚疽。每服一錢。熱酒送下。

金不換天驗仙方

即三七

刀刃箭傷。及跌打損傷。血出不止。用三七少許。于口中嚼爛敷之。

吐血用三七一錢。自嚼爛。米湯送下。

腸風下血。用三七五分。嚼爛溫酒下。

杖瘡或刀傷瘀血。用三七嚼爛敷傷處。卽愈未破者。先服一二錢。使血

不攻心。

產後血不止。用三七爲末二錢。米湯下。

眼沉腫。用三七水磨塗眼眶。眼卽愈。

赤白痢。用三七研末二錢。米泔水下。

蛇傷虎咬。用三七末二錢。酒下并敷傷處。

畏入下蠱。先服下三七少許。其毒不能入。

無名腫毒。及癰疽等症。用三七一二錢。研細。以醋調塗之。疼痛卽止。

五行湯治一切暴發患目紅腫疼痛等症。用黃柏刮去粗皮。切細。入石臼

內。杵爲極細末。次以紙包定。放于水中。浸濕令透。然後以泥包紙外

成團。置灰火中。煨熟。取起打開。去泥紙。將黃柏末晒乾聽用。

凡遇患目。以末放鍾內。注水八分。置飯甑上蒸熟。乘熱薰洗數次。大效。

觀音大士傳一方能通治小兒痘疹。自始至終。或紫或黑。或起頂。或不起

頂。一切用酒炒焦金銀花煎與服。神效。

忍冬丸。能治一切無名腫毒。諸般惡瘡。用金銀花一斤。晒乾。同大甘草

二兩。共杵爲末。以酒打麵糊調勻。丸如菉豆大。每服二十九丸。熱酒送下。

極能解毒神效。

神效仙方萬億丸。赤脚真人親口傳。惟用硃砂及巴豆。不去巴油各五

錢酒煎五錢寒食麵丸如黍米用茶吞。或令一二三五丸服。管教萬症立時痊。

右用硃砂五錢。研細。以水飛過巴豆。去盡殼並心。淨肉五錢。不須去油。寒食麵五錢。以好酒調慢火燉麵糊爲丸。先將巴豆研細。次入硃砂末於內。再研。又次入麵糊於內。再杵數百下。令極勻。然丸如黍米大。丸時須口含冷水。并勿以手近面。丸畢以灰洗淨手。次將藥丸曬乾。貯於磁瓶內塞好。勿令泄氣。每服五七丸。量人加減。忌食醬豉冷水。有孕婦人不可服。

外感風寒發熱。用葱薑湯下表汗。內傷生冷。飲食積聚。用茶下。心疼。用艾醋煎湯下。腸熱。用冷水下。

大便閉結。用茶下。小便閉結。用燈心草煎湯下。

諸蟲作痛。用苦楝子根皮水煎湯下。

小兒急慢驚風。用薄荷湯下。

赤痢。用茶下。白痢。用薑湯下。